

## Luka Yesuhât Den Pat Âlepņe Lukaņe kulemguop.

O bukune Teopilo,

<sup>1</sup> Yesuņe hohetnenņan manmâ kulem topņe topņe memu lohimbî yâk orop manmâ ya ekbiņe den pat âlepņe ya kâsikum ningiwi.

<sup>2</sup> Den pat ya lok sesengâlâkņe kulemguwi.

<sup>3-4</sup> Otmu nâņe gurâ den pat ya topņambâek nâņgâm heņgenġum kulemġum katġihian. Yakât otmâ pepa yu sâlikumâmâ anġoân Yesuhât den pat kâsikum ġihiwi ya nâņgâm heņgenġuwuat. Den pat ya yuwu tap.

*Anġelo âlâņe Sakaria yâkâlen teteop.*

<sup>5</sup> Emelâk lok kutdâ âlâ, kutņe Herot sâm, yâkņe Yuraia ambolipņe yeņġât kunyeņe otmâ galemy-ongom manop. Sâp yan Anitâhât hotom uminiwi ya yeņġâlen ġâtņe lok âlâ, kutņe Sakaria sâm. Yâhâmâ Awiahât senâmbâ ġâtņe. Yâkņe imbi âlâ, kutņe Elisapet sâm, ya miop. Yâhâmâ Aron yâkât senâmbâ ġâtņe.

<sup>6-7</sup> Otmu lohimbî yuņe inâk kâsi manmâ gam sombo olowot. Yawu manmâ tem lâuwangim gamutâ Anitâņe yelekmu ârândânġ olop.

<sup>8</sup> Yâhâ Anitâhât hotom uminiwiņe amboņan amboņan hotom um ġaminiwi.

<sup>9</sup> Otmu hotom u uhât sâp ya tâlâhumu Sakaria mem katņetâ opon kâmbukņahât biwiņe âlâen yâhâ hotom uop.

10 Hotom uop sâp yan lohimbi nombotņane opon kâmbukņe yakât dâmân kâlehen yâhâ kinmâ Anitâ ulitguwi.

11 Ulitgum kinņetâ Anitâhât aņelo âlâ, kutņe Gawirie sâm, hotom uminiwi yakât alata bonângen tetem kinop.

12 Tetem kinmu Sakariaņe ekmâ pârâk pilâop.

13 Yawu otmu aņelo yaņe yuwu sâm ekuop. “Sakaria, ki kiņgitgahât ot. Imbihane naom miâk nâņgâm Anitâ ulitgum gamat. Yakât otmâ Anitâne nâņgâhihimu imbihane naom membuap. Naom yakât kutņe Yoane sâm kunbuat.

14 Tetewuap yan lohimbi kiņgitņe orowâkņe yet orop herone nâņgâwaņginomai.

15 Nanyetņe yaņe tem lâuwaņgim manmu Anitâne nâņgâwaņgimu ârândâņ otbuap. Târârâhâk manmâ to kârikņe ki nembuap.

16 Yawu manmu Anitâhât Wâtgât mâmâņahât Heakņe mâmâne otbaņgimu Isirae lohimbi kuwikyekmu Kutdâ Anitâhâlen biwiyene kepeim mannomai.

17 Emelâk embâņân Anitâhât poropete âlâ, kutņe Elia sâm, yaņe yâkât wâtņan kinmâ yu ya otminiop ya Anitâne ekmu ârândâņ otminiop. Yakât dopņeâk nanyetņane manmâ Kutdâhât mâtâp mewaņgiwuap. Yâhâ âwâlipyene nan baralipyene kuk otyiņgimai ya biwiyene mem huruņ tuhuyiņgimu kaok oraņginomai. Otmu lohimbi kunyene kârikņe otmâ Anitâhât den kumai ya ekyongomu orotmemeyene bâlene pilâm tem lâuwaņgim mannomai. Nanyetņane yawu otmâ Kutdâhât mâtâp mewaņgiwuap. Yawu.”

18 Yawu sâmu, Sakariaŋe yuwu sâmu âikuop. “Net emelâk sombo oait. Yakât otmâ gâhât den ya nângâm biwi yâhâp oan. Girawu otmâ yakât nângâmune bulâŋe otbuap?” Yawu sâop.

19 Sâmu sâop. “Ahonakmune nângâ. Nâ Gawirie, Anitâhât hoŋ bawaŋgiman. Yâkŋe hângânohomu ge den yu ekgohoan.

20 Yawu gârâmâ den ekgohomune nângâm biwi yâhâp oat yakât matŋe den biaek manbuat. Yâhâ den ekgohoan yukât bulâŋe tetewuwânâk lauhe hâreakmu den otbuat.” Yawu sâmu yanâk biatmu, lok sombo ya ikŋiâk kinop.

21 Lok sombo ya opon kâmbukŋan yâhâ sâp kâlep talop. Yakât otmâ lohimbî yaehen kinbiŋe “Girawu otmâ kâihumboŋ ot tap?” sâmu mambot-baŋgiwi.

22 Yawu otŋetâ yâk yeŋgâlen ge den ekyongowe sâmu otmu eŋatŋe maŋguakmu kopa olop. Kopa otmâ kinmu ekmâ yuwu sâwi. “Opon kâmbukŋan yâhâmu Anitâŋe biwiŋe mem purik pilâwaŋgimu kulem âlâ tetemu eksap mon?” Yawu sâŋetâ den sâwe sâmu bâtnaŋak kai toka olop.

23 Otmu nep sâpŋe pesuk sâmu kapiân âwurem gem ariop.

24-25 Otmu yakât kakŋan imbiŋe ya tepŋe olop. Tepŋe otmâ yuwu sâop. “Anitâ Kutdâŋe nângânihimu tepne oan yakât otmâ ki aŋulakbom.” Yawu sâmu emetŋanâk tatmu emetsenŋe mome pesuk sâop.

*Aŋeloŋe Maria yâkâlen teteop.*

26 Emetsenŋe mome pesuk sâmu yan, Anitâŋe aŋelo, kutŋe Gawirie, ya yâhâpŋe hângângumu

giop. Hângângumu ge Nasaret kapi Galilaia hânân tap yan imbi sihan âlâ, kutnje Maria sâam, ya tete-waŋgiop.

<sup>27</sup> Yâhâ imbi sihan ya Dawitihât senâmbâ gâtne yakât otmâ lok âlâ, kutnje Yosep sâam, yâkât pat kuwaŋgiŋetâ manop.

<sup>28</sup> Anjelo yaŋe tetewaŋgim yuwu sâop. “Anitâne nângâhihim mâmâne otgihiap yakât otmâ biwihaŋe herone otbuat.”

<sup>29</sup> Yawu sâam ekumu nângâm kiwilim biwiŋaŋe yuwu nângâop. “Den eknohoap yakât topne girawu?”

<sup>30</sup> Biwiŋaŋe yawu nângâmu yuwu sâam ekuop. “Anitâne nângâhihiap. Yakât otmâ biwihe sânduk sâek.

<sup>31</sup> Gâne tepge otmâ naom membuat yâkât kutnje Yesu sâam kunbuat.

<sup>32</sup> Lohimbiŋe yâkât nângâwaŋgiŋetâ yahatmu “Anitâ pato nandorone yâkât nanŋe” sâanomai. Otmu emelâk embânân Kutdânenne Anitâne tâmbânenne Dawiti lok kutdâ sâam katmu bukulipne galemyongom manop. Yakât dopneâk Anitâne nange âi sâam waŋmu

<sup>33</sup> Yakop sen nengât kunnene kinmâ tihitnenne otbisâp.” Yawu sâop.

<sup>34</sup> Sâamu sâop. “Nâ lok orop ki mansan. Yakât otmâ den yat yakât bulâne girawu tetewuap?” Yawu sâop.

<sup>35</sup> Sâamu sâop. “Anitâhât Wâtgât mâmânahât Heakne biwihan gemu Anitâne mâmâne otgihimu tepge otmâ naom membuat. Yakât otmâ naom ya koko salehâk manbuap. Yawuhât lohimbiŋe ekmâ kutnje “Anitâhât nanŋe” sâam kunomai.

36-37 Den âlâ torokatmâ sâmunê nângâ. Anitâne yu ya otbe sâm yakât ki hâum pâpgumap. Yawu otmâ bukuhe Elisapet kâsi manmâ gamap ya nângâwanjimu tepne otmâ manmâ gamu emet-senne nombolân konok pesuk yap. Imbi kâsi sâmai ya yawu tetewanjiap.” Yawu sâop.

38 Sâmu sâop. “Nâ Kutdâhât hon bawa imbi. Yakât otmâ den yat ya bulâne teteâkgât nanjan.” Yawu sâmu anelone pilâm ariop.

*Mariane Elisapet arim ehop.*

39 Sâp kâlep ki otmuâk Mariane Sakaria imbiñeit yetgâlen ariwe sâm kapiñe pilâm kapi âlâ Yuraia hân yakât halângen tap yan ariop.

40 Yan arim yâk yetgât emelan yâhâm Elisapet ekmâ herone otbanjiop.

41 Herone otbanjimu yanâk tepne kâlehen naom talop yanê kâlâwahomu nângâop. Yawu otmu Anitâhât Wâtgât mâmâñahât Heakne Elisapet mâmâne otbanjimu bukune yuwu sâm ekuop.

42-43 “O bukune, Anitâne gâ nângâhihim mâmâne otgihiap. Yakât otmâ imbi kerekne gâhât nângâhihinjetâ yahatbuap. Otmu naom membuat ya Anitâne mâmâne otbanjimu tihitnenne otmu Kutdânenne sâm tem lâuwangim mannom. Nâmâ imbi inñe mansan. Yamâ gâne nâhâlen takarâ nângâmune âlâ kândâkdâ oap.

44 Taka nohondâ yanâk naom tepnan tap yune kâlâwahomu nanjan.

45 Otmu den âlâ torokatmâ sâmunê nângâ. Anitâne anelo âlâ hângângumu ge den ekgohop yakât bulâne tetewuap yakât nângâm biwi yâhâp ki oat. Yawu otmâ biwi herone nanjat.” Yawu sâop.

*Mariane Anitâ mepaem herone otbangiop.*

<sup>46</sup> Yawu sâmu Mariane yuwu sâmu ekuop.

<sup>47-48</sup> “Nâ Anitâhât hoŋ bawa mansan. Yawu gârâmâ Kutdâne Anitâ tihitnenŋe otmapŋe nâŋgânihim mâmâŋe otnihiap. Yakât otmâ lohimbi komotŋe komotŋe tetem mannomaiŋe nâhât nâŋgâŋetâ yahatmu “Anitâŋe nâŋgâwanŋiap,” sânomai.

<sup>49</sup> Anitâ Manman koko salek Amboŋaŋe mâmâŋe otnihim kulem miap yukât nâŋgâmune ewe membe otmu mepaem mansan.

<sup>50</sup> Otmu lohimbi âlâ me âlâŋe Anitâhât nâŋgâm tem lâuwangimai ya wawaeyekmap.

<sup>51</sup> Wâtŋe pato nandoroŋe tatbangiap. Yakât otmâ yu yakât ki pâpgumap.

<sup>52</sup> Lohimbi yeŋe enŋatyeneâk watmâ manmâ hâkyeŋe mepaeakmai ya mem ge katyekmap. Otmu lok kutdâlipyenŋe lohimbi mem bâleyekmai ya mem ge katyekmap. Mem ge katyekmâ lok geheŋe ya mem yâhâ katyekmap.

<sup>53</sup> Otmu lok iri sikumyeŋe orowâk ya misihem manmai ya mem ge katyekmu umburuk otmâ manmai. Yâhâ lohimbi po manmai ya tihityeŋe otmâ sot kâlê yingimap.

<sup>54</sup> Emelâk embânân tâmbâlipnenŋe yengât pat kuyingiop ya mem mete tuhum Isirae lohimbi nengât tihitnenŋe otmâ gamap.

<sup>55</sup> Yawu otmâ tâmbânenŋe Awaraham yâkât pat kuwanŋiop. Pat yakât bulâŋe nen yâkât sen nengâlen teteap. Yawu.” Yawu sâmu.

<sup>56</sup> Mariane yawu sâmu Elisapet ekuop. Otmu yâk orop manmu emetsenŋe kalimbu pesuk sâmu

kapiņehen âwurem ariop.

*Yoane teteop.*

<sup>57-58</sup> Maria âwurem ariop yakât kakņan Elisapetņe nanņe miop. Yâhâ Kutdâņe nâņgâwanņimu nanņe miop yakât nâņgâm hep torehenlipņe otmu kapi ambolipņaje heroņe nâņgâwanņiwi.

<sup>59</sup> Otmu hilâm nombolân kalimbu pesuk sâmu yan hep torehenlipņaje menduhuakmâ naom yakât hâkņahât undip tuhuwanņine sâm, âwâņe Sakaria, yâkât kutņe membuap sâwi.

<sup>60</sup> Yawu sâņetâ mâmâņaje kuyiņgim yuwu sâop. “Bia, kutņe Yoane sâm kunom.” Yawu sâop.

<sup>61</sup> Yawu sâmu yuwu sâm ekuwi. “Âlepņe yat yamâ bukulipge me hep torehenlipge yenġât kut âlâ yawuya ki tap.”

<sup>62</sup> Yawu sâm kuanņiwi. Otmu “Âwâņaje girawu nanņap?” sâm bâtyeņaje kai toka otmâ tape kiripi mem wanņbi.

<sup>63</sup> Tape kiripi mem wanņetâ yuwu kulemguoop. “Kutņe Yoane sâm kunom,” yawu kulemguoop. Kulemgumu ekmâ nâņgâņetâ âlâ kândâkdâ olop.

<sup>64</sup> Yawu otmâ Sakariahât launņe hâreakmu Anitâ mepaeop.

<sup>65-66</sup> Yawu otmâ Anitâņe naom ya mâmâņe otbanņim ikņe den biwiņan katmu lohimbi ekyongowuap yakât sâm mepaeop. Kulem yawu teteop yakât nâņgâņetâ sâtņe otmu kapi ambolipņaje yakât den pat sâm haok tuhuņetâ lohimbi Yuraia halângen manmâ ariwiņe nâņgâm yuwu sâm alahuwi. “Naom yu lok otbuawân girawu otbuap?” Yawu sâm nâņgâwi.

*Sakariaņe Yesuhât sâm ekyongop.*

<sup>67</sup> Sakariaņe Anitâ mepaeop yan Wâtgât mâmâņahât Heakņe biwiņe mem hewewen tuhumu yuwu sâop.

<sup>68-69</sup> “Ambonenņe Anitâņe nen lohimbilipņe manman bâleņambâ menenekmâ tihitnenņe otbe sâm tâmbânenņe Dawiti yâkât senâmbâ gâtņe âlâ kânâņgâwuap. Yawu otmâ mâmâņe otbaņgimu yâkņe manman âlepņan katnenekbuap. Yakât otmâ mepaene.

<sup>70-71</sup> Yâhâ kasalipnenņe nongom itit kiom tuhuningimaihât sârerenenekmâ tihitnenņe otmu mannom.

<sup>72</sup> Yakât nâņgâm emelâk embâņân tâmbâlipnenņe yeņgât pat kuyiņgiop yakât ki nelâmguop. Ya mem mete tuhum poropetelipņe ekyongomu kulemguwi.

<sup>73-74</sup> Yâhâ yâkņe kasalipnenņe yeņgât bâtyeņambâ menenekmu biwinenņe sânduk sâm tem lâuwaņgim manmâ yâhânomgât pat Awarahamgât kuwaņgiop.

<sup>75</sup> Yakât otmâ nen Isirae lohimbije tem lâuwaņgim ki kiņgittnenņahât otmâ manmâ yâhânom. Yawu otmâ uwawapņe bia manmunņe nenekmu ârândâņ otbuap.” Yawu sâm mepaeop.

<sup>76-77</sup> Otmu den âlâ torokatmâ nanņahât yuwu sâm ekyongop.

“Nanne yuņe Kutdânenņe kulet sâwaņgim ari mâtâp mewaņgiwuap. Otmu nenņe orotmemenenņe bâleņe bet pilâm Anitâhâlen biwinenņe kepeimunņe tosanenņe pilâningiwuap yakât den eknongomu nâņgânom. Yakât otmâ lohimbi biwihâlâkņe



yâkât nângâñetâ yahatmu “Anitâ yahat yahatñe yâkât poropete” sânomai.

<sup>78</sup> Yakât den âlâen hâum sâmune nângâñet. Nen omoñ bâleñan dop yawu manmain. Yâhâ emet hañ sâwe sâm otmap yanâmâ pitu kâmpne papato yañe tetemu tatmâ yañak emet hañ sâmap. Emet hañ sâmu emetsenñe ga takamap.

<sup>79</sup> Yakât dopñeâk Anitâñe kaok nângâningim ikñe hoñ bawa himbimâmbâ hângângumu ge ikñe lañinñe biwinenñan pilâmu hañ sâningimu yâkât mâttâp watmâ yâhâmunñe manman kârikñan katnenekbuap. Yawu.”

Sakariane yawu sâm ekyongop.

<sup>80</sup> Otmu naom ya kâñe hâwimu lok otmâ nângân nângânñe keterakbañgiop. Yawu otmâ âwâñe mâmâñe pilâyelekmâ ari lok ki manmaiângen manop. Yan ari manmâ Isirae lohimbi hohetyenñan âwurem taka âi tuhuwuap yakât mambotmâ manop.

## 2

*Yesu teteop.*

*(Mataio 1:18-25)*

<sup>1-2</sup> Yâhâ Elisapetñe nanñe Yoane miop sâp yan kiap pato âlâ, kutñe Kurinio sâm, yâhâmâ Siria lohimbi yengât kunyeñe pato manop. Otmu Roma lok yengât lok kutdâ âlâ manop, kutñe Ahusto sâm. Yâkñe puwâk lohimbi amon mansai ya yengât dop nângâwe sâm olop. Yakât otmâ Roma yengât amutgen lohimbi hân âlâen âlâen tatmâ ariwi yengât kutyenñe kulemgunomaihât den katyñgim ariop.

<sup>3</sup> Yakât otmâ lok kerekne kutyene katne sâm kapiyene tâmbânan ariwi.

<sup>4-5</sup> Otmu emelâk embânân Isirae yengât lok kutdâ âlâ manop, kutne Dawiti sâm, yâkne Yuraia hânân kapi âlâ, kutne Betelem, yan teteop. Yawu gârâmâ Ahustone den katyîngiop yan Dawitihât senâmbâ gâtne, lok âlâ, kutne Yosep sâm, yâku yawuâk kapije tâmbânan ariop yamâ yuwu. Yosepgât imbi sâm pat kuwanjiwi, yamâ kutne Maria sâm, yâhâmâ tepdâek manop. Yawu gârâmâ orowâk kapiyetne, kutne Nasaret, Galilaila hânân tap, ya pilâm Betelem hân tâmbânan ariowot.

<sup>6</sup> Arimutâ omoj otmu kapi yan lombane ari emet iminiwi ya kândikum ariwine gewâk menetâ pik sâop. Yakât otmâ emetgât ekmutâ biatmu bulimakaohât emetjan yâhâ talowot.

<sup>7</sup> Tatmutâ yanâk naom kâlâpgumu nanne miop. Mem bulimakaone sot kondoân neminiwi yan sângumân katipgum katmu iop.

### *Lama galemyongom tatbi yakât den pat*

<sup>8</sup> Otmu kapi ya gotjan lok nombotjane bau âlâ, kutne lama sâm, ya galemyongom tatbi.

<sup>9</sup> Tatjetâ yan Anitâhât anelo âlâne yâk yengâlen tetemu, yâkât lanjinnane siliñ siliñ sâmu ekmâ umutyene ariop.

<sup>10</sup> Umutyene arimu yuwu sâm ekyongop. “Kingityenahât ki otjet. Nâne den âilonjo ekyongowe sâm teteyîngian. Yakât yuwu sâmune nângânet.

<sup>11</sup> Anitâne ikne hon bawa hângângumu ge sârereyekmâ tihityene otbuap sâmai ya yiwerene Dawitihât kapiân teteap. Yâkât kutne Kiristo.

Yâkņe kutdâyeņe otmâ tihityeņe otbuap yakât nâņgâm lohimbi kiņgitņe orowâkņe heroņe otnomai.

<sup>12</sup> Otmu mâmâņeņe ņaņe ya sâņgumân katipgum bulimakaoņe sot kondoân nemai yan katmu iap ya ari mem tetenomai. Ya mem tetenomai yan den ekyongoan yukât nâņgâņetâ bulâņe otbuap.” Yawu sâm ekyongop.

<sup>13</sup> Yawu sâm ekyongomu yanâk aņelo kiņgitņe orowâkņe tetem bukuyeņe penewangim yuwu sâm Anitâ kiki mewangim mepaewi.

<sup>14</sup> “Anitâņe lohimbi yekmu ârândân otmap yâhâmâ biwi sânduhân katyekmu buku oraņginomai. Yakât otmâ yeņe heroņe otmâ Anitâ Himbim Amboņe mepaenjet.”

<sup>15</sup> Yawu sâm kiki mewangim mepaem himbimân âwurem yâhâņetâ lama galemguwiņe yuwu sâwi. “Kutdâņe aņelo hâņgâņgumu ge den eknongoap. Yakât otmâ kapiân yâhâm ekne.”

<sup>16</sup> Yawu sâm lama ya katyekmâ kapiân sururuk sâm yâhâ Maria, Yosep, nanyetņe mem teteyekbi. Mem tetem yan Mariaņe nanņe ya sâņgumân katipgum katmu iop ya ekbi.

<sup>17</sup> Ekmâ yan aņeloņe teteyiņgim ņaņe yakât den pat ekyongomu nâņgâwi ya ekyotgowi.

<sup>18</sup> Ekyotgoņetâ nâņgâmutâ âlâ kândâkdâ olop.

<sup>19</sup> Yawu gârâmâ Mariaņeâmâ den ya nâņgâm biwiņan katmâ manop.

<sup>20</sup> Yâhâ Anitâhât aņeloņe lama galemņe den ekyongop ya ekņetâ bulâņe otmu yâkņe âwurem ari Anitâ mepaem heroņe otbaņgiwi.

*Simion yet Hana yâk yetgât den*

<sup>21</sup> Yesu teteop yakât kakņan hilâm nombolân kalimbu pesuk sâmu hâkņahât undip tuhuwaņgim kutņe Yesu sâmu kunbi. Yâhâ Mariane tepņe ki olop sâp yan aņelone tetewaņgim kutņe Yesu sâmu kunbuat sâop ya watmâ kunbi.

*Yesuņe Kutdâhât hoņ bawaņgiwuapgât Yosep yet Mariane pat kuwaņgiowot.*

<sup>22-24</sup> Isirae imbiņe naom meņetâ hepyeņe saņ sâwuap yan salek otmâ mannomaihât Anitâņe Mose den âlâ ekumu kulemgum katyņgiop yamâ yuwu tap. “Âwâņe mâmâņe kembâ me upu kutulup yâhâp mem hotom unihromawot.” Yawu tap. Den ya lâum Maria yet Yosepņe Yesu lâum Yerusalem kapiân yâhâowot. Yâhâ emelâk Anitâņe Mose den âlâ ekumu kulemguop yamâ yuwu. “Nanlipyeņe kunņe tetenomai yamâ Kutdâhât hoņ bawaņginomaihât pat kuwaņginomai.” Den yâhâp ya lâum Yesu lâum opon kâmbukņan yâhâowot.

<sup>25</sup> Sâp yan Yerusalem kapiân lok âlâ manop, kutņe Simion. Yâhâmâ Anitâhât Wâtgât mâmâņahât Heakņe mâmâņe otbaņgimu Anitâhât tem lâuwaņgim uwawapņe bia manmâ gaop. Yawu manmâ Anitâņe ikņe hoņ bawa hângângumu ge Isirae lohimbi tihityeņe otmâ kasalipyeņe watyekmu arinomai yakât mambotmâ manop.

<sup>26</sup> Yâhâ emelâk Wâtgât mâmâņahât Heakņe biwiņan kionmu Anitâhât hoņ bawaņe tetem Isirae lohimbi yeņgât tihityeņe otbuap ya ekbuap yakât nângâm biwi yâhâp ki olop.

<sup>27</sup> Aiop, Yosep yet Mariane Yesu lâum opon kâmbukņan yâhâowot sâp yan Wâtgât mâmâņahât Heakņe Simion mem heweweņ tuhumu yawuâk

opon kâmbukņan yâhâop. Yâhâ kinmu Maria yet Yosepņe Anitâhât den lâum Yesu lâum yâhâowot.

<sup>28</sup> Yâhâmutâ ekyotgomu nanyetņe waņmutâ lâum yuwu sâm Anitâ mepaeop.

<sup>29</sup> “O Kuldâ pato, gâņe nâņgânihirâ yiwerene Isirae nengât tihitnenņe otbuap yâk eksangât biwine huruņ yap. Yakât otmâ inâk ki mum-bom.

<sup>30-31</sup> Yâhâ naom yu pato otmu lohimbi âlâ me âlâņe yâkâlen biwinenņane kepeim mannom yan gâņe nengât tihitnenņe otmâ manman âlepņan mem katnenekdâ manmâ yâhânom.

<sup>32</sup> Yâhâ pâku lohimbiņe manman âlepņahât mâtâp ekmâ watnomaihât gâhât laņingane biwiyeņan pilâmu haņ sâyiņgiwuap. Yawu otmâ yâkâlen biwiyeņane kepeim Isirae nengât herone nâņgâninginamai.” Yawu sâop.

<sup>33</sup> Yesu lâum yawu sâm Anitâ mepaemu, âwâņe mâmâņane nâņgâmutâ âlâ kândâkdâ olop.

<sup>34</sup> Yawu otmâ Anitâņe yâk yetgât nâņgâyitgiâkgât Simionņe ulitguop. Yawu otmâ mâmâņe yuwu sâm ekuop.

“Sâmune nâņgâ. Nen Isirae lohimbiņe nangahât nâņgâmâmâ hionaknomgât Anitâņe sâm kalop. Nombotņe yâkâlen biwinenņane kepeim manmâ manman kârikņahât pat yakât bulâņe menom. Yâhâ nombotņeamâ yâk betbangim hiliwahonomaihât pat mannomai.

<sup>35</sup> Yawu manņetâ Anitâņe ikņe kai toka sâm senyeņan katmu kinbuap. Katmâ kinmu sâm ge katnomai ya yengât topyeņe mem tetewuap. Yawu gârâmâ kuņetâ mumbuap yan we bâle pato nâņgâwuat. Yawu.” Yawu sâm ekuop.

<sup>36</sup> Otmu Simionne den yawu sâm ekuop sâp yanâk imbi sombo âlâ Anitâhât den sâm tetem lohimbi ekyongom manopne mem teteyehop. Imbi sombo yakât topne yuwu. Imbi yakât kutne Ana sâm, yâhâmâ Panue baratne, Asehât senâmbâ gâtne. Yâkne lokneit miakmâ manmutâ yambu 7 pesuk sâmu lokne muop.

<sup>37</sup> Lokne mumu ikne kambut manmâ gamu yambu 84 pesuk sâop. Yâhâ imbi sombo yanê omoņe hilâmne opon kâmbukņan tatmâ Anitâ mepaeminiop. Otmu sâp sâsâņan sot barak manmâ ulitguminiop.

<sup>38</sup> Otmu yâkne naom ya mem tetem yâku yawuâk Anitâ mepaeop. Otmu Anitâne ikne hoņ bawa hâņgâņumu ge Isirae tihityeņe otmâ kasalipyeņe watyekbuapgât nâņgâm biwiyeņeņe mem manbi ya Yesuhât ekyongop.

<sup>39</sup> Yâhâ Maria yet Yosepne Anitâhât den tiņâk lâum hotom uwangimutâ pesuk sâmu opon kâmbukņambâ ge Nasaret kapi Galilaia hânân tawân âwurem ariowot.

<sup>40</sup> Yan ari manmutâ naom ya Anitâne mâmâņe otbaņgimu kâiņe hâwimu nâņgân nâņgâņe keterahop.

*Maria yet Yosepne Yesu dâim Yerusalem kapiân yâhâowot.*

<sup>41</sup> Yura yeņgât Tihit tihit Hombaņ ya tâlâhumu Yosep yet Mariane nanyetne orowâk Yerusalem kapiân yâhâwi.

<sup>42</sup> Sâp yan Yesuâmâ yambuņe kâiân yâhâp otbaņgiop.

43-44 Homban ya ekjetâ pesuk sâmu lohimbi iton galan kapiyenjehen arim kinbi. Sâp yan Maria yet Yosepne nanyetne ki ekmâ lohimbi nombotne orop arap nângâowot. Yawu nângâm yetniâk Yerusalem kapi pilâm âwurem ariowot. Mâtâwân arim tatjetâ njin sâop. Emet njin sâmu bukulipyetne yengâlen ba pâinmutâ bialop.

45 Emet han sâmu yahatmâ Yerusalem kapiân âwurem ari iowot.

46 Imutâ han sâmu pâinmâ opon kâmbuknan yâhâowot. Yâhâ lok Mosehât girem den lohimbi kâsikum yingiminiwi ya yengât denyene nângâm Yesune topjahât âiyongom talop yan mem teteowot.

47 Otmu Yesune yâk orop den huhuwi ya lohimbi yan tatbiñe nângâñetâ âlâ kândâkdâ olop.

48 Yâhâ âwâñe mâmâñeñe mem tetem pârâk pilâowot. Yawu otmâ mâmâñeñe yuwu sâm ekuop. “Net âwâheit pâingekmutne biatmu gorâ kakñan takait. Gâñe wongât otmâ mângâeneleksat?”

49 Sâmu sâop. “Nâñe awonñahât nep tuhuan ya emelâk nângâmbâwât. Yamâ wongât pâinnekmâ takawot?”

50 Yawu sâmu nângâmutâ ki keterakytgiop.

51 Yamâ mâmâñeñeamâ nanñahât den ya biwiñan katmâ nângâm gaop.

Yawu otmâ âwâñe mâmâñe orop Nasaret kapiân âwurem ari manmâ tem lâuyitgim manmâ gam kundenñe sânduk sâop.

52 Otmu Anitâñe mâmâñe otbangimu nângân nângânñe keterakmâ henñenñuop. Yawu gamu lohimbne ekjetâ âilonño olop.

### 3

#### *Yoaneŋe âi topŋe kalop*

*(Mataio 3:1-12 Mareko 1:2-8 Yoane 1:19-28)*

<sup>1</sup> Roma yengât lok kutdâ âlâ, kutŋe Tiwerio Sisa sâŋ, yâk kânâŋgâŋetâ lohimbi kerek nengât kunnenŋe pato otmâ galemyongomu yambu 15 pesuk sâop. Otmu sâp yan kiap âlâ, kutŋe Pontio Pilato sâŋ, yâhâmâ Yuraia ambolipŋe galemyongom manop. Yâhâ lok kutdâ âlâ, kutŋe Herot, yâhâmâ Galilaia ambolipŋe galemyongom manop. Yâhâ imiŋe Pilip, yâhâmâ Ituria otmu Taroniti ambolipŋe galemyongom manop. Yâhâ lok kutdâ âlâ, kutŋe Lisania sâŋ, yâkŋeâmâ Awilene kapi ambolipŋe galemyongom manop.

<sup>2</sup>Yâhâ Anitâhât opon kâmbukŋan hotom uminiwi ya yengât kunyeŋe lok yâhâp manowot, kutyetŋe Anasi yet Kaipa. Aiop, sâp yan Sakaria nanŋe, kutŋe Yoane sâŋ, yâkŋe lok ki manmaiângen ari manmâ âi topŋe kalop.

<sup>3</sup>Yan manmu Anitâŋe ikŋe den biwiŋan katmu Yoran to nombot nombot bam gam lohimbi yuwu sâŋ ekyongop. “Orotmemeyeŋe bâleŋe ya kerek betgunŋetâmâ toen katyekbom. Toen katyekmune Anitâŋe tosayeŋe pilâyinŋiwuap.” Yawu sâŋ ekyongop.

<sup>4</sup>Yâhâ emelâk emet inânŋan poropete âlâ, kutŋe Yesaia sâŋ, Anitâŋe yuwu sâŋ ekumu kulempuap tap.

“Lok ki manmaiângen, lok âlâ yan ari manbuap. Lohimbi yâkâlen takanomai ya yuwu sâŋ ekyongowuap. “Lok kutdâhât mâtâp ya mem pitinŋet. Otmu mâtâp mewanŋinŋet.



<sup>5</sup> Otmu uk sâm huruŋ sâm, pumŋe lauŋe ya kum kilikmâ mem ârândân merândân tuhuŋetâ ya talâk. Otmu mâtâp gonŋon maŋon ya heŋgenŋunomai. Otmu mâtâp gâwikŋe ya mem perereŋ tuhunomai.

<sup>6</sup> Yawu otmâ Anitânŋe lohimbi kerek yengât tihityeŋe otbe sâm oap yakât topŋe nânŋânomai.” Yawu sâm ekyongowuap.”

Yesiaŋe den yawu kulemguop tap yakât bulânŋe yamâ Yoanehâlen teteop.

<sup>7-8</sup> Yoaneŋe den yawu ekyongop sâp yan lohimbi kiŋgitŋe orowâkŋe yâkŋe toen mem katnenehâk sâm yâkâlen ariwi. Ariŋetâ yekmâ yuwu sâm ekyongop. “Yenâmâ lok perâkŋe. Otŋetâ bâlem gamap yakât matŋe Anitânŋe meŋet sâmu yakât yeŋeâmâ kiŋgityeŋahât otmâ bâleŋe ya pilai mâne âlepŋe otbâp. Yawu gârâmâ den yan yu nânŋânŋetâ ki ârândân oap.

Yawu otmâmâ yuwu mon nânŋânomai, “Nenâmâ Awarahamgât komot bulânŋe mansain. Yakât otmâ Anitânŋe nengât ki nânŋâm bâleningimap.” Yawu ki nânŋânomai. Yakât yuwu sâmune nânŋânŋet. Anitânŋe sâmu kât yuŋe Awarahamgât komot tetenomaihât dop tap. Yawu gârâmâ yenâmâ ya imbiâk sâmai. Yakât matŋe hâmbâi menomai.

<sup>9</sup> Yakât den âlâen hâum sâmune nânŋânŋet. Emelâk unam sâtŋe katmu tap. Yâhâ nak âlâhât bonŋe ki kinbuap yamâ kârâm panmu ge mum hâlâlânŋe sâmu kâlâpŋe sewuap. Yenâmâ nak yakât dop otmâ mansai.”

<sup>10</sup> Yawu sâm ekyongomu yuwu sâm âikuwi. “Nenŋe wuân otmunŋe ârândânŋe otbuap?”

11 Sâñetâ sâop. “Lok âlâ me âlâ hâk katipñe yâhâp tatyinjiwuapñe bukulipyene âlâ me âlâ umburuk mannomai ya yekmâmâ âlepñe âlâ ya yinjinomai. Otmu sotgât po manmai ya gurâ yawuâk nembe kalem otyinjinomai.” ” Yawu sâop.

12 Yawu sâm ekyongomu takesi meme lok nombotñane yawuâk toen mem katnenehâk sâm yâkâlen taka yuwu sâm âikuwi. “Lok pato, nenñe wuân otmunñe ârândân otbuap ya eknongorâ nâñgâne.”

13 Sâñetâ sâop. Kunlipyenane “Takesihât dop yuwu meñet” sânomai yawuâk menomai. Yeñe andemñe ya wañgim âlâ torokatmâ ki menomai.”

14 Yawu sâm ekyongomu Roma yeñgât tembe lâu yawuâk yâkâlen taka yuwu sâm âikuwi. “Girawu nañgat? Nenñeamâ wuân otmunñe ârândân otbuap?” Yawu sâwi.

Sâñetâ sâop. “Yeñe lok ki mem âlâlâ tuhuyekmâ kombo meyinginomai. Otmu tewetsenñe yinjinjetgât ki hakyenjan sânomai. Otmu âi memai yakât hâmenahât kunlipyenane puluhuyeknomai yakât nâñgâñetâ ârândân otbuap. Yawu.” Yawu sâm ekyongop.

*Yoaneñe lohimbi ya Yesuhât ekyongop.*

15 Yawu sâm ekyongomu nâñgâñetâ âlâ kândâkdâ otmu nâñgâm yuwu sâwi. “Anitâne ikñe hon bawane hâñgângumu ge tihitnenñe otbuap ya Yoane mon?”

16 Yawu sâñetâ nâñgâm yuwu sâm ekyongop. “Yeñe orotmemeyene bâleñe betbañinjetâmâ toen katyebom. Lok âlâ irak betnehembâ âi topñe katbuap yâhâmâ wâtñe pato tatbañiap. Yakât

otmâ nâñe yâkât itâkat ya mem kêpekmâ golewanjiwomgât dop ki tap. Otmu tânguwomgât dop gurâ ki tap. Nâñeâmâ yâkât amutgen manmâ yâhâwom. Yâkñeâmâ Wâtgât mâmânahât Heak hângângumu ge mem ketetyekbuap. Nombotñe manman âilongoân mem katyекbuap. Yâhâ nombotñeâmâ hâhiwin kakñan katyекmu mannomai.

17 Otmu den âlâen hâum sâwe. Yeñeâmâ sot ekmâ mem kiwilim komot ikñiâk ikñiâk katmai. Neneñahât pat otmâp ya konohân mem hâwurujetâ tatmap. Yâhâ ki neneñahât pat otmâp yamâ mem pilâmai. Yakât dopñeâk yâkñe taka biwinenñahât topñe ekmâ mem kâsipnongowuap yakât topñe yuwu. Yâkât tem lâum manmâ yâhânom yamâ ikñan mem torokatnenekbuap. Yâhâ nombotñeñe yâkât hâkâñ otmâ betbañjim manmai yamâ watyекmu kâlâwân kionmâ hâhiwin nâñgâmbisâi.” Yawu sâop.

18 Yâhâ Anitâñe tihityeñe otbe sâm oap yakât den pat âlepñe ekyongop. Yawu otmâ orotmemeyeñe bâleñe betbañjinet sâm den âlâlâ ekyongom enyatyenjan giop.

### *Herotñe otmâ hilipguop.*

19 Sâp yan lok kutdâ, kutñe Herot sâm, yâkñe imiñahât betñehen kionmâ kahañe, kutñe Herotia sâm, ya miop. Otmu orotmeme bâleñe topñe topñe otmâ gaop. Yakât otmâ Yoaneñe ekmu bâlemu yakât girem den ekuop.

20 Girem den ekuop ya nâñgâmu bâlemu imbiâk mem pâi emetñan katmu talop. Yawu otmâ tosa âlâ miop.

*Yoaneŋe Yesu mem toen kalop.  
(Mataio 3:13-17 Mareko 1:9-11)*

<sup>21</sup> Yoaneŋe toen mem katnenehâk sâŋ lohimbî kiŋgitŋe orowâkŋe yâkâlen ariwi. Yâkâlen ariŋetâ toen mem katyehop. Sâp yan Yesu gurâ yawuâk yâkâlen ariop.

<sup>22</sup> Arimu toen mem katmu Anitâ mepaeop. Yawu otmu himbim pâroŋ sâmu Anitâhât Wâtgât mâmâŋahât Heakŋe kembâ hâtgum Yesu kakŋan ge mâmâŋe otbaŋgiop. Yawu otmu himbimâmbâ Anitâŋe yuwu sâop. “Gâ nine nanne kambiamne. Nâ biwinanŋe gâhâlâk nâŋgâm kepeihekman.” Yawu sâop.

*Yesuhât tâmbâliphâhât kutyeŋe  
(Mataio 1:1-17)*

<sup>23-38</sup> Topŋe katmâ Anitâŋe Atam Ewa katyelehop. Atamgât nanŋe, Set sâŋ, ya teteop. Setgât nanŋe, Enosi sâŋ, ya teteop. Enosihât nanŋe, Kenan sâŋ, ya teteop. Kenangât nanŋe, Mahalali sâŋ, ya teteop. Mahalalihât nanŋe, Yaret sâŋ, ya teteop. Yaretgât nanŋe, Enok sâŋ, ya teteop. Enokgât nanŋe, Metusela sâŋ, ya teteop. Metuselahât nanŋe, Lamek sâŋ, ya teteop. Lamekgât nanŋe, Noa sâŋ, ya teteop. Noahât nanŋe, Sem sâŋ, ya teteop. Semgât nanŋe, Arapasat sâŋ, ya teteop. Arapasatgât nanŋe, Kenan sâŋ, ya teteop. Kenangât nanŋe, Sela sâŋ, ya teteop. Selahât nanŋe, Ewe sâŋ, ya teteop. Ewehât nanŋe, Pelek sâŋ, ya teteop. Pelekgât nanŋe, Lahau sâŋ, ya teteop. Lahauhât nanŋe, Seruk sâŋ, ya teteop. Serukgât nanŋe, Neho sâŋ, ya teteop. Nehohât nanŋe, Tara sâŋ, ya teteop. Tarahât

nanje, Awaraham sâ, ya teteop. Awarahamgât nanje, Isaka sâ, ya teteop. Isakahât nanje, Yakop sâ, ya teteop. Yakopgât nanje, Yura sâ, ya teteop. Yurahât nanje, Peresi sâ, ya teteop. Peresihât nanje, Hesoron sâ, ya teteop. Hesorongât nanje, Arani sâ, ya teteop. Aranihât nanje, Aramin sâ, ya teteop. Aramingât nanje, Aminarap sâ, ya teteop. Aminarapgât nanje, Nason sâ, ya teteop. Nasongât nanje, Salamon sâ, ya teteop. Salamongât nanje, Boasi sâ, ya teteop. Boasihât nanje, Owet sâ, ya teteop. Owetgât nanje, Yese sâ, ya teteop. Yesehât nanje, Dawiti sâ, ya teteop. Dawitihât nanje, Natan sâ, ya teteop. Natangât nanje, Matat sâ, ya teteop. Matatgât nanje, Mena sâ, ya teteop. Menahât nanje, Melia sâ, ya teteop. Meliahât nanje, Eliakim sâ, ya teteop. Eliakingât nanje, Yonam sâ, ya teteop. Yonamgât nanje, Yosep sâ, ya teteop. Yosepgât nanje, Yura sâ, ya teteop. Yurahât nanje, Simion sâ, ya teteop. Simiongât nanje, Lewi sâ, ya teteop. Lewihât nanje, Matat sâ, ya teteop. Matatgât nanje, Yorim sâ, ya teteop. Yoringât nanje, Eliese sâ, ya teteop. Eliesehât nanje, Yosua sâ, ya teteop. Yosuahât nanje, Ere sâ, ya teteop. Erehât nanje, Elimatam sâ, ya teteop. Elimatamgât nanje, Ati sâ, ya teteop. Atihât nanje, Meliki sâ, ya teteop. Melikihât nanje, Neri sâ, ya teteop. Nerihât nanje, Salatie sâ, ya teteop. Salatiehât nanje, Seruwawe sâ, ya teteop. Seruwawehât nanje, Lesa sâ, ya teteop. Lesahât nanje, Yoanan sâ, ya teteop. Yoanangât nanje, Yota sâ, ya teteop. Yotahât nanje, Yosek sâ, ya teteop. Yosekgât

nanje Semen sâ, ya teteop. Semengât nanje, Matatia sâ, ya teteop. Matatihât nanje, Mata sâ, ya teteop. Matahât nanje, Nahai sâ, ya teteop. Nahaihât nanje, Esili sâ, ya teteop. Esilihât nanje, Nahum sâ, ya teteop. Nahumgât nanje, Amosi sâ, ya teteop. Amosihât nanje, Matatia sâ, ya teteop. Matatihât nanje, Yosep sâ, ya teteop. Yosepgât nanje, Yanai sâ, ya teteop. Yanaihât nanje, Meliki sâ, ya teteop. Melikihât nanje, Lewi sâ, ya teteop. Lewihât nanje, Matat sâ, ya teteop. Matatgât nanje, Eli sâ, ya teteop. Elihât nanje, Yosep sâ, ya teteop. Otmu Yosepgât yuwu nângâm hilipguwi. “Yosepgât nanje, Yesu sâ, ya teteop.” Yawu gârâmâ Yesu ya Anitâne himbimâmbâ hângângumu ge manop. Otmu Yesune manmu yambu 30 otbanjimu nep topne kalop.

## 4

*Satanne Yesuhât biwiñahât topne ekbe sâ olop.  
(Mataio 4:1-11 Mareko 1:12-13)*

<sup>1</sup> Anitâhât Wâtgât mâmâñahât Heakne Yesu mâmâne otbanjimu Yoran to ya pilâm lok ki manmaiângen ariop.

<sup>2</sup> Yan ari sot barak manmâ gamu hilâm 40 pesuk sâop. Sotgât po wanjimu wâtne houñ sâop.

<sup>3</sup> Yawu otmu Satanne biwiñahât topne nângâwe sâ yuwu sâ ekuop. “Gâ bonñanâk Anitâhât nanje mansat otmuâmâ kât yu sârâ sot otmu nendâ gekbe. Yawu otdâ yanâmâ gâ bonñanâk Anitâhât nanje bulâne mansat sâwom.” Yawu sâ ekuop.

<sup>4</sup> Sâmu sâop. “Âlepņe yarâke yamâ benņe Anitâhât den âlâ yuwu tap.

“Anitâņe haonmâ ârândâņ tihitnenņe otmâp. Yawu gârâmâ sotņak konok wâtnenņe miangim manmâ yâhânongât dop ki tap. Yamâ wongât? Anitâņe den sâm ningimap ya gurâ lâum yâhânôm. Yawu otmunņe ârândâņ otbuap yakâ.”

Den yawu tap yakât otmâ gâņe den eknohoat ya ki nâņgâwom.” Yawu sâop.

<sup>5</sup> Yawu sâmu pumņe gip gipņan dâim yâhâop. Dâim yâhâm yanâmâ hânņe hânņe lok kutyeņe pato ya yeņgât senņe âlâlâ dondâ tatyinņiop ya tiripgum yuwu sâm ekuop.

<sup>6</sup> “Senņe âlâlâ tاتمâ arap enda eksat? Nâņe yukât kunyeņe manman. Otmu yu kerek nâhât pat oap. Yakât otmâ lok âlâ me âlâņe galemyeņe katnek sâm eknohonomai yamâ âlepņe galemyeņe katbom. Yamâ nâhât wahap.

<sup>7</sup> Yakât otmâ gâņe nâ mepaenekbuat yanâmâ galemyeņe katgekmune senņe âlâlâ yu gâhâlâk hârok otbuap.” Yawu sâop.

<sup>8</sup> Sâmu sâop. “Maiņ, Anitâņe den âlâ sâop ya yuwu tap.

“Anitâ pato konohâk tap. Yâk konok mepaenom. Otmu yâkât den konohâk tem lâum hoņ bawanņim mannom.”

Den yawu tap. Yakât otmâ gâņe den eknohoat ya lâuwomgât dop âlâ ki tap.” Yawu sâop.

<sup>9-11</sup> Yawu sâmu yanâk Satanņe dâimu Yerusalem kapi pato yakât opon kâmbukņahât gimbâņan yâhâowot. Yâhâm Satanņe yuwu sâm ekuop. “Anitâņe sâmu den âlâ kulemgowi ya yuwu tap.

“Kâlân kâihan tenj sâmapgât Anitâņeâmâ aņelolipņe hânġânyongomu ge tihitge otņetâ ki hiliwahowuat.”

Den yawu tap. Yawu ġârâmâ ġâmâ bulânânâk Anitâhât nanņe mansat otmuâmâ yupâ soņ pilâm kioņ. Kioņdâ ki gohowuap. Yâhâ ġekmâ yuwu nânġâwom. “O, bulânânâk lok yuâmâ Anitâhât nanņe mansap.” Yawu sâwom.”

<sup>12</sup> Sâmu purik pilâwanġim sâop. “Bâiņ, den âlâ yuwu tap.

“Anitâņe tihitnenņe otmap. Yakât otmâ “Ihilâk otbe,” ki sânom.”

Den yawu tap yakât otmâ ġâņe den eknohoat ya nânġâmune tâņât oap.” Yawu sâop.

<sup>13</sup> Yawu sâmu Satanņe pilâm sâp ġirawuân topņe mem tetewom nânġâm manop.

*Yesuņe topņe katmâ den kâsikum yinġiop.*

*(Mataio 4:12-17 Mareko 1:14-15)*

<sup>14</sup> Anitâhât Wâtġât mâmânġahât Heakņe Yesu mâmâņe otbaņgimu lok ki manmaiânġembâ Galilaia hânân âwurem ariop. Âwurem ariop yakât den pat kapi ambolipņane sâm haok tuhuņetâ kapi tipi tapi tatmâ arap ya ambolipņe kerekņe nânġâwi.

<sup>15</sup> Yawu otmâ miti emetņe ârândânġ ari den kâsikum yinġimu heroņe otbaņgiwi.

*Nasaret kapi ambolipņane Yesuhât nânġâņetâ ġiop.*

*(Mataio 13:53-58 Mareko 6:1-6)*

<sup>16</sup> Yawu otmâ ikņe kapi Nasaret yan ariop. Otmu tatmâ nânġâ nânġâ sâp ârândânġâk miti emetņan yâhâ Anitâ mepaeminiop yawuâk olop. Emelâk



Anitâñe poropetelipñe ekyongomu Miti pepaen kulemguwi ya sâlikuwe sâñ yahatmâ kinop.

17 Yahatmâ kinmâ poropete Yesaianje pepa kulemguop ya wañetâ miop. Mem gahaem ekmâ den yuwu kulemguop ya mem teteop.

18-19 “Kutdâhât Wâtgât mâmâñahât Heakñe mâmâñe otnihim âi yuwu sâñ nihiop. Lohimbi biwiyene orotok sâñu mansai ya yengâlen ari den pat âlepñe ekyongowom. Yâhâ lohimbi umatñe kakñan mansai yâk holañyekbom. Yâhâ lohimbi senyene bok sâsâñe ya hengemyongomune senyene hâreakmu eknomai. Yâhâ lohimbi mem âlâlâ tuhuyekñetâ hâhiwin nâñgâmai ya mem hewewen tuhuyekmune biwi herone nâñgânomai. Yâhâ Kutdâñe lohimbi nâñgâyingim tihityene otmâ manman âlepñan katyekmu manmâ herone nâñgâwanjinomai yakât sâp tâlâhuap yakât den pat ekyongowom. Yawu.”

20 Den ya sâlikum pepa ya mem gonjongum hon bawa âlâ wañmâ ge talop. Ge tatmu miti emetñan tatbi kerekñe denñe nâñgâne sâñ ândâp katbi.

21 Ândâp katñetâ yuwu sâñ ekyongop. “Den sâlikum ekyongomune nañgai yukât bulâñe yiwereñe teteap.”

22 Yawu sâñ ekyongomu yâkât nâñgâñetâ yahatmu den âilongo eknongoap sâñ nâñgâñetâ âlâ kândâkdâ olop. Yawu olowâke yamâ nombotñane yâkât nâñgâñetâ gemu yuwu sâwi. “O yu Yosep nanñe yukâ.”

23 Yawu sâñetâ yuwu sâñ ekyongop. “Hâmbâi

yeŋe yuwu sâŋ eknohonomai. “Lohimbi heŋgemyongomat gârâmâ gike tânaŋo.” Otmu den âlâmâ yuwu sâŋ eknohonomai. “Kapanaum kapiân kulem mem gat yakât den pat sâŋetâ nâŋgâmain. Yukât otmâ yuân yawuâk mendâ ekne.” Yawu sâŋ eknohonomai.

<sup>24</sup> Yakât otmâ yuwu sâŋmune nâŋgâŋet. Anitâhât poropetelipŋaŋe kapi âlâen ari yâkât den kâsikum yinŋiŋetâ nâŋgâŋetâ bulâŋe otmap. Yâhâ yâk hep torehenlipyeŋe den kâsikum yinŋiŋetâ nâŋgâŋetâ tâŋât otmap.

<sup>25</sup> Yakât den âlâ torokatmâ sâŋmune nâŋgâŋet. Emelâk Anitâhât poropete, Isirae lok âlâ, kutŋe Elia sâŋ, ya manop. Sâp yan emet pato kinmu yambu kalimbu otmu emetsenŋe nombolân konok ya pesuk sâop. Yawu otmâ sot biatmu lohimbi kerekŋe poyeŋahât otmâ manbi.

<sup>26</sup> Otmu sâp yan Isirae lohimbi yeŋgâlen imbi kambut sesenŋâlâk manbiâke yamâ Anitâŋe Elia ekumu ikŋe kapi pilâm Sarepat kapi Siron hânân tap yan imbi kambut âlâ manop yâkâlen ariop. Yâkâlen arimu Anitâŋe kambut ya tângumu yâkŋe Elia sot um waŋminiop.

<sup>27</sup> Den âlâ torokatmâ sâŋmune nâŋgâŋet. Anitâhât poropete âlâ, kutŋe Elisa sâŋ, manop, sâp yan Isirae kapi ambolipŋe sesenŋâlâkŋe hâk bâle otbi. Otmu yâk yeŋgâlen gâtŋe ki âlepŋe otbi. Yâhâ lok âlâ, kutŋe Naman sâŋ, yâhâmâ Siria hânân gâtŋe, yâk konok âlepŋe olop.” Yawu sâŋ ekyongop.

<sup>28</sup> Yawu sâŋ ekyongomu miti emetŋan tatbiŋe nâŋgâŋetâ bâlemu kuk bâleŋe otbi.

<sup>29</sup> Yawu otmâ yahatmâ kapi betŋehen hem bâleŋe tap yapâ hâpuŋetâ giâkgât Yesu mem gewi.

30 Mem gewi yamâ Anitâñe mâmâñe otbañgimu pilâyekmâ âlâengen ariop.

*Yesuñe Kapanaum kapiân ari den kâsikum yinñgiop.  
(Mareko 1:21-28)*

31 Yapâ pilâyekmâ kapi âlâ Galilaia hânân tap, kutñe Kapanaum sâm, yan ariop. Otmu tatmâ nâñgâ nâñgâ sâp âlâen miti emetñan yâhâ den kâsikum yinñgiop.

32 Den kâsikum yinñgimu nâñgâñetâ âlâ kândâkdâ otmu yuwu sâwi. “Lok yuñe Anitâhât sâtñgât otmâ den kâsikum ningiap. Nâñgâmunñe yawu oap.” Yawu sâwi.

33-34 Yâhâ lok âlâ weke bâleñeñe mem mângâemu manminiop yañe miti emetñan tatmâ Yesuhât denñe nâñgâop. Yawu otmâ weke bâleñeñe biwi nâñgân nâñgânñe mem purik pilâmu kârikñan halahum yuwu sâop. “Bâe, Yesu Nasaret amboñe. Gâ wongât nâhâlen takat? Hilipnohowe sâm takat me? Gâhât topge nanñan. Gâmâ Anitâhât nanñe bulâñe mansat. Otmu Anitâñe hâñgâñgohomu nâ bukulpne orowâk hilipnongowe sâm gion.” Yawu sâop.

35 Yawu sâmu yuwu sâm sâwañgiop. “Kâmbukñe. Gâ gaiakmâ ba ari.” Yawu sâmu weke bâleñe yañe gaiakmâ ba arimu lok ya senñe gâwâñ gâwâñ sâmu launñe barakñanak pato otmâ ge iop.

36 Yawu otmâ ge imu ekñetâ sâtñe otmu yuwu sâm alahuwi. “Bâe, wâtñe pato tatbañgiap yakât otmâ weke bâleñe sâwañgimu tem lâuwañgim gaiakmâ ba arap.” Yawu sâwi.

<sup>37</sup> Yakât den pat ya sâm haok tuhuñetâ kapi nombot nombot huhum liñgarakmâ arimu lohimbi kinjitñe orowâkñe nâñgâwi.

*Yesuñe sâmu Simon hewunñe âlepñe olop.  
(Mataio 8:14-17 Mareko 1:29-34)*

<sup>38</sup> Yesuñe yahatmâ miti emetñambâ gem ariop. Ari lok âlâ, kutñe Simon Petoro, yâkât hewunñe mesek pato kumu hâkñe kâlâp otmu im talop. Yakât ekuñetâ emelan yâhâop.

<sup>39</sup> Emelan yâhâm ekmâ yan mesek ya sâwanñimu hâkñe sânduk sâop. Yawu otmu imbi yanñe yahatmâ sot um yinñimu newi.

<sup>40</sup> Um yinñimu nem tatñetâ emetsenñe purik sâop yan sombemân yâhâ kinop. Kinmu kapi ambolipñe kundat âlâlâ otbi ya lâuyekmâ yâkâlen ariwi. Yawu otñetâ kunyeñan mem henñemyongop.

<sup>41</sup> Otmu weke bâleñe watyekmu gaiakmâ ari kârikñan halahum yuwu sâwi. “Gâ Anitâhât nanñe.” Yawu sâwi yakât otmâ Yesuhât topñe sâm tetem lohimbi ekyongomaihât kuyinñiop.

*Yesuñe den pat âlepñe ya Yuraia lohimbi ekyongop.  
(Mareko 1:35-39)*

<sup>42</sup> Emet hañ sâmu emelambâ gem lok biaengen ariop. Arimu kapi ambolipñanñe pâinñetâ biatmu kapi ya pilâm betñan watmâ ariwi. Ari mem tetem pilânenekmâ âlâengen arimap sâm mem alitbi.

<sup>43</sup> Mem alitñetâ yuwu sâm ekyongop. “Nâ kapi ârândânñ ari Anitâhât den kâsikum yinñimune lâum mannomai yakât hânñannohomu gewan.” Yawu sâop.

44 Yawu sâm Yuraia hânân kapi tipi tapi tatmâ arap yan ari miti emetņe ârândân yâhâm gem den kâsikum yingiop.

## 5

*Yesuņe hoņ bawalipņe nombotņe meyehop.  
(Mataio 4:18-22 Mareko 1:16-20)*

<sup>1</sup> Hilâm âlâen Yesuņe Genesaret dengân ginņan ari kinop. Ari kinmu lohimbi dondâņe Anitâhât den nâņgâne sâm yâkâlen ari mem hawam mewam tuhuwi.

<sup>2</sup> Yawu otņetâ waņga yâhâp talop yakât ambolipņane waņgaembâ gem inan itâņe pirim kinbi.

<sup>3</sup> Pirim kinņetâ Yesuņe lok âlâ, kutņe Simon sâm, yâkât waņgaen yâhâm yuwu sâm ekuop. “Ga puli kuņetâ endun bane.” Yawu sâmu puli kum endun baņetâ lohimbi yaņe dengân ginņan ge tatbi. Ge tatņetâ Yesuņe yahatmâ waņga hâmenan yâhâ kinmâ den kâsikum yingiop.

<sup>4</sup> Den kâsikum yingimu pesuk sâmu Simon yuwu sâm ekuop. “Dengân tânâmņan ba inan itâņe pilâņetâ gemu inan dondâņe yakât kâlehen kutakulakņetâmâ mem dâiņetâ gawuap.”

<sup>5</sup> Sâmu sâop. “Lok pato, nenņe omoņe inan itâņe pilâmunņe giap yamâ inan âlâ ki miain. Yawu gârâmâ gâhât den ya lâum yâhâpņe ba inan itâņe ihilâk pilâmunņe gewuap.” Yawu sâop.

<sup>6</sup> Yawu sâmu inan itâņe pilâņetâ gemu inan dondâhâlâk yakât kâlehen kutakulakņetâ mem dâiņetâ tiririk sâm tok sâwe sâm olop.

<sup>7</sup> Tok sâwe sâm otmu yaņak benņe bukulipyene waņga âlâen kinbi ya sâņetâ ga tânyongowi.

Tânyongonjetâ injan itânje ya mem dâinjetâ wanja yâhâp pik sâmu guhulakde sâm olowot.

8-10 Yawu otmu Petoro otmu bukuyâhâtne, imi ata, kutyetne Yakowo yet Yoane, Yeweri nanyâhâtne, yâkne injan dondâ ya eknetâ âlâ kândâkdâ olop. Eknetâ âlâ kândâkdâ otmu yakât otmâ Simon Petoroje Yesu mepaem yuwu sâop. “Mainj, Kutdâ, mat oarâke. Gâmâ lok âlepne. Yawu gârâmâ nâmâ lok bâleje. Yakât otmâ nânje hâmehan kinbomgât dop bia.”

Sâmu sâop. “Biwi yâhâp ki ot. Yiwerenje injan dâiat. Yâhâ hâmbâi lok meyekdâ nâhâlen bi-wiyenjeje kepeim mannomai.”

11 Yawu sâm ekumu puli kunjetâ wanja ya denġân ginġan yâhâmu yan âiyenje pilâm Yesuhâlen torokatnetâ orowâk manbi.

*Lok âlâ hâk bâle tetewanġimu manop ya Yesuje henġenġuop.*

*(Mataio 8:1-4 Mareko 1:40-45)*

12 Yesuje kapi ya pilâm âlâen arimu lok âlâ hâk bâle kârikne tetewanġimu manopne Yesu ekmâ yan gotġan bam yuwu sâm âikuop. “Lok pato, gâne sârâ kundat topne topne biatningiwuapgât dop tap. Yawu sânetâ nanġan. Yakât otmâ nânġânihirâ hâk bâle yunje pesuk sânihiâkgât nanġan.” Yawu sâm âikuop.

13 Sâmu sâop. “Nânġâhian. Âlepne, walipgohomune hâk bâle biatġihiâk.” Yawu sâm walipgumu yanâk biatbanġimu âlepne olop.

14 Yawu otmu Yesuje yuwu sâm ekuop. “Gâ otġihian yukât den pat bukulipge ki ekyongowuat. Hotom umai yenġâlen konok ari ekyongowuat.

Ekyongom yan Moseŋe hotom u uhât girem den kulempuop ya watmâ kinmâ Anitâhât hotom umbuat. Hotom umbuat ya ekmâmâ lohimbiŋe hâk bâle biatgihiap yukât topŋe nâŋgânomai.” Yawu sâm ekumu ariop.

<sup>15</sup> Yapâ ari iliwetmâ den pat ya sâm haok tuhuop. Sâm haok tuhumu den pat ya lîngarakmâ kapi ârândâŋ arimu lohimbi kiŋgitŋe orowâkŋe Yesuhât den nâŋgâne sâm yâkâlen ariwi. Yâhâ lohimbi kundat otbi gurâ Yesuŋe mem heŋgemnongoâk sâm yâkâlen ariwi.

<sup>16</sup> Yâkâlen ari mem hawam mewan tuhuŋetâ yakât pilâyekmâ lok biaengen ari Anitâ orop den olowot.

*Yesuŋe lok pareŋe yâkât tosaŋe pilâwaŋgiop.  
(Mataio 9:1-8 Mareko 2:1-12)*

<sup>17</sup> Hilâm âlâen Yesuŋe lohimbi den kâsikum yîŋgiop. Yawu otmu Parisaio lok otmu Mosehât girem den kâsikum yîŋgiminiwi ya nombotŋe kapi âlâlâ Galilaia otmu Yuraia hânân tatmâ arap ya pilâm yâkâlen ariwi. Yâhâ nombotŋe âlâmâ Yerusalem kapi pato yapâ ariwi. Kapi âlâlâ ya pilâm lohimbi yâk yeŋgâlen ari tatmâ yâk orop oset guset otmâ kinbi. Yawu otŋetâ Anitâŋe Yesu mâmâŋe otbaŋgimu lohimbi heŋgemyongowuapgât dop teteop.

<sup>18</sup> Sâp yan lok pareŋe âlâ mem gerelân katmâ lâum yâkâlen ariwi. Lâum arîŋetâ lohimbi dondâŋe emet umbiŋan kinmâ mâtâp maŋguyîŋgiwi.

<sup>19</sup> Mâtâp maŋguyîŋgiŋetâ yakât otmâ yâk yeŋgâlen hâum pâpguwi. Hâum pâpgum mâtâpgât pâinmâ emet gimbâŋan getek getek lâum yâhâwi.

Yâhâ emet gimbâñe mem kusatmâ mem katñetâ lohimbi hohetyeñan Yesuhât gotñan giop.

<sup>20</sup> Otmu Yesuhâlen biwiyenaje kepeiwi yakât topñe ekmâ lok pareñe ya yuwu sâm ekuop. “Anitâñe tosahe yiwerenje pilâhihiap.”

<sup>21</sup> Yawu sâmu Mosehât girem den kâsikum yingiminiwi otmu Parisaio yâkñe nâñgâñetâ bâlemu biwiyenaje ekmâ yuwu sâm ekyongop.

<sup>22</sup> “Yeñe nâ nekñetâ lok bâleñe otmune biwiyenaje yawu nañgai. Yakât nâñgâmune ki ârândân oap.

<sup>23</sup> Wuân âi tuhumune ekñetâ dopñan otbuap? Yuwu mon sâm ekuwom. “Nâñe tosahe pilâhihian.” Yawu sâwom me? Me “Gâ getek yahatmâ geretge lâuakmâ ari,” sâwom.

<sup>24</sup> Yakât nine topñe yuwu sâmunne nâñgâñet. Nâ Anitâñe hâñgânnohomu gewangât tosayenje pilâyingim mansan. Anitâñe âi sâm nihiop yukât topñe ekmâ nâñgâñetgât oan.” Yawu sâm ekyongop.

Yawu sâm ekyongom topñe ekmâ keterakñetgât lok pareñe ya yuwu sâm ekuop. “Gâ yahatmâ geretge lâuakmâ emetgan ari.” Yawu sâop.

<sup>25</sup> Yawu sâmu in yawu yahatmâ Anitâ mepaem geretñe lâuakmâ emetñehen ariop.

<sup>26</sup> Arimu lohimbi hâlânñmâ kinbiñe Yesuñe Anitâhât wâtñan kinmâ nep miop ya ekñetâ âlâ kândâkdâ otmu Anitâ mepaem yuwu sâwi. “Âun yukârâmâ wahap ki orotñe tetemu eksain.” Yawu sâwi.

*Yesuñe honj bawañe âlâ miop ya kutñe Lewi.  
(Mataio 9:9-13 Mareko 2:13-17)*



<sup>27</sup> Otmu Yesuņe emelambâ gem ariop. Ari takesi meme lok âlâ, kutņe Lewi sâmu, yâkņe tewetsenņe emetņan tatmu ehop. Tatmu ekmâ yuwu sâmu ekuop. “Ga. Nâhâlen torokatdâ orowâk mandehât nanġan.”

<sup>28</sup> Yawu sâmu ekumu Lewiņe tewetsenņe meminiop ya pilâm yahatmâ Yesuhâlen torokatmu orowâk ariowot.

<sup>29</sup> Yawu otmâ Lewiņe Yesuhât heronņe nâņġawaņġim dâimu emetņan yâhâowot. Emetņan yâhâmutâ takesi meme lok otmu lok nombotņe meyekmu ġaņetâ sot pato uyiņġimu newi.

<sup>30</sup> Nem tatņetâ Parisaio lok otmu Mosehât girem den kâsikumu yiņġiminiwiņe belâņgen kinmâ yekmâ nâņġaņetâ bâlemu hoņ bawalipņe yuwu sâmu âiyongowi. “Wongât Yesuņe takesi meme lok otmu lok bâlene yu orop menduhuakmâ lau konok niai?”

<sup>31</sup> Yawu sâmu âiyongonņetâ Yesuņe den ya nâņġâm Parisaio yuwu sâmu ekyongop. “Den âlâen hâmu sâmune nâņġaņet. Lok mesekyene bianņe dokta yeņġâlen ki arimai.

<sup>32</sup> Yâhâ lok kundatyene orop me hâhiwin teteyiņġimap yaņe konok dokta yeņġâlen arimai. Yakât topņe yuwu sâmune nâņġaņetâ keterahâk. Yeņġâlen ġâtņe nombotņane yuwu sâmai. “Nen lok âlepņe, nen orotmemenenņe âilonġo dondâ otmâ mansain.” Yawu sâmu pâlâmņe manmai. Lok yawuya yeņġât sâmu ki ġewan. Yeņe lok bâlene sâmu kewilâyekņetâ belâņgen manmai yawuane orotmemeyene bâlene pilâm Anitâhâlen biwiyeņane kepeim denņe lâmu bulâne mem tetenġetġât ġewan.” Yawu sâop.

*Yesuhât honj bawalipņe sot barak ki manminiwi.  
(Mataio 9:14-17 Mareko 2:18-22)*

<sup>33</sup> Yesuņe den yawu sâṁ ekyongomu lok nombotņaje yuwu sâṁ ekuwi. “Yoane bukulipņe otmu Parisaio lok nombotņaje Anitâhât âi menehât nâņgâm yâkâlen biwiyeņaje hikum sot barak manmâ Anitâ mepaem manmai. Yamâ gâhât honj bawalipgaņeâmâ sot kutakamai.”

<sup>34</sup> Sâņetâ sâop. “Yakât den âlâen hâum sâṁune nâņgâņet. Lok patoņe imbi miakbe sâṁ bukulipņe meyekmu orowâk tatmâ sot um nem heroņe ot-nomai. Heroņe otnomaiân sot barak ki tatnomai. Yâhâ hâmbâi mâne kasalipyeņaje taka bukuyeņe kuņetâ mumbuap yanâmâ eņgat hako nâņgâm sot barak mannomai.

<sup>35</sup> Yakât yuwu sâṁune nâņgâņet. Yiwerenęeâmâ nâ orowâk mansain yakât otmâ sot barak ki mansai. Hâmbâi mâne nâ nohoņetâ mumbom sâp yan eņgat hako nâņganomai.” Yawu sâop.

<sup>36</sup> Otmu orotmeme embâņân otminiwi ya otmu ikņe orotmeme âiņe kâsikum yingiop yaņe ki lâuahop. Yakât otmâ yâhâp yâhâp menduhum lâunomaihât dop ki olop. Yakât topoņe nâņgâņetâ keterahâkgât den âlâen hâum yuwu sâṁ ekyongop. “Nen sot me salup me âlâlâ une sâṁ hâpu golâenâk mânuņmâ titâkum umain. Gârâmâ hâpu tekaņan mânuņmâ kâlâwân katmain yamâ hâpu tekaņe ya sem huhumu sot ya golâ kinmap.” Yawu sâop.

<sup>37</sup> Otmu den âlâen hâum yuwu sâop. “Imbi âlâņe lepa dorokum tâk masipguwuap. Masipgum katmu tatmâ hâņgiņe otbuap. Yâhâ yakât kakņan tâk âiņe orop menduhum lowaim iri osowuap.

Iri osom senje âlâlâ mânunbuap yan dâimu tiririk sâmu tok sâwuap.

<sup>38</sup> Yakât otmuâmâ nenje tâk âinajak menduhum lowaimain. Yawu otmain yanâmâ senje âlâlâ umatje mânunnomân yamâ dâimu njirik njirik sâmi ki tok sâwuap. Yâhâ hângeje otmu ânje menduhunom yamâ dâimu titâk sâwuap. Yamâ ki orotje.

<sup>39</sup> Otmu yuwu sâmune nângejet. Imbilip-nenjanje senje âlâlâ mem iri âinan mânunmâ hikâm arimai ya lândem iri hângeje bâlejan ki mânunmâ hikâm arimai. Iri âinjahâlâk nângeimai. Yawu.” Yawu sâop.

## 6

*Yesu honj bawalipje orop tatmâ nânge nânge sâp ya kuwi.*

*(Mataio 12:1-8 Mareko 2:23-28)*

<sup>1</sup> Tatmâ nânge nânge sâp âlâen Yesu otmu honj bawalipje âi kalam biwinjambâ gem ariwi. Gem ari mâtâp tânâmnan po irik irik yingio. Yawu otmuâmâ buku nombotje yengât kalamân sot talop ya mem newi.

<sup>2</sup> Mem nejetâ Parisaionje yekmâ Yesu yuwu sâmi âikuwi. “Mosenje girem den kulemguop ya lâum âun yu tatmâ nânge. Yakât girawu otmuâmâ honj bawalipganje bukulipyanje yengât kalamâmbâ sot mem niai? Ya otjetâ yekmunje bâleap. Yakât otmâ gâje kuyingirâ âlâku ki otnomaihât nânge.” Yawu sâwi.

<sup>3-4</sup> Yawu sânetâ purik pilâyingim sâop. “Emelâk embânân Dawitje olop yakât den pat sâlikum ki nânge hengegumai. Yakât topje nângejetâ keterahâkgât yuwu sâmune nângejet. Dawitje

olop sâp yan hotom uwi ya yengât lok kunje âlâ manop, kutje Awiata sâm. Sâp yan Anitâhât hotom um manbiŋe banja tuhum Anitâhât pat sâm katminiwi ya yâkŋe konok neminiwi. Lok inŋeâmâ bia. Hilâm âlâen Dawiti otmu ikŋe tembe lâulipŋe sotgât bâlenetâ yan ikŋak Anitâhât miti emetŋan yâhâop. Yâhâmâmâ Awiataŋe sot kâmbukŋe sâm kalop ya ihilâk mem niop. Mem nem nombotŋe talop ya mem tembe lâulipŋe ge kâsikum yinŋimu newi.

<sup>5</sup> Yâhâ Anitâŋe hânŋânnohomu ge mansan nâmâ tatmâ nânŋâ nânŋâ yakât amboŋe. Otmu yakât bonŋeâmâ nâŋe konok mem teteman.” Yawu sâm ekyongop.

*Tatmâ nânŋâ nânŋâ sâp âlâen Yesuŋe lok âlâ heŋŋeŋguop.*

*(Mataio 12:9-14 Mareko 3:1-6)*

<sup>6</sup> Tatmâ nânŋâ nânŋâ sâp âlâen Yesuŋe miti emetŋan yâhâm den kâsikum yinŋiop. Yâhâ lok âlâ bâtŋe bonângen mum pâlâmŋe olop yan tatmu ehop.

<sup>7</sup> Yawu gârâmâ “Tatmâ nânŋâ nânŋâ sâpŋan Yesuŋe lok pareŋe ya mem heŋŋeŋguwuap me bia?” sâm Parisaio lok otmu Mosehât girem den kâsikum yinŋiminiwi ya nombotŋaŋe Yesu mem den âiân katne sâm bamu bam watbiŋe gotyetŋan ba kinbi.

<sup>8</sup> Gotyetŋan ba kinŋetâ Yesuŋe biwiyenahât topŋe nânŋâm lok pareŋe ya yuwu sâm ekuop. “Yahatmâ kin.”

<sup>9</sup> Sâmu yahatmâ kinmu benŋe Parisaio ya yuwu sâm ekyongop. “Sâŋetâ nânŋawe. Moseŋe den kulemguop ya topŋe girawu tap? Tatmâ nânŋâ

nângâ sâpñan lok heŋgemyongonom me hilipyongonom? Yakât sâñetâ nâŋgâwe.”

<sup>10</sup> Yawu sâŋ âiyongomu biwiyenje umatñe otmu olotoñâk kinbi. Olotoñâk kinñetâ yekmu bâleop. Yekmu bâlemu kunyenje kârikñe otmâ hiliwahonomai yakât nâŋgâm tepñe nâŋgâyinjiop. Tepñe nâŋgâyinjim lok pareñe ya yuwu sâŋ ekuop. “Bâtge kuwihak.” Yawu sâmu båtñe pilâmu kuwihakop.

<sup>11</sup> Panmu kuwihakmu Parisaio lok otmu Mosehât girem den kâsikum yinjinimiwiñe ya ekmâ biwiyenje kâlâp otmu gem ariwi. Gem ari Yesu girawu otbâŋine sâŋ den alahu gulahu otbi.

*Yesuñe aposololipñe meyehop.*

*(Mataio 10:1-4 Mareko 3:13-19)*

<sup>12</sup> Emet ñiñ sâmu Anitâ orop den otbe sâŋ Yesuñe pumñan yâhâop. Yâhâmu Anitâ orop den otmutâ emet hañ sâop.

<sup>13</sup> Emet hañ sâmu yan lok orowâk manbi ya sâlipyongom yâk yengâlen gâtñe lok kâiân yâhâp meyekmâ âi sâŋ yinjiop. Yawu otmâ kutyenje pato Aposolo sâŋ yinjiop. Lok yamâ kutyenje yuwu.

<sup>14</sup> Simon yâkât kutñe âlâ Petoro sâŋ imiñe Anderea, imi ata Yakowo yet Yoane, lok âlâmâ Pilip, Batolomaio,

<sup>15</sup> Mataio, Toma, Alipaio nanñe Yakowo. Âlâmâ Simon yâhâmâ komot âlâen gâtñe ya yengât topyenje yuwu. Kasalipyenje Roma lok ya yengât hâkâñ otmâ watyekne sâŋ otminiwi yan gâtñe. Âlâmâ Yakowo nanñe Yurasi.

<sup>16</sup> Otmu bâiñeâmâ Yurasi yamâ Karioto kapiân gâtñe. Yâkñeâmâ Yesuhât betñehen kioñop ya.

*Yesuŋe lohimbi mem heŋgemyongop.  
(Mataio 4:23-25)*

<sup>17-18</sup> Meyekmâ pumŋehembâ gâlikŋan gemu lok nombotŋe denŋe nâŋgâm watbiŋe peneyiŋgiwi. Peneyiŋŋetâmâ lohimbi kiŋgitŋe orowâkŋe denŋe nâŋgâne sâŋ yâkâlen ariwi. Lohimbi yâkâlen ariwi yamâ yuwu. Nombotŋe Yerusalem kapi pato otmu kapi tipi tapi Yuraia hânân tatmâ arap ya ambolipŋe. Yâhâ nombotŋe âlâmâ Tiro Siron kapi yâhâp saru ginŋan tap ya ambolipŋe. Lohimbi yaŋe yâkâlen ariŋetâ den kâsikum yiŋgiop. Yâhâ lohimbi nombotŋe weke bâleŋaŋe mâŋgâeyehop ya ekyongomu gaiakmâ ariŋetâ âlepŋe otbi. Otmu kundat otbi ya heŋgemyongop.

<sup>19</sup> Yâhâ wâtŋe pato tatbangiŋop yakât otmâ lohimbi in wâiwiŋe âlepŋe otbi. Yakât otmâ lohimbi sambeŋe wâim âlepŋe otnehât mem hawam mewam tuhuwi.

*Yesuŋe lohimbi den ekyongop.  
(Mataio 5:1-12)*

<sup>20</sup> Yawu otŋetâ Yesuŋe yuwu sâŋ ekyongop. “Den bonŋe sâŋmune nâŋgâŋet. Yen senŋe âlâlâhât umburuk otmâ manmai yamâ Anitâhâlen biwiyeŋaŋe kepeŋetâ tihityeŋe otmâ yâhâwuap. Yakât otmâ tepyeŋe heronŋe otmu mannomai.

<sup>21</sup> Yâhâ po manmai yen gurâ Anitâŋe sot kâle yiŋgimu neŋetâ ârândân otyiŋgiwuap. Yakât otmâ tepyeŋe heronŋe otmu mannomai. Yâhâ we bâle nâŋgâm manmai yenâmâ hâmbâi Anitâŋe mem biwi sânduhân katyekbuap. Yakât otmâ tepyeŋe heronŋe otmu mannomai.

22-23 Otmu lok bulâñe nâhâlen biwiyenñe kepeim manñetâ lohimbi nombotñe hakyenjan sâm mem bâleyeknomai yanâmâ yuwu nâñgânomai. “Âo, bonñanâk. Anñoân emelâk tâmbâlipnennñe Anitâhât poropete yawuâk otyiñginetâ bâleop. Otmu âun yu gurâ yawuâk otningimai. Yawu gârâmâ yakât hâmeñe hâmbâi himbimân manman kârikñe mem heronje kakñan mannom.” Yawu nâñgâm tepyeñe heronje otmu mannomai.

24 Yawu sâm ekyongom lohimbi manman sânduhân manñetâ tepyeñe umatñe otmap ya yeñgât yuwu sâm ekyongop. “Lohimbi senñe âlâlâ tatyinjiapñe hop sambe kakñan manmai. Yae, hâmbâi manman bâleñan ari olo gilâp otnomai.

25 Yâhâ lohimbi sot pato kakñan kinmai yañe hâmbâi sotgât umburuk otmâ olo gilâp otnomai. Yâhâ lohimbi heronje kakñan manmai yamâ hâmbâi gilâp amokñan isem mannomai.

26 Otmu den âlâ torokatmâ sâmunne nâñgâñet. Emelâk embânñan poropete perâkñe Anitâhât den kelanğatmâ papatolipyenñe kâityongominiwi. Kâityongonjetâ ki nâñgâmâk papatolipyenñe heronje otyiñgiwi. Heronje otyiñgiwiâke yamâ den perâkñe sâwi yakât matñe Anitâñe yinğimu mewi. Yawu gârâmâ lohimbiñe yeñgât nâñgâm heronje otyiñginomai yan biwi golâ mannomai. Yâhâ heronje otyiñginomai yan lohimbiñe heronje otningiai yakât otmâ Anitâñe gurâ yawuâk nenekmu ârândân oap yawu ki nâñgânomai.”

*Kasalipnennje buku otyiñginom.  
(Mataio 5:38-48)*

27 Yâhâ den âlâ torokatmâ yuwu sâm ekyongop. “Sâmunne nângânet. Yeñe kasalipyenê buku otyinginomai. Otmu lohimbinê yengât hâkân otmai yâk gurâ yawuâk buku otyinginomai.

28 Otmu lok âlâ me âlânê Anitânê mem bâleyehâkgât lohimbi sait kakyenjan pilânomai yamâ Anitânê lukuleyehâkgât ulitgunomai. Otmu lok âlâ me âlânê mem âlâlâ tuhuyeknomai yamâ yenê ya yengât umam sâyinginomai.

29 Lok âlâ me âlânê mângâeyeknomai yan yakât matñe ki kêpekyinginomai. Lok âlâ me âlânê ambonahât bâlenê hân meyingim yanak kiapgâlen yen meyekmâ arinomai. Meyekmâ arinetâ mâtâwânâk yenê hân âlâkuâk yinginetâ pesuk sâwuap.

30 Lok âlâ me âlânê yu me ya ninginet sâm ulityongonomai yamâ in yawu yinginomai. Me lok âlâ me âlânê senñe âlâlâ ekmâ kandi meyinginomai yakât purik sâm ninginet ki sânomai.

31 Bukulipyenê tanyongonetgât nângâmai yenê gurâ nângâmai dop yawuâk tanyongonomai.

32 Yâhâ lok nombotñenê yen buku otyinginetâ yengu yâk konok buku otyinginomai yakât Anitânê nângâmu ki ârândân otbuap. Yâhâ lok nombotñenê ki buku otyinginetâ yengu yawuâk yâk ki buku otyinginomai yakât Anitânê yen ki lukuleyekbuap.

33-34 Yâhâ lok nombotñenê yen orop buku konok manne sâm tanyongonetâ yengu yakât matñe yâk konok tanyongomai. Yawu otmai yanê lok bâlenê bukulipyenê orop tânahomai orotmeme ya ki wangiwuap. Yakât otmâ Anitânê yen ki lukuleyekbuap.



<sup>35</sup> Yeŋe kasalipyeŋe buku otyiŋginomai. Otmu yu me yakât umburuk manmai ya bât belaiâk yingim yakât matŋe ningiŋetgât ki nâŋgânomai. Yawu otyiŋginomai yanâmâ Anitâ yahat yahatŋaŋe meyekmâ nine nanne baratne sâŋ tihityeŋe otmu mannomai.

<sup>36</sup> Anitâŋe yen lok bâleŋe umam sâyiŋgimu yakât matŋe ki miai. Yakât otmâ lohimbi nombotŋaŋe mem âlâlâ tuhuyekŋetâ yengu yakât matŋe ki kâpekyiŋginomai.

*Lohimbi yeŋgât den ki sâŋ hâreyiŋginom.*  
(Mataio 7:1-5)

<sup>37</sup> Otmu yeŋe lohimbi yeŋgât den ki sâŋ hâreyiŋginomai otmuâmâ Anitâŋe gurâ yawuâk yeŋgât ki sâŋ hâreyiŋgiwuap. Otmu yeŋe lohimbi yekmâ ki sâŋ ge katyeknomai otmuâmâ Anitâŋe gurâ yawuâk yen yekmâ ki sâŋ ge katyekbuap. Yâhâ yeŋe lohimbi yeŋgât tosayeŋe pilâyiŋginomai otmuâmâ Anitâŋe gurâ yawuâk yeŋgât tosayeŋe pilâyiŋgiwuap.

<sup>38</sup> Yeŋe lohimbi tânyongom senŋe âlâlâ yiŋginomai otmuâmâ Anitâŋe ya wangim hop sambe yiŋgiwuap. Iri mânunŋmâ tâtâkumunŋe pik pato otmap yakât dopŋeâk Anitâŋe yiŋgiwuap. Yakât otmâ Anitâŋe yiŋgimap yakât dopŋeâk yengu yiŋginomai.”

*Yesuŋe den âlâen hâum sâŋ ekyongop.*

<sup>39</sup> Yesuŋe den âlâen hâum yuwu sâŋ ekyongop. “Lok senyeŋe bok sâsâŋaŋak dâiakmâ arinomai yamâ mâtâp tâpikgum ari hemân kioŋnomai. Kioŋmâ hiliwahonomai.

<sup>40</sup> Otmu naom âlâ me âlâne bawapilipyene ki wangiyeknomai. Naom âlâ me âlâne yu me yakât topne nângâm henḡenḡunomai yanâmâ bawapilipyene nângâmai yakât dopneâk nângânomai.” Yawu sâop.

<sup>41</sup> Den âlâen hâum yuwu sâm ekyongop. “Gâne bukuhahât senḡan wahap tipine tap ya ekbuat. Otmu gike sengan gurâ wahap pato tap ya ki enâkmâ nanḡanḡimâk bukuhahât yuwu mon sâuwat.

<sup>42</sup> “Buku. Sengan wahap ya hâluhum pangihawe.” Gâ yawu sâuwat otmuâmâ lok perâkne. Gike sengan wahap pato tap ya hâluhum pilâwanḡiwuat. Wongât? Yuwuhât. Gâne gike orotmemehe bâlene yakât nângârâ tânât otmap. Yawu gârâmâ bukuhane otmu kinḡon otmap ya ekdâ dondâ bâlemap. Yawu otbuat yamâ ekmune ki ârândân otbuap.” Yawu sâop.”

### *Nak topne topne*

*(Mataio 7:17-20 Mataio 12:33-35)*

<sup>43-44</sup> Otmu Lohimbiḡe yeḡe topyeḡe nanḡanḡinetḡât Yesuḡe den âlâen hâum yuwu sâm ekyongop. Nak esenḡe omoḡ omoḡ pilâmap yanâmâ bonḡe bâlene ki kinmap. Yâhâ nak esenḡe gimbanḡumap yanâmâ bulâne âlepne âlâ ki kinmap. Bia yakâ. Yâhâ kiatne manam ki otmap. Otmu manamne kiat ki otmap. Otmu giḡ gârârân yaḡe ham ki otmap. Otmu hamne giḡ gârârân ki otmap. Yamâ topyeḡe ikḡiâk ikḡiâk.

<sup>45</sup> Lok âlâhât biwiḡan nângân nângân âlepne me bâlene tatmap ya yawuâk launḡambâ ga takamap.

Yakât otmâ lohimbi âlâ me âlâhât biwiyenjan nângân nângân âlepneâk tatmapne orotmemeyene âlepne otmâ uwawapne bia manmai. Yâhâ lohimbi âlâ me âlâhât biwiyenjan nângân nângân bâlepeâk tatmapne orotmemeyene bâlepe otmâ bukulipyene mângâeyekmai. Yawu.”

*Lok nângân nângânne orop otmu lok kopa  
(Mataio 7:24-27)*

<sup>46</sup> Yesune lohimbi kinbi ya yuwu sâam ekyongop. “Yene “Kutdânenne Kutdânenne,” sâam nohonmaiâke yamâ den ekyongoman yamâ ki lâumai.

<sup>47</sup> Yakât otmâ den âlâen hâum sâamune nângânnet. Lok âlâ me âlâne nâhâlen ganetâ den ekyongomune nângâm henngum lâumai yane dop yuwu manmai.

<sup>48</sup> Lok nângân nângânyene orop yaneâmâ emet tuhune sâam hân kendâm saran kâkâlep yane kânângâm emet tuhnetâ tinjâk kinbuap. Yawu gârâmâ mososon mem gâsuk gâsuk tuhumu emet ya njiwinj njiwinj sâam ki putuk sâawap. Yenâmâ dop yawuya.

<sup>49</sup> Âlâmâ purik pilâm sâawe. Lok âlâ me âlâne nâhât den nângânnetâ nahat otmu betbangim manmai, lok ya yengât topyeneâmâ yuwu. Lok kopa nombotnane emetyene tuhune sâam hân kendâm saran kakneâk kânângânomai. Yawu tuhnetâ emet ya saranne kandi kinbuap. Yakât otmâ mososon mem gâsuk gâsuk tuhumu emet ya putuk sâam ge imbuap. Yawu.” Yawu sâam ekyongop.

## 7

*Yesu je hoj bawa âlâ hejengejguop.  
(Mataio 8:5-13)*

<sup>1</sup> Yesu je den yawu ekyongom yapâ pilâyekmâ Kapanaum kapiân ariop.

<sup>2</sup> Kapanaum kapiân ariop sâp yan Roma tembe lâu yengât kunyeje âlâhât hoj bawa je mesek sâtjan kinop. Yâhâ tembe lâu ya je ikje nanjahât nângâwanjimap yakât dopjeâk hoj bawa je yakât nângâwanjiop.

<sup>3</sup> Yakât otmâ “Yesu taka tap,” yawu sâjjetâ nângâm tembe lâu ya je Yesu je ga hoj bawa je hejengejguâkgât Yura yengât papatolipyene nombotje hângânyongomu yâkâlen ariwi.

<sup>4-5</sup> Ari yuwu sâm ekuwi. “Roma tembe lâu yengât kunyeje âlâ nengâlen biwiñaje kepeimu nen orop mansain. Lok yu je ikje tewetsenñaje lok puluhuyekmu nengât miti emet je ya tuhuningiwi. Yakât otmâ den je nângâm ari tânguwuatgât nanjan.” Yawu sâwi.

<sup>6</sup> Yawu sâm ekujjetâ nângâyingimu orowâk ariwi. Ariñjetâ emet ya tâlâhumuâk otmu bukulpne hângânyongomu Yesuhâlen ba yuwu sâm ekuwi. “O lok pato, bukunen je yuwu yap.

<sup>7</sup> “Nâ lok âlep je bia. Yakât gâñe nâhât emelan gawuatgât ki nanjan. mâtâwânâk kinmâ denâk sârâ hoj bawane yu âlep je otbuapgât nanjan.

<sup>8</sup> Yâhâ nâ nineâmâ lok patonahât tem lâuwanjim yâkât amutgen manman. Gârâmâ paton je nâ gurâ buku nombot je yengât kunye je sâm nihimu manman. Yakât otmâ nâ je tembe lâulipne âlâ me âlâ yuken me yaken ariñjet sâmune âlep je nâhât

tem lâunihim arimai. Me âi wuân me wuân tuhuñet sâm âi yingiman ya gurâ âilonço tuhumai. Gâmâ lok pato. Yakât otmâ denâk sârâ âlepñe otbuapgât nançan.” Yawu sâm den kalop ya bukulipñane Yesu ekuwi.

<sup>9</sup> Den yawu ekuñetâ Yesuñe nâñgâmu ewe membe olop. Nâñgâmu ewe membe otmu Isirae lohimbi betñan sâwi ya yuwu sâm ekyongop. “Wâtne pato tatnihiap yakât nâñgâm Roma lok yuñe biwi yâhâp ki oap. Yakât yuwu nançan. Isirae yengâlen gâtñe âlâ me âlâne lok yuñe oap yuwu âlâ ki otñetâ yekman. Lok yuñe nâhâlen biwiñane kepeim den katnihiap yu ekmune âilonço oap.” Yawu sâm ekyongop.

<sup>10</sup> Yawu sâm ekyongomu tembe lâu bukulipñane purik sâm yapâ pilâyekmâ âwurem ari emelan yâhâm hoñ bawa âlepñe olop ya ekbi.

*Yesuñe lok âlâ mumuñambâ mem yahalop.*

<sup>11</sup> Yesuñe hoñ bawalipñe meyekmâ kapi âlâ, kutñe Nain sâm yan arinçetâ lohimbi dondâhâlâkñe betyeñan sâñetâ ariwi.

<sup>12</sup> Kapi ya hâumâk otñetâ imbi kambut âlâhât nançe sihanâk muop ya hangune sâm bukulipñane gerelân katmâ lâum gewi. Yawu otmâ lohimbi tem pato betyeñan sâñetâ gewi.

<sup>13</sup> Otmu Kutdâne kambut ya ekmâ tepñe nâñgâm “Ki ise,” sâm ekuop.

<sup>14</sup> Yawu sâm ekum geret lâum gewi yan memu inâk kinbi. Inâk kinñetâ lok sihan ya ekmâ yuwu sâm ekuop. “Yahatmâ kin.”

<sup>15</sup> Yawu sâm ekumu mumuñambâ yahatmâ dendât otmu ekñetâ sâtñe bâleñe olop. Otmu

imbi kambut ya nanjeit yetgât Yesuŋe “lohotŋan manset” sâŋ ekyotgop.

16 Otmu lohimbi yan kinbiŋe ya ekŋetâ sâtŋe otmu Anitâ mepaem yuwu sâwi. “Anitâŋe ikŋe poropete âlâ hâŋgâŋumu taka hohetnennan mansap.” Yâhâ nombotŋaŋe yuwu sâwi. “Lok yuŋe tihitnenŋe otmâ manman âlepŋan katnenekmu mannomgât Anitâŋe hâŋgâŋumu taka mansap.” Yawu sâwi.

17 Yesuŋe lok sihan ya mumuŋambâ mem ya-halop yakât den pat ya lohimbiŋe sâŋ haok tuhuŋetâ kapi tipi tapi Yuraia hânân tatmâ arap ya ambolipŋe kerekŋe nâŋgâwi.

*Yesuŋe Yoanehât sâop.  
(Mataio 11:2-19)*

18 Yoane pâi emetŋan katŋetâ talop yâkâlen ari hoŋ bawalipŋaŋe Yesuŋe lohimbi hengemyongop yakât den pat ekuwi.

19 Ekuŋetâ nâŋgâm hoŋ bawayâhâtŋe yâhâp den yuwu sâŋ ekyotgom Kutdâhâlen hâŋgânyotgomu ariowot. “Ari yuwu sâŋ âikuromawot. “Anitâŋe ikŋe hoŋ bawa hâŋgâŋumu ge tihitnenŋe otbuap sâmain ya gâ me? Me âlâhât mambotmâ mannom?”

20 Yawu sâŋ ekyotgom hâŋgânyotgomu Yesuhâlen ari yuwu sâŋ ekuowot. “Yoaneŋe lohimbi toen mem katyekmapŋe yuwu sâŋ hâŋgânnotgomu takait. “Anitâŋe ikŋe hoŋ bawa hâŋgâŋumu ge tihitnenŋe otbuap sâmain ya gâ me? Me âlâhât mambotmâ mannom?” yawu yap.” Yawu sâowot.

<sup>21</sup> Otmu sâp yan Yesuŋe lohimbi kundat otbi ya dondâhâlâk heŋgemyongop. Otmu weke bâleŋaŋe lohimbi mâŋgâeyekbi ya watyekmu gaiakmâ ariwi. Otmu lohimbi senyeŋe bok sâsâŋe ya senyenŋan walipyongomu senyeŋe suk sâmu ekbi.

<sup>22</sup> Yawuhât Yesuŋe Yoanehât hoŋ bawayâhâtŋe ya yuwu sâm ekyotgop. “Yerâmâ ari kulem topŋe topŋe memune eksai yukât Yoane ekuro-mawot. Nâŋe senyeŋe bok sâsâŋe ya walipyongomune senyeŋe suk sâmu eksai. Otmu lok pareŋe manmai ya heŋgemyongomune târârâhâk bam gai. Otmu hâk bâle manmai ya gurâ heŋgemyongomune âlepŋe otmâ mansai. Otmu ândâpyeŋe bok sâsâŋe ya gurâ heŋgemyongomune ândâpyeŋe pâroŋ sâmu den naŋgai. Otmu nombotŋe bâlewi ya mu-muŋambâ mem yahatyekmune mansai. Otmu kewilâyekŋetâ mansai ya nine den pat âlepŋe ekyongomune nâŋgâm biwiyeŋe herone otmâ mansai.” Yawu sâm Yoane ekuromawot.

<sup>23</sup> Yakât âlâ sâwe. Yawu otyiŋgim mansan yakât otmâ lok âlâ me âlâŋe nâhât biwi nâŋgâm yâhâp ki otmai ya yeŋgât nâŋgâmune tepne herone oap.” Yawu sâm ekyotgom hâŋgânyotgomu âwureowot.

<sup>24</sup> Hâŋgânyotgomu âwurem arimutâ Yesuŋe Yoanehât topŋe lohimbi yan kinbi ya yuwu sâm ekyongop. “Yoane lok ki manmaiâŋgen ari manop ya lohimbiŋe ekne sâm yâkâlen ariwi. Otmu yakât den âlâen hâum sâwe. Siru pato pilâm âliwahap mem gâsuk gâsuk tuhumu ekmâ âlemai.

<sup>25</sup> Yawu olop ya ekne sâm ariwi me bia? Me lok âlâŋe hâk katipŋe sekŋe âlepŋe mânunjakmâ manop ya ekne sâm ariwi me? Lok hâk katipŋe sekŋe âlepŋe mânunjakmaiŋeâmâ lok kutdâ yeŋgât

emelanâk tatmai.

<sup>26</sup> Yâhâ lok ki manmaiângen ki manmai. Yakât otmâ wuân bân ekne sâm yaken ariwi? Yakât yuwu sâmune nângânet. Yoaneje Anitâhât den pat sâm tetem gaop ya nângâne sâm ariwi. Yâhâ emelâk Anitâhât poropetelipnaje yâkât den tâmbâlipyeje ekyongom manbi ya yengât kunyeje pato oap.

<sup>27</sup> Yâkât nângâm emelâk Anitâje den sâop ya yuwu tap. “Gâje nine topne sâm tetem ekyongorâ nângânetgât nine hoj bawane hângângumune kulet sâhihim mâtâp menjihwuap.” Den yawu tap. Kulet sâop yamâ Yoane.

<sup>28</sup> Otmu yakât den yuwu sâmune nângânet. Anitâje Yoane nep waŋmu miop yakât nângâmu yahatmap. Yakât otmâ lok âlâ me âlâje Yoane wanginomialhât dop ki tap. Yoaneje kulet sânihim âi mem gaop yamâ nine topne ki nângâm heŋgeŋgum mansap. Yakât otmâmâ lok âlâ me âlâje nâhât den pat âlepne yu nângâm Anitâhâlen biwi nângân nângânyeje katnomai yaŋeâmâ Yoane wanginomial.

<sup>29</sup> Yawu sâm ekyongomu lohimbi sesengâlâk, lohimbi inje, takesi meme lok, yawuyaŋe nângânetâ bulâje olop. Yâhâmâ emelâk Yoaneje Anitâhât den ekyongomu nângânetâ bulâje otmu toen mem katyehop.

<sup>30</sup> Yamâ Parisaio lok otmu Mosehât girem den lohimbi kâsikum yinŋiminiwi yâkneâmâ Anitâhât mâtâp Yoaneje ekyongop yakât hâkâŋ otmâ denje nângânetâ tânât olop. Yakât otmâ toen ki katyehop.

<sup>31</sup> Otmu Yesuje den âlâ yuwu sâm ekyongop.



Yen biwi yâhâp otmâ mansai yakât nângâñetâ keterakyiñgiâkgât den girawu yaen hâum sâmunne nângâñetâ keterakbuap. Yuwu mon?

<sup>32-34</sup> Nimnaom titipâñe sombem patoen hârum konok otmâ tatnomai. Tatmâmâ komot âlâ tatnomaiñe komot âlâ yuwu mon ekyongonomai. “Nenñe yahatmâ kep tuhum âlâlâ oain. Gârâmâ yen orowâk tuhune sâmunñe ki tânnongoai. Yakât otmâ nângâmunñe bâleap.” Yawu otnomai yakât topñe teteâkgât yuwu sâmunne nângâñet. Yakât dopñeâk Yoaneñe heronñe olâkgât nângâwi. Yamâ nângâwi yawu Yoaneñe ki olop. Yakât otmâ yâkât hâkâñ otmâ sâm ge katbi. Otmu âlâku torokatmâ hâum sâwe. Sâp âlâen nimnaom titipâ komot âlâ tatnomaiñe komot âlâ yuwu sâm ekyongonomai. “Âo, nen we bâle nângâm ombes hakoâk isewin. Yawu otbin yan yeñe ki nenekbi. Yakât otmâ nângâmunñe bâleap.” Yawu sânomai. Yakât dopñeâk yeñe otmâ mansai. Gârâmâ yeñe oai yan ki torokatmâ mansan. Yakât otmâ yen nâhât hâkâñ oai. Yakât yuwu sâmunne nângâñet. Emelâk Yoaneñe to kârikñe me âlâlâ ya nembâpgât dop yamâ yâkñe ki neminiop. Yakât yeñe yuwu sâwi. “O, lok yuâmâ yawu otmap.” Yawu sâwi. Yâhâ nâmâ Anitâñe hângânnohomu ge sot kâle neman. Yakât otmâ yeñe nâhât yuwu mon nângâmai. “O, lok yuâmâ sot pato kutakamap. Otmu takesi meme lok otmu lok komborâ yâk orop buku orañgim gamai.” Nâhât yawu sâmai.

<sup>35</sup> Yawu gârâmâ yakât sâwe. Anitâñe den sâop ya tiñâk lâum manmai ya yeñgât orotmemeyenñe ekmâ nângâñetâ bonñe otbuap. Yawu.” Yawu sâop.

*Imbi âlâŋe Yesuhât kâiŋe piriop.*

<sup>36</sup> Parisaio lok âlâ, kutŋe Simon sâŋ, yâkŋe Yesu mem emetŋan yâhâ bukulipŋe orowâk men-duhuakmâ sot newi.

<sup>37</sup> Yâhâ Yesu orowâk sot newi yakât den pat imbi kondarâ âlâŋe nâŋgâmâmâ to kukŋe suk sukŋe âlâ mem emet tatbiân yan yâhâop.

<sup>38</sup> Mem yâhâ Yesu betŋehen kinmâ isemu gilâpŋe târâŋ sâŋ kâiŋan giop. Kâiŋan gemu somotŋe kâlep pato yaŋe mem gowasiŋmâ kereŋ mewangiop. Yawu otmâ to kukŋe ya moselemu kâiŋan gemu pirim mepaeop.

<sup>39</sup> Yawu otmu Simonŋe ekmâ biwiŋaŋe yuwu nâŋgâop. “Imbi kondarâ yuŋe ki orotŋe oap. Yawuhât Yesu Anitâhât poropete mansap mâne imbi yukât topŋe nâŋgâm henŋenŋum kuwaŋgimu ki otbâp.

<sup>40</sup> Yawu nâŋgâmu Yesuŋe biwiŋahât topŋe nâŋgâm yuwu sâŋ ekuop. “Simon, den sâŋmune nâŋgâ.” Sâŋmu sâop. “Lok pato, sârâ nâŋgâwe.”

<sup>41</sup> Sâŋmu sâop. “Den âlâen hâum sâŋmune nâŋgâ. Lok âlâŋe bukuyâhâtŋe tewetsenŋe yitgiop, âlâmâ 50 kina, âlâmâ 5 kina.

<sup>42</sup> Tewetsenŋe yitgimu mem ari yaŋe senŋe âlâlâ puluhuahowot. Otmu yakât kakŋan “matŋe nihiromawot” sâŋ ekyotgop. Yawu gârâmâ tewetsenŋe ki tatyitgiop. Yakât otmâ yâkâlen ari yuwu sâŋ ekuowot. “Tewetsenŋe ki tatnitgiap. Yakât otmâ girawu otmâ tosa matŋe kâpekmutŋe pesuk sâwuap?” Yawu sâŋ ekumutâ yuwu sâop. “Bât belaiâk yitgiwan. Pesuk yap, âlepŋe ariyet.” Yawu sâop. Yakât otmâ yuwu âihohomune nâŋgâ. Bukuyetŋaŋe tosayetŋe pilâyitgimu pesuk sâop.

Yakât otmâ bukuyâhâtņe lok girawu yaņe heroņe pato nâņgâwaņgiop, 50 kina waņop yaņe me 5 kina waņop yaņe?

<sup>43</sup> Sâmu sâop. 50 kina waņop yaņe heroņe pato nâņgâwaņgiop.”

Sâmu sâop. “Âlepņe yat.”

<sup>44</sup> Yawu sâm imbi ya ekmâmâ Simon yuwu sâm ekuop. Nâņe emetgan gamune to ki gâim katdâ piriaksan. Yamâ imbi yuņeâmâ isemu gilâpņaņe kâinan gemu pirim somotņaņe gowasiņmâ keren menihiap.

<sup>45</sup> Gâņe ki parahuneksat. Yamâ imbi yuņeâmâ mepaenekmâ tap.

<sup>46</sup> Gâņe nak toņe ki katnihiat. Yamâ imbi yuņeâmâ to kukņe suk sukņe, hâmeņe yahat yahatņe ya moselemu kâinan gemu pirineksap.

<sup>47</sup> Imbi yuņeâmâ nâņgânihiap. Yakât topņe nâņgâm heņgeņguwatgât yuwu sâmune nâņgâ. Lok âlâņe bukujahât tosa umatņe pilâwaņgimu yakât heroņe pato nâņgâwaņgiuwap. Yâhâ lok âlâņeâmâ bukujahât tosa hewewen pilâwaņgimu yakât heroņe kakņeâk nâņgâwaņgiuwap. Yakât yuwu sâmune nâņgâ. Anitâņe imbi yukât tosa umatņe emelâk pilâwaņgiap. Yakât otmâ mepaenekmâ tap.

<sup>48</sup> Yawu sâm imbi ya yuwu sâm ekuop. “Tosahe pilâhiahian.”

<sup>49</sup> Yawu sâmu, Parisaio orowâk tatmâ sot newiņe den ya nâņgâm biwiyenāņe yuwu nâņgâwi. “Lok yukât topņe girawu? Girawu otmâ “Tosahe pilâhiahian” yawu yap.” Biwiyenāņe yawu nâņgâwi.

<sup>50</sup> Yesuņe imbi ya yuwu sâm ekuop. “Nâhâlen biwihanē kepeiat. Yakât otmâ Anitâņe manman

kârikjahât pat kuhhiap. Yakât nângâm lohotņan ari.” Yawu sâop.

## 8

*Imbi nombotņe Yesu orowâk ariwi ya yengât topyene*

<sup>1</sup> Sâp yakât kakņan Yesuņe hoņ bawalipņe meyekmu kapi ya pilâm kapi tipi tapi tatmâ arap ya ârândâņ yâhâm gewi. Otmu lohimbiņe Anitâhâlen biwiyeņe kepeņetâ tihityeņe otyiņgiwuap yakât den pat âlepņe Yesuņe ekyongop.

<sup>2</sup> Otmu imbi nombotņe orowâk ariwi ya yengât topyene yuwu. Imbi nombotņe emelâk kundat otbi ya hengemyongop. Yâhâ nombotņe âlâmâ weke bâleņeņe mângâeyekbi ya watyekmu gaiakmâ ariwi. Yâhâ yâk yengâlen gâtņe âlâ, kutņe Maria, Matala kapiân gâtņe, ya weke bâleņe nombolân yâhâpņe mângâeņetâ watbaņgiop.

<sup>3</sup> Yâhâ âlâmâ, kutņe Yoana sâm. Yâhâmâ Herotgât hoņ bawa âlâ, kutņe Kusa sâm, yâkât imbiņe. Yâhâ âlâmâ, kutņe Susana sâm. Otmu imbi nombotņe iri sikumyene orop yâkņe Yesu otmu hoņ bawalipņe tânyongowi. Imbi topyene sâm aran yu orowâk ariwi.

*Hote alikņan hâum sâop.*

*(Mataio 13:1-9 Mareko 4:1-9)*

<sup>4</sup> Lohimbi dondâņe kapiyeņe pilâm Yesuhâlen ari menduhuakņetâ den âlâen hâum yuwu sâm ekyongop.

5-8 “Lok âlâne hote alikne mem hâilonbe sâw newângen ariop. Ari hote alikne ya nombot nombot mem hâilonmu giop. Nombotneâmâ mem hâilonmu mâtâwân ge talop. Yâhâ nombotneâmâ mem hâilonmu hân toje biaen ge talop. Yâhâ nombotneâmâ hele bâlene iowân giop. Yâhâ nombotneâmâ tep tep kum hân âilongo lonjo tuhuwi yan ge talop. Yawu gârâmâ hote alikne mem hâilonmu âlâen âlâen giop yakât topneâmâ yuwu. Nombotne mâtâwân ge talop yamâ lohimbiñe bam gam tâlim lañ tuhuñetâ nâine kârâm newi. Yâhâ nombotneâmâ hân toje biaen giop yamâ gihitne kakneâk pilâop. Yakât otmâ in yawu mum hâlâlân sâop. Yâhâ nombotneâmâ hewukñan me hele pato biwiñan giop yamâ âilongo tetem pururuk sâop. Pururuk sâmu hewukñane langumu derepgum gimbanğumu orok sâop. Yâhâ nombotne hân âlepñan giop yañeâmâ tetem pururuk sâw âilongo yahalop. Nâne den yan yu biwiyeñan katmâ nângâm heñgeñgunomai.” Yawu sâw ekyongop.

*Topne yuwuhât Yesune den âlâ me âlâen hâum sâop.*

*(Mataio 13:10-17 Mareko 4:10-12)*

<sup>9</sup> Yawu sâw ekyongomu hon bawalipñane den ya topñahât nângâne sâw âikuwi. Âikuñetâ sâop.

<sup>10</sup> “Anitâne tihitnenne otmâ gamap yakât topne yeñe tipine nanğai. Yâhâ lok nombotne nâhâlen ki torokatmâ mansaiñeâmâ biwiyeñe pâlâmne otmâ mansai. Biwiyeñe pâlâmne otmâ manñetâ yakât den âlâen âlâen hâum ekyongoman. Yakât otmâ yâkne nâhât nângâm hâkâñ otmâ nekmâ kâkâsuk otmâ. Yawu otmâ biwiyeñe alitmai. Yakât otmâ

nâhât den pat yu nângâñetâ tânât oapgât hili-wahonomai. Yamâ nângâm henjenjuai mâne bi-wiyenje Anitâhâlen katmâ denje lâunjetâ tosayenje emelâk pilâyinimbâp.”

*Hote mem hâilonmu giop yakât topne  
(Mataio 13:18-23 Mareko 4:13-20)*

<sup>11</sup> Hote alikñan hâum ekyongoan yakât topne sâmunne nângâñet. Anitâhât den yamâ hote alikñahât dop oap.

<sup>12</sup> Yâhâ lok hote alikñe mem hâilonmu giop yamâ nenñe Anitâhât den lohimbi ekyongomunne nângâmai yakât dop. Hote alikñe nombotñe mem hâilonmu mâtâwân giop yakât topne yuwu. Yamâ lohimbi nombotñaje Anitâhât den nângâñetâ bulâñe otmu yâkâlen biwiyenaje kepeimaihât Satanñe den ya kum mem gulip tuhumap.

<sup>13</sup> Yâhâ hote mem hâilonmu nombotñe hân toñe biaeñ giop yakât topne yuwu. Lok yawuya nâhât den pat âlepñe ekyongomune nângâm heronje otmâ manmai. Nângâñetâ den ya kakñeâk gem bi-wiyenjan gihitñe kârikñe ki memap. Yawu gârâmâ umatñe âlâ kakyenjan yâhâmap yan lohotñe otmâ pilâmai.

<sup>14</sup> Yâhâ hote mem hâilonmu nombotñe hele bi-wiñan giop yakât topne yuwu. Lohimbi nombotñe den ekyongomune nângâñetâ bonñe otmap. Nângâñetâ bonñe otmu sâp kâlep ki otmuâk hângât iri sikum, me tewetsenñe, me âlâlâ ekmâ biwi nângân nângânyenaje yan hikum nângâm manmai. Yawu manmai yakât otmâ biwi yâhâp otmâ manñetâ manman âlepñe ki teteyinjimap.

15 Yâhâ hote mem hâilonḡmu nombotḡe hân toḡe orowân giop yakât topḡe yuwu. Lok yawuyaneâmâ den pat âlepḡe nâḡgâm heḡḡeḡumai. Nâḡgâm heḡḡeḡum tiḡâk lâum manmâ yâhâḡetâ manman âilonḡo lonḡo teteyiḡimap. Yâk yeḡgât topyeḡe yawu. Nâḡe hoteân hâum yan yamâ topnenḡeâmâ yawu.” Yawu sâḡ ekyongop.

*Lok topnenḡe lambeân hâum sâop.  
(Mareko 4:21-25)*

16 Yesuḡe den âlâen hâum yuwu sâḡ ekyongop. “Nenḡe emet kâlehen tatmâ lambe saum tunḡuḡan ki katmain. Gârâmâ helenân gâitmunḡe kinmâ sem laḡinḡe pilâmu ekmâ gem yâhâmain.

17 Yakât topḡe yuwu. Lok âlâ me âlâḡe otḡetâ bâlemu kurihimai yamâ hâmbâi mâne tetekḡan otmu eknom.

18 Yakât otmâ den ekyongoan yu biwiyenḡan katmâ nâḡgâm heḡḡeḡunomai. Lok âlâ me âlâḡe nâhât den nâḡgâm biwiyenḡan katmâ mannomaiḡe ya nâḡgâḡetâ keterakbuap. Yâhâ lok âlâ me âlâḡe nâhât den nâḡgâḡetâ nahat otmu bet pilânomaiḡe biwiyenḡe pâlamḡe manmâ ki nâḡgâḡetâ keterakmâ heḡḡeḡuwuap.” Yawu sâḡ ekyongop.

*Yesuhât hepḡe torehenlipḡe  
(Mataio 12:46-50 Mareko 3:31-35)*

19 Yawu sâḡ ekyongom tatmu lohimbî kiḡitḡe orowâkḡe denḡe nâḡgâne sâḡ mem hawam mewam tuhum kinbî. Yawu kinḡetâ ikḡe hepḡe torehenlipḡaḡe taka gotḡan bane sâḡ otḡetâ lohimbîḡe mâtâp maḡuyiḡiḡetâ betyeḡehen kinbî.

20 Betyenehen kinnetâ lok âlâ Yesu gotņan talopņe yuwu sâmu ekuop. “Torehenlipgaņe taka betnenņehen kinmâ gâhât yai.”

21 Yawu sâmu Yesuņe yuwu sâmu ekyongop. “An-itâhât tem lâum mansai yaņeâmâ nâhât hepne torehenlipne bulâņe oai.”

*Yesuņe sâmu to siru nâņ nâņ sâop.*

*(Mataio 8:23-27 Mareko 4:35-41)*

22 Hilâm âlâen Galilaia dengân pato ya hâtikgum nombotgen arine sâmu waņgaen yâhâwi. Waņgaen yâhâm hâtikgum nombotgen ariwi.

23 Arim tatņetâ Yesu amangât katmu aman pâlâmņe iop. Aman im tatmu dengân ya tânâmguņetâ yanâk siru puņ puņ sâmu pilâop. Siru puņ puņ sâmu pilâmu toņe waņga kâlêhen gemu guhulakbe sâmu olop.

24 Guhulakbe sâmu olop yan ekņetâ sâtņe otmu hoņ bawalipņe mândem yuwu sâwi. “Wâe, lok pato, waņga yu dengân kâlêhen guhulakbe sâmu oap. Harannongomap.”

Yawu sâmu ekuņetâ yahatmâ siru kuwaņgiop. Kuwaņgimu to yaņe nâņ nâņ sâop. Nâņ nâņ sâmu yuwu sâmu ekyongop.

25 “Wongât biwi yâhâp oai? “Nâņe tihityeņe otbomgât dop ki tap,” yawu mon naņgai?” Yawu sâmu ekyongop. Yawu sâmu ekyongomu yuwu sâmu alahuwi. “Bâe, lok yukât topņe girawu? Siru kuwaņgimu yaņak to yaņe nâņ nâņ yap.” Yawu sâwi.

*Yesuņe weke bâleņe watyekmu gaiakmâ bau yengâlen ariwi.*

*(Mataio 8:28-34 Mareko 5:1-20)*



<sup>26</sup> To nâñ nâñ sâmu denġân ya hâtikgum ba nombot endaken kapi âlâ, kutņe Gerasene sâmu, yan ariwi.

<sup>27-29</sup> Yan ari waņgaembâ lâum kionmâ arinjetâ kapi amboņe, lok âlâ weke bâleņeņe mânġâeminiop, ya takamu ekbi. Yâhâ yâkât topņe yuwu. Lok yamâ sumân bam gam otmu weke bâleņeņe mânġâemu hâk katipņe tuhum pilâm hâk barahâk manmâ gaop. Otmu ikņe kapi ambolipņe ari tâk kârikņe, kutņe sein sâmu, yaņe kâiņe bātņe mem menduhum sâhâminiwiâke yamâ tâmbirin sâmu hâreakminiop. Yawu otma weke bâleņeņe mânġâemu lok ki manmaiângen ari ihilâk mahilâk manminiop. Lok yakât topņe yawu. Lok yaņe ewan kinmâ Yesu ekmâ yâkât gotņan ge kinop. Gotņan ge kinmu Yesuņe weke bâleņe ya watbe sâmu yuwu sâmu ekuop. “Lok yukâlembâ gaiakmâ ari.”

Yawu sâmu hu halak tuhum yuwu sâmu ulitguop. “Yesu, topge naņgan. Gâ Anitâhât nanņe. Yamâ wongât nâhâlen takat? Nâ hâhiwin ki nihi. Inâk âwurem arihât naņgan.” Yawu sâmu ulitguop.

<sup>30</sup> Ulitgumu sâop. “Ahonakdâ nânġâwe.”

Sâmu sâop. “Nâņe weke bâleņe nombotņe orowâk tatmâ lok yu mem mânġâem mansain. Yakât otmâ nengât kutnenņe “Komot Pato,” yawu.

<sup>31</sup> Aiop, ġâņe nânġâningirâ sumânâk mannom. Hem topņan ki hânġânnongorâ arinom.” Yawu sâwi.

<sup>32</sup> Yâhâ talapņan bau sesenġâlâkņe tomot tuhum kinjetâ yekbi. Yekmâ yuwu sâmu Yesu ekuwi. “ġâņe watnenekbuat otmuâmâ, âlepņe watnenekdâ gaiakmâ bau enda yenġâlen arinom.”

Yawu sâwi. Yawu sâñetâ watyekmu gaiakmâ bau ya yengâlen ge mânunakbi.

<sup>33</sup> Bau yengâlen ge mânunakmâ mângâeyekñetâ sururuk sâmba hem patoembâ tâwoñ sâmba dengânân kionjetâ haranyongop.

<sup>34</sup> Dengânân kionjetâ haranyongomu galemyongom manbiñe ekmâ sururuk sâmba kapi ambolipñe ya ekyongowi.

<sup>35</sup> Ekyongonjetâ yakât topñe nângâne sâmba Yesuhâlen takawi. Otmu emelâk weke bâleñe lok mângâenjetâ ihilâk mahilâk manminiop yamâ nângân nângânñe keterakbangimu hâk katipñe mânunahop ya ekbi. Ekñetâ sâtñe otmu lohimbî Yesu orop kinbi ya âiyongowi.

<sup>36</sup> Âiyongonjetâ Yesuñe weke bâleñe watyekmu gaiakmâ arinjetâ nângân nângânñe keterakbangiop yakât den pat ekyongowi.

<sup>37</sup> Ekyongonjetâ nângânjetâ sâtñe otmu Yesuñe pilâyekmâ âlâengen ariâkgât ekuwi.

Yakât otmâ Yesuñe hoñ bawalipñe meyekmu wangaen yâhâwi.

<sup>38</sup> Wangaen yâhânjetâ yan lok weke bâleñe watbangiop yañe yuwu sâop. “Nâ girawu otbom? Yen orop arinehât nanjan.”

<sup>39</sup> Sâmba sâop. “Bia, gâ nen orop ki arinom. Yakât otmâ kapihehen ari gike hep torehenlipge yakât den pat ya ekyongowuat.” Yawu sâop.

Yawu sâmba kapiân yâhâ Yesuñe henñeñguop yakât den pat kapilipñe ekyongop.

*Yesuñe Yairo baratñe mumunambâ mem yahalop.*

*(Mataio 9:18-26 Mareko 5:21-43)*

40 Yawu otmâ Yesuŋe hoŋ bawalipŋe meyekmu kapi ya pilâm wanŋa mem âwurem ariwi. Âwurem ari wanŋaembâ geŋetâ dengân ginŋan lohimbi dondâŋe Yesu ekne sâŋm taka kinbi.

41 Yawu otmâ kinŋetâ miti emetŋahât galem-lipyenŋe yenŋât lok kunŋe, kutŋe Yairo sâŋm, yâkŋe gotŋan ba mepaem yuwu sâŋm ekuop.

42 “Baratne, ombe bisine konohâk ya sihanâk katnenekbe sâŋm oap. Yawu gârâmâ gâŋe ari henŋenŋuhât nanŋan.” Yawu sâop.

Yawu sâŋm ekumu Yesuŋe hoŋ bawalipŋe meyekmu ya pilâm Yairohât emelan ariwi. Mâtâwân arim tatŋetâ Yesu takaop yakât den pat ya lohimbi dondâŋe nânŋâm ekne sâŋm yâkâlen ariŋetâ orowâk ariwi.

43 Yâhâ imbi âlâ orowâk ariwi yâkât topŋeâmâ yuwu. Imbilipnenŋaŋe emetsenŋe ekmai dop yawu ki olop. Yâhâ imbi yuâmâ emetsenŋe ekmâ yâhâmu yambu kâiân yâhâp olop. Yambu kâiân yâhâp yu biwiŋan dokta yenŋâlen arimu hep ya saŋ sâekgât âi pato mewiâke yamâ yawuâk otmâ gaop.

44 Yâhâ imbi yaŋe Yesuhât betŋan bam yâkât sâŋgum potonŋan in walipgumu yanâk hepŋe saŋ sâop.

45 Yâhâ walipguop yanâk Yesuŋe enŋatŋe kakŋambâ olelem yekmâ “Âlâŋe walipnohoap?” sâŋm âiyongop.

Yawu sâŋm âiyongomu yan kurihiakŋetâ Petoroŋe yuwu sâop. “Lohimbi dondâŋe mem hawam mewam tuhunenekŋetâ pânŋ sâŋm kinsain. Yakât otmâ gâ girawu nânŋâm yat? Yan gâtŋaŋe mon walipgohoi.”

46 Sâmu sâop. “Walipnohoap yan hâkne katmâ nanġan.”

47 Yawu sâmu imbi yaġe kâi bâtnġe kârânġ kârânġ sâmu kinop. Yawu otmâ Yesuhât sâġgum potonġan walipġumu hepġe sâġ sâop yakât topġe kerek ekuop.

48 Sâmu sâop. “Toune, biwihe nâhâlen katsat. Yakât otmâ Anitâġe nâġġâhîhimu hepġe saġ yap. Lohotġan ba ari.” Yawu sâm ekuop.

49 Yawu sâm ekum kinmu yanâk Yairohât hon bawalipġe nombotġaġe emelambâ taka yuwu sâm ekuwi. “Baratġe emelâk bâleap. Yakât otmâ lok pato yu imbiâk sârâ gamap.”

50 Yawu sâġetâ Yesuġe nâġġâm Yairo yuwu sâm ekuop. “Yakât ki gorâhîhiâk. Nâhâlen biwihâġe kepeim eġġat yâhâp ki ot.” Yawu sâop.

51 Yawu sâm Yairohât emet gotġan ba kinmâ lohîmbi nombotġe katyekmu yaehen kinbi. Yaehen kinġetâ Petoro, Yakowo, otmu imiġe Yoane, Yairo, imbiġeit meyekmu emet kâlehen yâhâwi.

52 Yâhâ lohîmbi dondâġe kahân tatmâ isem we bâle pato nâġġâm tatbi. Yawu ot tatġetâ yuwu sâm ekyongop. “Baratyetġe ki bâleap, in aman pâlâmġe iap. Yakât otmâ ki isenġet.”

53 Yawu sâm ekyongomu nâġġâġetâ nahat otmu ġiriġbaġġiwi. Emelâk katnenekmâ arap nâġġâwi.

54 Yâhâ Yesuġe imbi sihan ya bâtnġan mem yuwu sâm ekuop. “Barat tipġe, yahatmâ kin.”

55 Yawu sâmu yanâk yahatmâ bam gaop. Yawu otmu Yesuġe sâmu sot um waġetâ niop.

56 Otmu âwâġe mâmâġaġe ya ekmutâ âlâ kândâkdâ olop. Yawu otmâ bukulipyetġe ki

ekyongoromawot sâ m kuyitgiop.

## 9

*Yesuŋe hoŋ bawalipŋe meyekmâ âi sâ m yinŋiop.  
(Mataio 10:5-15 Mareko 6:7-13)*

<sup>1</sup> Yesuŋe hoŋ bawalipŋe kâiân yâhâp men-duhuyekmâ âi sâ m yinŋim yuwu sâ m ekyongop. “Yen nâhât sâtŋât otmâ ari weke bâleŋaŋe lohimbi mângâeyekŋetâ mansai ya watyinŋiŋetâ gaiakmâ arinomai. Otmu lohimbi kundat otmâ mansai ya heŋgemyongonomai.” Yawu sâ m ekyongop.

<sup>2</sup> Otmu lohimbiŋe Anitâhâlen biwiyenŋe kepeinŋetâ tihityeŋe otbuap yakât den pat ekyongom kapi âlâen âlâen ari kundat otbi ya heŋgemyongonomaihât mâmâŋe otyinŋiop.

<sup>3</sup> Mâmâŋe otyinŋim yuwu sâ m ekyongom hângânyongop. “Âi topŋe katne sâ m sot me senŋe âlâlâ umatdâek ki miakmâ arinomai. Natik ki miaknomai. Me itâkat ki goleaknomai. Me tewetsenŋe hâkyenŋan ki tatbuap. Me pet me hâk katipŋe ya hourâ hourâ ki miaknomai. Me howan ki tinangum arinomai.

<sup>4</sup> Otmu kapi âlâen arinomai yanâmâ emelan dâim yâhâ katyekŋetâ yanâk tatnomai. Kapi ya ambolipŋaŋe orotmemeyeŋe bâleŋe betbangim biwiyenŋe Anitâhâlen katŋet sâ m nâhât den pat âlepŋe ekyongonomai.

<sup>5</sup> Yâhâ kapi âlâen ari den ekyongonŋetâ nâŋgâŋetâ nahat otmu bet pilânomai yamâ hâmbâi Anitâŋe matŋe umatŋe yinŋiwuap. Yakât otmâ kâiyenŋan wahap me bokosok me yu ya horatbuap yamâ tâlim gik beretek meŋetâ gewuap. Ya gemu betyinŋim

pilâyekmâ ba âlâengen arinomai. Ariñetâ towat ya ekmâ kâi katsap yawu nâñgânomai.” Yawu sâm ekyongop.

<sup>6</sup> Yawu sâm ekyongom hâñgânyongomu kapi âlâen âlâen ari yâkât den pat âlepñe ekyongowi. Den pat âlepñe ekyongom yan lohimbi mesek othi ya mem henğemyongowi.

*Herotñe Yesuhât den pat nâñgâop.*

*(Mataio 14:1-2 Mareko 6:14-16)*

<sup>7</sup> Otmu sâp yanâmâ Galilaia yengât lok kutdâ âlâ manop, kutñe Herot Antipa sâm, yâkñeâmâ Yesuñe olop miop yakât den pat nâñgâop. Lohimbi nombotñañe yuwu sâñetâ nâñgâop. “Herotñe tembe lâulipñe ekyongomu Yoane kuñetâ muop yamâ mumuñambâ yahatmâ mansap,” yawu sâwi.

<sup>8</sup> Yâhâ nombotñañeâmâ yuwu sâñetâ nâñgâop. “Poropete lok âlâ, kutñe Elea sâm, emelâk himbimân yâhâop yañe mon purik sâm ge mansap,” yawu sâwi. Yâhâ nombotñañeâmâ yuwu sâñetâ nâñgâop. “Anitâhât poropetelipñe emelâk muwi yâk yengâlen gâtñe âlâ yañe mumuñambâ yahatmâ mansap,” yawu sâwi.

<sup>9</sup> Yawu sâñetâ Herotñe nâñgâm engat yâhâp otmâ yuwu sâop. “Emelâk tembe lâulipne ekyongomune Yoane engatñe hârewi. Yakât otmâ lok girawu yañe yu ya otmâ mansap yakât den pat sâñetâ nanğan?” Yawu sâm Yesu ekbehât nâñgâm manop.

*Lok 5000 ya sot yinğinjetâ newi.*

*(Mataio 14:13-21 Mareko 6:30-44 Yoane 6:1-13)*

<sup>10</sup> Emelâk Yesuñe hoñ bawalipñe hâñgânyongomu kapi âlâen âlâen ari yâkât den pat âlepñe ekyongowi. Ekyongom pesuk pilâm yâkâlen

âwurem ari otbi mewi yakât ekuwi. Ekuñetâ meyekmu yenjâk tatmâ nângâne sâm Besaita kapiân ariwi.

<sup>11</sup> Kapi yan ariwi yakât den pat lohimbi kiñgitñe orowâkñe nângâm betyenehen watyekmâ ariwi. Ariñetâ yan Yesuñe tepñe nângâyিংim Anitâhâlen biwiyenaje kepeñetâ tihityeñe otbuap yakât den pat âlepñe ekyongop. Otmu bukulipyenē mesek topñe topñe otbi ya meyekmâ takanjetâ mem heñgemyongop.

<sup>12</sup> Yawu otmâ Anitâhât den topñambâek kâsikum yingimu emetsâpñe otmu yan hon bawalipñaje yuwu sâm ekuwi. “Yu tain yu hâlâñmâ kapi tipi tapi âlâ ki tap. Yakât po yingimu wâtyeñe houñ sâmapgât gâne hâñgânyongorâ arinjet. Hâñgânyongorâ ari yenahâk sot puluhum um nenomai.” Yawu sâwi.

<sup>13</sup> Sâñetâ sâop. “Âlepñe yeñe sot kâsikum yinginjet.”

Sâmu sâwi. “Nengâlen banja kândâkdâ mome otmu injan yâhâp yawuâk tap. Lohimbi dondâ taka tai. Yawu gârâmâ nenñe katgekmâ ari sot puluhuyingim lâum takanomgât nanjat me?” Yawu sâwi.

<sup>14</sup> Yâhâ lohimbi taka tatbi ya yenğât dowâmâ 5000 yawuya. Yesuñe yuwu sâm ekyongop. “Yeñe lohimbi yu ekyongonjetâ kâsiwahom komot tipi tapi, komot 50 dop yawuya tatmâ arinjet.” Yawu sâop.

<sup>15</sup> Yâhâ lohimbi ekyongonjetâ den sâop yawuâk otbi.

<sup>16</sup> Otmu Yesuñe sot ya mem himbimân pak sâm ekmâ Anitâ mepaeop. Anitâ mepaem banja ya

motokmâ tipi tapi tuhum hon bawalipņe yingimu lohimbi ya kerehâk yinginetâ newi. Yâhâ inĵan gurâ yawuâk yinginetâ neņetâ dopyeņan olop.

<sup>17</sup> Neņetâ dopyeņan otmu sot nombotņe talop ya hon bawalipņe hâwurum mânuņetâ saka saka kâiân yâhâp pik sâop.

*Petoroņe Yesuhât topņe sâm teteop.*

*(Mataio 16:13-19 Mareko 8:27-29)*

<sup>18</sup> Otmu hilâm âlâen Yesuņe hon bawalipņe katyekmu tatņetâ ikņiâk ba kinmâ Anitâ ulitguop. Ulitgum pesuk pilâmu hon bawalipņe yâkâlen arinetâ yuwu sâm âiyongop. “Lohimbiņe nâhât girawu nâņgâmai?”

<sup>19</sup> Sâmu sâwi. “Nombotņe gâhât yuwu sâmai. “Yoaneņe lohimbi toen katyekminiop ya emelâk kuņetâ muop ya mumuņambâ yahatmâ mansap,” yawu sâmai. Yâhâ nombotņeâmâ, “Poropete âlâ, kutņe Elea sâm, emelâk himbimân yâhâop yaņe purik sâm ge mansap,” sâmai. Yâhâ nombotņeâmâ, “Anitâhât poropetelipņe emelâk muwi ya yeņgâlen gâtņe âlâņe mumuņambâ yahatmâ mansap,” gâhât yawu sâmai.” Yawu sâwi.

<sup>20</sup> Sâņetâ sâop. “Yawu gârâmâ yeņeâmâ nâhât girawu nâņgâmai?” Sâmu Petoroņe yuwu sâop. “Anitâņe hâņgângohomu ge mansat ya nâņgâmunņe bulâņe oap.” Yawu sâop.

<sup>21</sup> Yâhâ yakât topņe sâm tetem lohimbi ekyongomaihat sâm kuyiņgiop.

*Yesu kuņetâ mumbuap yakât sâop.*

*(Mataio 16:20-28 Mareko 8:30-9:1)*



22 Den âlâ torokatmâ yuwu sâ m ekyongop. “Nâ lok bulâne mansan. Yawu gârâmâ hotom umai yengât kunlipyene otmu Isirae nengât papatolip-nenne otmu Mosehât girem den kâsikum ningimai ya kerekne biwi konohâk otmâ yan nâhât sâ m bâlenihim mem âlâlâ tuhunekmâ nohojetâ mum-bom. Mum yan hân kâlehen hilâm kalimbu tatmâ benje yapâ mumuñambâ yahatbom.” Yawu sâ m ekyongop.

*Manmannenje ki alitmâ manmâ yâhân om.*

23 Otmu Yesuñe lohimbi kerehâk yuwu sâ m ekyongop. “Lohimbi âlâ me âlâne biwiyene nâhâlen katmaine nâhâlen torokatne sâ m yan yehâhât ki nângânetâ yahatbuap. Me senje âlâlâ tatyngiap ya biatningimap sâ m yakât ki nângâm ketet otmâ engat yâhâp otnomai. Nâhât den haonmâ ârândân nângâm tem lâunihim mannomai.

24 Yawu gârâmâ benje lok âlâ me âlâne man-manyene alilaknomai yamâ hiliwahonomai. Yâhâ lok âlâ me âlâne nâhâlen biwiyenane kepeim manmâ nâhât den pat âlepne yu lohimbi ekyongonomai. Ekyongonomai yakât otmâ yongojetâ munomai yamâ Anitâne mumuñambâ mem yahatyekbuap.

25 Yâhâ lok âlâ me âlâne iri sikum me manman topne topne yan biwi nângân nângânyene hikum manmâ munomai yane girawu otnomai. Yehâhâk mumuñambâ yahatnomaihât dop âlâ ki tap. Nâ lok bulâne den kâsikum yingim mansan. Yengâlen gâtne âlâ me âlâne nâhât den nângânetâ nahat otmu betnihinomai yamâ matne yuwu kâpekyingiwom. Hâmbâi sâp patoen

Himbim Awonɔnaɔe yâhâpɔe hângânnohomu aɔelolipne meyekmune hânân genom. Sâp yan yengâlen gâtɔe âlâ me âlâɔe nâhât den nângâɔetâ nahat otmu betnihimai yamâ nâku yawuâk betyongomune matɔe umatɔe menomai.

<sup>26</sup> Hâmbâi sâp patoen Himbim Awonɔnaɔe yâhâpɔe hângânnohomu aɔelolipne meyekmune hânân genom. Gem yan manmanyenahât matɔe âlâku ikɔiâk ikɔiâk kâpekmâ yinɔiwom.

<sup>27</sup> Yuwu sâm ekyongomune nângâm biwiyenɔan katmâ mannomai. Yen ki mum metenɔetâek Anitâɔe tihityeɔe otbe sâm lok bulâɔe nâ hângânnohomu âwurem ge tihityeɔe otbisâm.” Yawu sâop.

*Yesuɔe Mose yet Elea orop den alahuwi.  
(Mataio 17:1-13 Mareko 9:2-13)*

<sup>28</sup> Den yawu ekyongop yakât kakɔan hilâm nombolân yâhâp mon pesuk sâmu Yesuɔe Anitâ ulitguwe sâm olop. Yakât otmâ Petoro, Yakowo, otmu imiɔe Yoane, meyekmu hoɔ bawalipɔe nombotɔe âlâmâ katyekɔetâ tatɔetâ yenjiâk pumɔe âlâen yâhâwi.

<sup>29</sup> Yâhâ kinɔetâ Yesuɔe Anitâ ulitgum kun kundenɔe âlâ otmu sângumɔaɔe laɔinɔe pilâm kaok bolan bolan olop.

<sup>30</sup> Yawu otmu Mose Elea emelâk Anitâɔe meyelehop yaɔe in yawu tetem kinmutâ

<sup>31</sup> himbimâmbâ laɔinɔaɔe siliɔ siliɔ sâm hâuyelekmu yâk orop den alahuwi. Yawu otmâ Yesuɔe Yerusalem kapiân ari Anitâɔe yâkât mâtâp sâm kalop ya lâumu Yura papatolipyeɔaɔe kuɔetâ mumbuap yakât ekyotgop.

<sup>32</sup> Mose yet Elea tetemutâ den otbi yan hon bawalipñaŋe aman pâlâmŋe iwi. Yâhâ Mose yet Eleaŋe Yesu pilâm arire sâŋ otmutâ kâlâwahom ya-hatmâ yekbi. Yekŋetâ Petorohât hanŋe tâlâhumu yuwu sâŋ Yesu ekuop. “Lok pato, kulem teteap yuwuya âlâ ki ekmain. Yu ekmunŋe âlâ kândâkdâ oap. Yawu gârâmâ gâŋe sârâ selep kalimbu tuhunehât nanŋan. Gâhât âlâ, Mosehât âlâ, Eleahât âlâ.” Yawu sâop.

<sup>33</sup> Otmu Mose yet Elia Yesu pilâm arire sâŋ otmutâ Petoroŋe kulem yakât topŋe ki nâŋgâmâk Yesu yawu sâŋ ekuop.

<sup>34</sup> Yawu sâmu yanâk elem patoŋe ge pumŋe ya mem kâŋpŋumu kiŋgityenjahât otbi.

<sup>35</sup> Kiŋgityenjahât otŋetâ elem yakât biwiŋambâ Anitâŋe den âlâ yuwu sâop. “Bulâŋanâk yuâmâ nine nanne ombe bisine. Nâŋe âi sâŋ waŋmâ hâŋgâŋumune giop. Yakât otmâ den sâwuap ya yeŋe mem biwiyeŋan katmâ tem lâuwaŋgim man-nomai.” Yawu sâop.

<sup>36</sup> Den ya sâŋ tiŋ pilâmu Yesu ikŋeâk kinmu ekbi. Yâhâ hon bawalipñaŋe kulem ya ekbi yakât ki sâŋ tetem bukulipyenŋe ekyongowi.

*Yesuhât hon bawalipñaŋe weke bâleŋe watne sâŋ pâpŋuwi.*

*(Mataio 17:14-21 Mareko 9:14-29)*

<sup>37</sup> Emet haŋ sâmu pumŋehembâ geŋetâ lohimbi kiŋgitŋe orowâkŋe ari mem teteyekbi.

<sup>38</sup> Mem teteyekŋetâ hohetyenambâ lok âlâŋe ha-lahum yuwu sâŋ Yesu ekuop. “Lok pato, gawot. Nine nanne ombe bisine yu gam ek.

39 Yakât topņe yuwu. Weke bâleņeņe pârâk sânsânâk mângâemu senņe gâwâņ gâwâņ sâm hânân ge imu nekamņe kâtiņ sâm lauņe barak barak otmu halahumap. Weke bâleņe yaņe haonmâ ârândâņ yawu mângâemap.

40 Yawuhât hoņ bawalipgaņe watņet sâm dâim taka ekyongomune pâpgum pilai.” Yawu sâop.

41 Yawu sâmu Yesuņe olelem hoņ bawalipņe yekmâ yuwu sâm ekyongop. “Yen orop sâp kâlep manmâ gain. Yamâ wongât nâhâitņe ki tânnongowuap yawu naņgai? Yawu nâņgâm biwiyenāņe nâhâlen tiņâk ki kepeiai yakât nâņgâmune ki ârândâņ oap. Yawu gârâmâ hâmbâi nâņe pilâyekmâ yâhâwom yan yeņe girawu mannomai?” Yawu sâm ekyongom âwâņe ekumu nanņe ya dâim Yesuhâlen baop.

42 Dâim bamu weke bâleņeņe mângâemu senņe gâwâņ gâwâņ sâm hânân ge kârâņ kârâņ sâm lauņe barak barak otmâ iop. Yawu otmuâmâ Yesuņe weke bâleņe ya watmu gaiakmâ arimu âlepņe otmâ âwâņahâlen ba kinop.

43 Yâhâ Yesuņe kulem miop yan Anitâhât wâtņe tetemu ekņetâ ewe membe olop.

*Yesu kuņetâ mumbuap yakât âlâkuâk sâop.*

*(Mataio 17:22-23 Mareko 9:30-32)*

Yesu kulem miop ya ekņetâ ewe membe olop sâp yan hoņ bawalipņe yuwu sâm ekyongop.

44 “Den yuwu sâm ekyongomune nâņgâm biwiyenān katmâ mannomai. Anitâņe nâ lok bulâņe hâņgânnohomu ge mansan. Nâhât kasalipnaņe sâp ki kâlep otmuâk meneknomai.” Yawu sâop.

<sup>45</sup> Yawu sâm ekyongowâke yamâ Anitâñe nâñgân nâñgânyene mem kopa tuhuyekmu nâñgâñetâ ki keterahop. Yakât otmâ âikune sâm otñetâ umatñe otmu pilâwi.

*Huruñ huruñ manmâ yâhânôm.*

*(Mataio 18:1-5 Mareko 9:33-37)*

<sup>46</sup> Sâp âlâen Yesuhât hoñ bawalipñañe osetyenan gâtñe âlâ me âlâñe kunyene pato otbuap yakât sâm pawarak guwarak otbi.

<sup>47</sup> Yawu otmâ sahaññetâ Yesuñe biwiyenahât topñe nâñgâm yan naom tipine âlâ lâum gotyenan katmu kinmu

<sup>48</sup> yuwu sâm ekyongop. “Lok âlâ me âlâñe tem lâunihim naom tipine yuwuya buku otbañginomai. Lohimbi yañe naom tipine otbañgiain sâm yan nâ buku otnihinomai. Otmu nâ otnihiain sâm Anitâñe hâñgânnohomu ge mansan yâk buku otbañginomai. Yeñgâlen gâtñe âlâ me âlâñe yeñjahât nâñgâñetâ gemu huruñ huruñ manmai ya yeñgât Anitâñe nâñgâyinñimu yahatmap.” Yawu sâop.

*Lohimbiñe nengât ki nâñgâñetâ gemap yañe buku otningimai.*

*(Mareko 9:38-40)*

<sup>49</sup> Yawu sâm ekyongomu Yoaneñe yuwu sâm ekuop. “Lok pato, lok ondowân gâtñe âlâñe kutgan gohonmâ weke bâleñe watyekmu gaiakmâ ariwi ya nenñe ekmâ nâñgâm bâlewanñim kuwanñiwin.” Yawu sâop.

<sup>50</sup> Yawu sâmu yuwu sâm ekyongop. “Lohimbi nombotñañe yeñgât ki nâñgâñetâ gemap yañe yeñgât buku manmai. Yakât otmâ lok yawuya ki kuyinñinomai.” Yawu sâop.

*Samaria kapi ambolipņaje Yesu ekmâ ki buku otbaņgiwi.*

<sup>51</sup> Yesuņe himbimân âwurem yâhâwuap yakât sâp tâlâhuop. Yakât otmâ Samaria hân tânâmņambâ Yerusalem kapiân ariwe sâm biwiņaje nâņgâop.

<sup>52</sup> Yawu otmâ Samaria ya yeņgât kapi âlâen ari inomaihât hoņ bawalipņe nombotņaje kulet sâm ari emet âlâ mem heņgeņguņet sâm hâņgânyongomu ariwi.

<sup>53</sup> Ari kapi ambolipņe ya ekyongonjetâ Yesu Yerusalem kapiân ariwuap yawu nâņgâmâmâ emetyeņe alitbi.

<sup>54</sup> Emetyeņe alitņetâ hoņ bawayâhâtņe yâhâp, Yakowo yet Yoane, yakât nâņgâmutâ bâlemu yetņe eņgatyetņeâk otmâ Yesu yuwu sâm âikuowot. “Lok pato, nâņgânitgirâ sâmutņe himbimâmbâ kâlâp punduņ sâm ge seyehâk.”

<sup>55-56</sup> Yawu sâmutâ kuyitgimu kapi ya pilâm âlâengen ariwi.

*Lok yuwuyaje Yesuhât tem lâuwaņgim manno-mai.*

*(Mataio 8:19-22)*

<sup>57</sup> Mâtâwân arim tatņetâ lok âlâņe mem teteyekmâ Yesu yuwu sâm ekuop. “Gâ yuken yaken otbuat yamâ nâ orowâk.”

<sup>58</sup> Sâmu sâop. “Nine topne hâum pâpguatgât yuwu sâmune nâņgârâ keterahâk. Sonņoâmâ nak duwiņan imai. Yâhâ nâiâmâ nak kakņan kerem tatmai. Yâhâ nâmâ Anitâņe hâņgânnohomu ge mansan yamâ emet âlâ ki tatnihiap. Yakât otmâ gâ orowâk arinom otmuâmâ girawu otnom?” Yawu sâm ekuop.

<sup>59</sup> Yesuŋe lok âlâ mem tetem yuwu sâŋ ekuop. “Nâhâlen torokatdâ orowâk mandehât naŋgan.”

Sâmu sâop. “Lok pato, awoŋ âun bâleap. Yakât otmâ nâŋgânihirâ ari awoŋne kurihiwe. Kurihim âwurem gamune orowâk arirom.”

<sup>60</sup> Sâmu sâop. “Lohimbi biwi pâlâmŋe manmâ Anitâhât den ki lâum manmaiŋe hanguŋet. Gâŋeâmâ katyekmâ taka Anitâhât den pat âlepŋe lohimbi ekyongowuat.” Yawu sâop.

<sup>61</sup> Yâhâ lok âlâŋe Yesu yuwu sâŋ ekuop. “Lok pato, gâ orowâk arirehât naŋgan. Yawu gârâmâ nâŋgânihirâ hep torehenlipne yeŋgâlen âwurem arimune iseŋŋim katyekmâ âwurem gamune arirom.”

<sup>62</sup> Sâmu sâop. “Den yat yakât matŋe den âlâen hâum yuwu sâŋmune nâŋgâ. Lok âlâ me âlâŋe nâhâlen torokatne sâŋ hep torehenlipyeŋe katyekŋetâ kinŋetâ waŋgaen yâhânomai. Yawu otmâ tepyeŋe nâŋgâyiŋŋim purik sâŋ âwurem ari yekne sâŋ otnomaiŋe nâhâlen torokatŋetâ âi sâŋ yiŋgiwomgât dop ki tap.” Yawu sâop.

## 10

*Anitâhât den ekyongonŋet sâŋ Yesuŋe lok 72 hâŋgânyongop.*

<sup>1</sup> Sâp yakât kakŋan Yesu Kutdânenŋaŋe lok 72 mem sâlipyongop. Yawu otmâ lok yâhâp yâhâwâk menduhuakmâ kulet sâwaŋŋim mâtâp mewâŋŋinomaihât âi sâŋ yiŋŋim hâŋgânyongop.

<sup>2</sup> Den âlâen hâum yuwu sâŋ ekyongom hâŋgânyongop. “Kâlâmân sot pato tap. Yâhâ Anitâŋe nep lok katyekmu mem hâwurum

kinsaiâkâ yamâ ki dopņan oap. Yakât otmâ Anitâņe lok âlâkuâk katyehâkgât ulitgum mannomai.” Yawu sâm ekyongop.

<sup>3</sup> Otmu hoņ bawalipņane topyeņe nanņanņinetgât den âlâen hâum yuwu sâm ekyongop. “Lama yamâ pâlâmņe kinmai. Yâhâ sosoņeâmâ sâtņe bâleņe tatmai. Yawu gârâmâ lama yaņe dâiakmâ arinomai yamâ sosoņe yingim neyekbuap. Dop yawuâk nâņe hâņgânyongomune sâtņe metņe kâlehen arinomai.

<sup>4</sup> Hâņgânyongomune arinomai yan bât barahâk arinomai. Itâkat ki goleaknomai. Me kâi katipņe katnomai yakât houņe âlâ ki menomai. Me tewet-senņe hâkyeņan ki tatbuap.

<sup>5</sup> Otmu kapi wosapâ arine sâm otnomai yan mâtâwân lok orop den kâlep ki huhunomai. Inâk tâņ tâņâk kapiân arinomai.

Otmu kapi ambolipņe âlâ me âlâņe emelan dâim yâhâ katyekņetâ yan yuwu sânomai. “Anitâņe ti-hityeņe otmu yâkât wâtņan kinmâ yâhâm heroņe kakņan mannomai.”

<sup>6-7</sup> Yawu sâm ekyongoņetâ heroņe otyinginomai otmuâmâ yan tatmâ nâhât den pat âlepņe kâsikum yinginetâ nâņgâm yanâmâ bulâņe yâk yeņgâlen tetewuap.

Yâhâ kapi ambolipņane buku otyinginomai yakât nâņgâņetâ keterahâkgât den âlâen hâum yuwu sâmune nâņgâņet. Lok âlâ me âlâ nep sâm yinginetâ tuhumai yakât hâmeņe meņetâ ârândâņ otmap. Yakât otmâ kapi ambolipņane yen buku otyingim sot um yinginomai otmuâmâ kapi yan tatnomai.



Yâhâ nombotņane denyeņe nâņgâņetâ nahat otmu betyņginomai otmuâmâ yengu yawuâk betyņginomai.

<sup>8</sup> Yâhâ kapi âlâen ari den ekyongonjetâ nâņgâņetâ bulâņe otmu buku otyņginomai otmuâmâ

<sup>9</sup> yan tatmâ lohimbi kundat otnomai ya mem heņgemyongonomai. Yawu otmâ Anitâhâlen biwiyenane kepeņetâ tihityeņe otbuapgât den pat âlepņe ekyongonomai.

<sup>10</sup> Yâhâ kapi âlâen ari den ekyongonjetâ nâņgâņetâ nahat otmu betyņginomai otmuâmâ hâmbâi Anitâņe matņe umatņeâk yņgiwuap. Yakât otmâ kapiân ari lohimbi senyenjan kinmâ yuwu sâm ekyongonomai.

<sup>11</sup> “Anitâņe tihityeņe otbe sâm oap. Yamâ yeņe yâkât hâkâņ otmâ betbaņgiai. Yakât otmâ kâinenņan wahap me bokosok me yu ya horatsap yamâ tâlim gik beretek memunņe gemu betyņgim arinom.” Yawu sâm ekyongom pilâyekmâ arinjetâ towat ya ekmâ kâi katsap yawu nâņgânomai.

<sup>12</sup> Kapi ambolipņane orotmemeyeņe bâleņe ya ki betbaņgim Anitâhâlen biwiyeņe katsai ya yeņgât yuwu sâmune nâņgâņet. Sâp patoen Sotom kapi ambolipņane orotmemeyeņe bâleņe otminiwi yakât matņe menomai. Otmu yen gurâ yawuâk orotmeme bâleņe torokatmâ otmâ mansai. Yakât otmâ yeņeâmâ Sotom ambolipņane matņe menomai ya wangim matņe umatņe pato hâliliņe menomai.” Yawu sâm ekyongop.

*Lohimbi biwi kârik otmâ manbi ya Yesuņe sârekyongop.*

*(Mataio 11:20-24)*

13 Lohimbiņe orotmemeyeņe bâleņe ki pilâm Anitâhâlen biwiyeņe kepeim manbi. Yakât otmâ Yesuņe sârekyongom yuwu sâm ekyongop. “Main, Korasin otmu Besaita kapi ambolipņe yeņgât sâwe. Yeņgâlen kulem topņe topņe mem gamune ekņetâ tâjât otmap. Yamâ emelâk embâņân Tiro Siron kapi ambolipņe kulem yawu ya ekbi mâne orotmeme bâleņe otmâ gawi ya betbaņgim Anitâhâlen biwiyeņe kepeimbâi.

14 Yawu gârâmâ yeņe orotmeme bâleņe otmâ mansai ya ki pilâm Anitâhâlen biwiyeņe katsai. Yakât otmâ hâmbâi Tiro Siron kapi ambolipņe matņe umatņe menomai ya wangim yeņe umatņe amokņan menomai.

15 Otmu Kapanaum kapi ambolipņe yeņgât sâwe. Yen gurâ yeņahâlak nâņgâņetâ yahatmu hâkyeņe mepaeakmâ yuwu sâmai. “Nenâmâ emelâk Anitâņe himbingât pat kuningimu mansain’ ” Yawu sâmaiâke yamâ yuwu sâmune nâņgâņet. Yeņe orotmemeyeņe bâleņe ya ki betbaņgim Anitâhâlen biwiyeņe katsai. Yakât otmâ yeņâmâ hemgât pat mansai. Hâmbâi mâne Anitâņe yakât matņe umatņe pato hâliliņe yiņgimu menomai.” Yawu sâop.

16 Ya yeņgât yawu sâm hoņ bawalipņe yuwu sâm ekyongop. “Den ekyongoan yu nine den bia. Yu Anitâņe sâm nihiop ya ekyongoan. Yakât otmâ lohimbiņe denyeņe nâņgânomai yan yeņgât den naņgain sâm nâhât den nâņgânomai. Yâhâ lohimbiņe denyeņe nâņgâņetâ nahat otbuap yan yeņgât den nâņgâmunņe nahat oap sâm nâhât den nâņgâņetâ nahat otbuap. Otmu lohimbiņe

nâhât den nângânetâ nahat otbuap yamâ Anitâne hângânnohomu gewan yâkât den nângânetâ nahat otbuap.” Yawu sâm ekyongop.

*Lok 72 hângânyongomu ariwi yaŋe âwurem takawi.*

<sup>17</sup> Lok 72 âi sâm yingim hângânyongomu ariwi yaŋe âwurem taka otbi mewi yakât herone nângâwanŋim Yesu yuwu sâm ekuwi. “Kutdâ, kutgan gohonmâ weke bâlene watyekmunne gaiakmâ ariwi yakât nângâmune âlâ kândâkdâ oap.” Yawu sâwi.

<sup>18</sup> Sânetâ sâop. “Yeŋe ari weke bâlene watyekbi yan hâkne katmâ nângâwan. Yawu otmâ belek sâmu ekmain yakât dopneâk Satanŋe himbimâmbâ ge kumu ekban.

<sup>19</sup> Yakât otmâ yuwu sâmune nângânet. Soron hambene me sâne metne kakŋan tâlinetâ yan hilipyongomap sâm mâmâne otyingim yâhâwom. Otmu nâhât sâtgât otmâ weke bâlene me yu ya lohimbi mângâeyekmai ya sâyinginetâ yengât tem lâuyinginomial.

<sup>20</sup> Yawu gârâmâ weke bâleneŋe yengât tem lâuyinginomial yakât nângâm Anitâ mepaenomial. Yâhâ Anitâne himbimân tatmâ kutyene nângâm manman kârikŋahât pat kuyingimu tap yakât otmâ Anitâhât nângâm herone pato otbaŋginomial.” Yawu sâm ekyongop.

*Yesuŋe tep hero nângâm Anitâ mepaeop.*

*(Mataio 11:25-27 Mataio 13:16-17)*

<sup>21</sup> Yawu sâm ekyongop sâp yanâk Anitâhât Wâtgât mâmâŋahât Heakŋe biwiŋan gemu biwi hero pato nângâm Anitâ yuwu sâm mepaeop. “Awonŋ, hân himbim kândikyotgon ambone, gâhât

tep âlep pato nângâhian. Otmu lok nombotņe gâhât topge nângâne sâm nângân nângân emetņan yâhâwi. Parisaio otmu Sarukaio lok yawuya. Yawu gârâmâ nâņe gâhât den lâum manmâ gan yakât dopņeâk yâkņe lâum manmâ gai mâne ârândân otbâp. Yakât topņe nângâmaiĥât gâņe nângân nângânyeņe ki mem hewewen tuhuyiņimat. Yawu gârâmâ lok nombotņe, kutyeņe bia, belângen manmai yaņeâmâ topne nângâņetgât gâņe nângân nângânyeņe mem hewewen tuhuyiņimat. Gâņe nângâmat, yawuâk tetemap. Yakât mepaeheksan.” Yawu sâm âwâņe ekuop.

<sup>22</sup> Âwâņe yawu sâm ekum tiņ pilâm benņe lok 72 âwurem takawi ya yuwu sâm ekyongop. “Himbim amboņe tatmap yâhâmâ awoņne. Yâkņe mâmâņe otnihimu wuân me wuân otbomgât dop tap. Otmu nâņe awoņnahât topņe nângâwanġim heņgeņguan. Yawu gârâmâ lohimbi nombotņe awoņnahât topņe nângâņet sâm ekyongowom yaņe nângâwanġim heņgeņgunomai.” Yawu sâm ekyongop.

<sup>23-24</sup> Yawu sâm ekyongom katyekmu arineta hoņ bawalipņe kâiân yâhâp yuwu sâm ekyongop. “Emelâk embâņân Anitâhât poropete lok otmu lohimbi nombotņe yâkât tem lâum manbi yaņe kulem nâņe mem mansan yu ekne sâm yakât mambotmâ gam inâk muwi. Otmu yakât dopņeâk yâkņe himbingât den pat nâņe ekyongom mansan yu nângâne sâm mambotmâ gam inâk muwi. Yakât otmâ den yuwu sâmune nângâņet. Yeņeâmâ sâp yiwereņe yu nâ orowâk manmâ gam kulem topņe

topņe memune ekmâ nâhât den nâņgâm herone kakņan mansai.” Yawu sâm ekyongop.

*Lok âlâņe kasaņe ekmâ buku otbaņgiop.*

<sup>25</sup> Mosehât girem den kâsikum yingiminiopņe Yesuhâlen ariop. Ari Yesuņe den sâm hilipgumu pâi emetņan katņetâ talâkgât yuwu sâm âikuop. “Lok pato, sârâ nâņgâwe. Nâņe girawu otmune ârândâņ otmu yanâmâ Anitâņe manman kârikņahât pat kunihiwuap?”

<sup>26</sup> Sâmu sâop. “Moseņe girem den kulemguoņp ya sârâ nâņgâwe.”

<sup>27</sup> Sâmu sâop. “Anitâņe girem den âlâ Mose ekumu kulemguoņp ya yuwu tap.

“Isirae ambolipņe yen ekyongomune nâņgâņet. Nengât Kutdânenņe yamâ Anitâ ikņe konok tatmap. Nenņe yâkâlen biwi nâņgân nâņgânnenņane kepeim yâk konok mepaenom. Otmu yâkât lau konok nâņgâm tem lâuwanņim mannom. Otmu mâtâp sâm ningiop ya tâņ tâņâk watmâ yâhânom.” Yawu tap. Yâhâ den âlâmâ yuwu tap.

“Nenņahât nanņanņimunņe yahatmap yakât dopņeâk buku nombotņe yenġât nâņgâmunņe yahatbuap.” Yawu tap.”

<sup>28</sup> Sâmu sâop. “Âlepņe yat. Yawu otmâ manmâ yâhâwuot otmuâmâ Anitâņe manman kârikņahât pat kuhihwuap.” Yawu sâop.

<sup>29</sup> Yawu sâmu lok yaņe irelakmâ yuwu sâm ekuop. “Nâ bukune âlâ?”

<sup>30</sup> Yawu sâmu Yesuņe den âlâen hâum yuwu sâm ekuop. “Yura lok âlâ Yerusalem kapi pilâm Yeriko kapiângen ariop. Mâtâwân arim tatmu

kasalipņane mem tetem kum panņetâ ge iop. Ge imu senņe âlâlâņe ya kombo mewañgim pilâm ariwi. Pilâm ariņetâmâ mumbê sâm olop.

<sup>31</sup> Mumbê sâm otmu Anitâhât hotom umai ya yeņgâlen gâtņe âlâņe mâtâp yawuâk ari ekmâ lauņe butelim inâk wangim ariop.

<sup>32</sup> Otmu opon kâmbukņahât hoņ bawa âlâ, Lewi senâmbâ gâtņane mâtâp yawuâk ari mem tetem gotņan bam ekmâ biwi pâlâmņe otmâ ariop.

<sup>33</sup> Yâhâ Yura lohimbiņe Samaria lohimbi ya yeņgât nâņgâņetâ gemu betyiņgimai. Yawu otyiņgimaiâkâ yamâ Samaria gâtņe lok âlâ mâtâp yawuâk ari Yura lok ya mem teteop.

<sup>34</sup> Ekmâ tepņe nâņgâm gotņan bam hepņe piriwaņgim, marasin mem lâwâlem sâhâwaņgiop. Otmu lok ya lâum ikņe donņi kakņan katmâ mem kapiân ari lombañe emet iminiwi yan katmu tatmu omoņ konok galemguop.

<sup>35</sup> Yâhâ emet haņ sâmu ariwe sâm otmâ emet yakât amboņe tewetsenņe waņmâ yuwu sâm ekuop. “Tihitņe otmâ mandâ tewetsenņe gihian yu ekdâ ki ârândâņ otbuap otmuâmâ hâmbâi âwurem takawom yan eknohorâ âlâ gihiwom.” Yawu sâm ariop.

<sup>36</sup> Otmu yakât âihohowe. Lok kalimbu ya yeņgâlen gâtņe girawu yaņe buku otbaņgiop naņgat?”

<sup>37</sup> Sâmu sâop. “Samaria gâtņe lok yaņe tepņe nâņgâwaņgim tihitņe olop ya.”

Sâmu sâop. “Bukulipge tânyongomat dop yawuâk kasalipge tânyongowuat. Yawu.” Yawu sâm ekuop.

*Mata yet Maria*

38 Yawu sâ m ekum Yesu je hoŋ bawalipne meyekmu lohimbî katyekmâ kapi âlâen ariwi. Kapi ariwi yan imbi âlâ, kutne Mata sâ m, gariŋeit manowot. Yâkne Yesu otmu hoŋ bawalipne dâiyekmu emetyetŋan yâhâwi.

39 Yâhâ tatŋetâ gariŋe, kutne Maria sâ m, yâkne Kutdâhât gotŋan ba tatmu den kâsikum waŋop.

40 Yâhâ Mataŋe ikŋiâk sot uyiŋgimu gariŋe ki tânguop. Yakât nâŋgâm bâlewaŋgim sâop. “Kutdâ, gariŋeâmâ konam. Nâ niniâk sot uan. Yakât nâŋgâmune bâleap. Ekurâ tânnohoâkgât naŋgan.”

41 Sâmu sâop. “Mata, gâ wahap tâŋât yakât nâŋgârâ yahatsap.

42 Garihaŋeâmâ nâhât den nâŋgâwe sâ m otmu yakât nâŋgâmune âlepne oap. Yakât otmâ den âlâ ki sâwe. Pesuk yap.” Yawu sâop.

## 11

*Anitâ orop den otnom yakât topne yuwu tap.  
(Mataio 6:9-15 Mataio 7:7-11)*

<sup>1</sup> Sâp âlâen Yesu je Anitâ ulitgum talop. Ulitgum tiŋ pilâmu hoŋ bawaŋe âlâŋe gotŋan ba yuwu sâ m ekuop. “Kutdâ den âlâ ekgohowe. Yoanehât hoŋ bawalipŋe wuân me wuâŋgât sâ m Anitâ ulitgunomai yakât topne ekyongop yawuâk eknongorâ nâŋgâne.”

<sup>2</sup> Yawu sâmu yuwu sâ m ekyongop. “Anitâ yuwu sâ m ulitgunomai. “Himbim awoŋnenne, topge âlâ kândâkdâek tap. Yakât nâŋgâm mepaehekmâ mannom. Gike sâtgât otmâ aŋelolipŋe haŋmâ ârândâŋ hoŋ bahihimai yawuâk nenne gurâ tem lâuhihim mannom.

<sup>3</sup> Otmu gâñe hilâm ârândân̄ tihitnenñe otmâ dop-nenñanâk ningimat.

<sup>4</sup> Otmu lohimbi nombotñeñe mem bâlenenekmâ tai ya yeñgât nânġâm umam sâyiñgim tosayeñe pilâyiñgimain yakât dopñeâk gâñe umam sâningim tosanenñe pilâningiwuat. Otmu Satanñe kendâningimu otmunñe bâlemap sâm ulitgohoaingât mâtâp meningi.” Yeñe yawu sâm Anitâ ulitgum mannomai.” Yawu sâop.

<sup>5-6</sup> Otmu den âlâen hâum yuwu sâm ekyongop. “Omoñ derep kâmbukñan yeñgâlen gâtñe âlâ me âlâñe bukuyeñahât emet hawiñan ari kinmâ kotok kunmâ yuwu sâm ekunomai. “O bukune, sâmune nânġâ. Lomba âlâ nâhât emelan taka tap. Nâ emetnan sot ki tap. Yakât otmâ sot kâsikum nihirâ mem ari um wañmune niâk.”

<sup>7</sup> Yawu sâmu emetñanâk tatmâ yuwu sâwuap. “Girawu otmâ omoñ derep kâmbukñan mândeneneksat? Emet gahatñe emelâk manġuain. Gârâmâ yahatmâ ki mem gihiwom.” Yawu sâm ekuwuap.

<sup>8</sup> Yâhâ bukunñe emelanâk tatmâ sot ki wañbuap otmuâmâ den otmâ dewaemu yahatmâ sot ya ihilâk wañbuap.

<sup>9</sup> Yakât yuwu sâmune nânġâñet. “Yeñe wuân me wuângât nânġâm Anitâhâlen biwiyeñeñe kepeim ulitġuñetâ âlepñe nânġâyiñgiwuap.

<sup>10</sup> Otmu âlâen hâum sâwe. Yeñe buku âlâhât emelan yâhâne sâm, “Wâe tat me?” sâñetâ nânġâyiñgimu yanâmâ emet kâlehen yâhânomai. Yakât dopñeâk Anitâ ulitġuñetâ nânġâyiñgiwuap. Anitâhâlen biwiyeñeñe kepeim ulitġumai yamâ



âlepŋe nâŋgâyŋgiwuap. Otmu pâin guin otmai yamâ âlepŋe ikŋjak mâmâŋe otyiŋgimu biwiyenŋe sânduk sâwuap.

11-12 Otmu den âlâen hâum sâmune nâŋgâŋet. Yeŋgâlen gâtŋe âlâ me âlâhât nanŋaŋe po waŋgimu âwâŋe ulitgumu yan âwâŋaŋe ki nenenŋe ya waŋbuapgât dop ki tap.

13 Otmu yen nombotŋe Anitâhât topŋe ki nâŋgâm hengenŋumainŋe nan baralipyenŋe yawu otyiŋgimai. Anitâ awonŋenenŋe himbimân tatmapŋe nen ikŋjiâk ikŋjiâk topnenŋe ekmâ nâŋgâmap. Yakât otmâ lok âlâ me âlâŋe Wâtgât mâmâŋahât Heakŋe mâmâŋe otyiŋgiâkgât Anitâ ulitgunomai yan yenŋe nan baralipyenŋe otyiŋgimai ya wangim tâŋ tâŋâk yiŋgiwuap. Yawu sâm ekyongop.

*Yesuŋe Anitâhât wâtŋan kinmâ weke bâlenŋe watyehop.*

*(Mataio 12:22-30 Mareko 3:20-27)*

14 Weke bâlenŋe lok âlâ mâŋgâemu launŋe maŋguakmu den biaek manmâ gaop. Otmu Yesuŋe weke bâlenŋe ya watmu gaiakmâ arimu launŋe hâreakmu den olop. Yawu otmu lohimbî yan kinbiŋe ekŋetâ sâtŋe olop.

15 Yawu gârâmâ Parisaio lok nombotŋaŋe ekmâ Yesu nâŋgâm bâlewaŋgim yuwu sâwi. “Yâkât topŋeâmâ yuwu. Yâhâmâ weke bâlenŋe mâmâŋe otbaŋgiap. Yakât otmâ ya yeŋgât patoyenŋe, kutŋe Besewulu sâm, kutŋe âlâmâ Satan yâkât wâtŋan kinmâ watyekmap.” Yawu sâwi.

16 Yâhâ Yesuŋe otmâ hilipgumu mem pâi emetŋan katŋetâ talâkgât nombotŋaŋeâmâ topyenŋe kurihiakmâ yuwu sâwi. “Anitâŋe

nângâhiihimap otmuâmâ sârâ kulem âlâ himbimâmbâ tetemu ekmâ topge nângânom.”

17 Yawu sânetâ Yesuje biwiyenahât topje ekmâ nângâm yuwu sâm ekyongop. “Yeje nângâm tâpikguai. Yakât otmâ den âlâen hâum yuwu sâmune nângânet. Lok komot konohâk mansaije yahatmâ ahom hionjakmâ tiok taok otnomai yamâ kutyeje biatbuap. Yâhâ kapi âlâ konohâk tat-mainje yegahâk yahatmâ ahom hionjaknomai yamâ kâwurumyeneâk kinbuap.

18 Yakât den âlâ torokatmâ sâwe. “Besewulune mâmâne otnihimu weke bâleje watyekmune gaiakmâ arimai,” yawu sâmai. Yawu gârâmâ Satangât komotyegahâk ahom hionjaknomai yamâ den ekyongoan yuwuâk tetemu Satangât kutje biatbâp.

19-20 Nâmâ Anitâhât wâtņan kinmâ weke bâleje watyekmâ yan amboyeje Satan ya mem ge katasan. Yakât otmâ âlâku yu torokatmâ sâwe. Yeje imbiâk nâhâtņe Satangât wâtņan kinmâ weke bâleje watyeksap yawu nângâmai. Yakât nâne yuwu sâm purik pilâmune nângânet. Yeje âlâhât wâtņan kinmâ weke bâleje watyekesai? Yeje “Anitâhât wâtņan kinsain” yawu sâmai. Girawu otmuâmâ nâhât yawuâk ki nângâmai? Yeje nâhât nângâm tâpikgumai, yawu nanņan. Yawu gârâmâ Anitâne tihityeje otmâ wawaeyekmâ nâ hângânnohomu ge âi yu mem mansan.”

21 Otmu torokatmâ yuwu sâmune nângânet. Nine topne teteâkgât den âlâen hâum yuwu sâmune nângânet. Lok âlâne hâmbâne mem hanğalakmâ tembe talam lâuakmâ yâhâm gem senje âlâlâne

galemgumu âilongo tatbanjimap.

<sup>22</sup> Yawu gârâmâ kasaŋe lok sâtŋe kârikŋaŋe taka kum itit kiom bâleŋe tuhuwaŋgiwuap otmuâmâ yâkât tembe talam, kapamgât senŋe âlâlâ, iri sikum, ya kerek mewaŋgim ariwuap. Yakât dopŋeâk nâŋe weke bâleŋe amboyeŋe, Satan, mem ge katbom.

<sup>23</sup> Yakât otmâ yuwu sâmunne nâŋgâŋet. Lok buku ki otnihimaiŋeâmâ kasa otnihimai. Yâhâ lok âlâ me âlâŋe ki tânnohomaiŋeâmâ mâtâp maŋgunihimai dop yawu otmap. Yawu.”

*Weke bâleŋaŋe weke bâleŋe nombotŋe dâiyekmu lok mângâeyekmai.*

*(Mataio 12:43-45)*

<sup>24</sup> Yesuŋe den âlâ yuwu sâm ekyongop. “Nâŋe yeŋgât topyeŋe yu sâm pitiŋgum heŋgeŋgumune nâŋgâŋet. Yeŋe yuwu nâŋgâm tâpikgumai. “Nenŋahâk kuwihakmâ manman âilongo manmâ yâhânom.” Yen yawu nâŋgâm tâpikguai yakât otmâ den âlâen hâum yuwu sâwe. Weke bâleŋaŋe lok âlâ mângâemap ya gaiakmâ emet sondaŋângen ariwuap. Otmu lok ondopgâlen karakmâ mem bâlewe sâm yakât pâinmâ manbuap. Pâinmu biatmu yuwu nâŋgâwuap. “O, emelâk lok âlâ mem mângâeminiwan. Gârâmâ lok yamâ ninahâk gaiakmâ tohowan. Yawu gârâmâ âlâkuâk âwurem ari lok yâkâlenâk karakbom.”

<sup>25</sup> Yawu sâm âwurem ari ekmâ yuwu sâwuap. “Bâe, lok yuâmâ heŋgemahom mansap. Nâhât wâtne tipie. Yakât otmâ weke bâleŋe nombotŋe wâtyeŋe pato tap ya ari meyekbom. Ari meyekmune taka orowâk lok yu mângâenom.” Yawu sâop.

26 Yawu sâ m ari weke bâleŋe bāt nombotgen yâhâp ya meyekmu taka lok angoân hâhiwin kakŋan manop yamâ witgum mângâeŋetâ umatŋe dondâ tetewaŋgimu manbuap. Yakât otmâ yuwu sâ mune nâŋgâŋet. Yeŋe yeŋahâk heŋgemahom man-nomaihât dop âlâ ki tap.” Yawu sâop.

27 Yesuŋe den yawu sâ m ekyongomu nâŋgâŋetâ lohimbi hohetyeŋan imbi âlâ kinop yaŋe yuwu sâ m ekuop. “Den eknongoat ya nâŋgâ mune ewe membe oap. Yakât otmâ âi mem mansat ya mâmâhaŋe ekmâ gâhât tepŋe herone nâŋgâhihim mepaehekmâ mansap yawu nangan.”

28 Sâmu sâop. “Âlepŋe yat yamâ Anitâhât den nâŋgâŋetâ bulâŋe otmu lâum manmai yaŋeâmâ herone kakŋan mannomai.” Yawu sâop.

*Yesuŋe kulem âlâ tuhuâkgât Parisaione ekuwi.  
(Mataio 12:38-42 Mareko 8:12)*

29 Yesuŋe kulem âlâ tuhumu eknehât nâŋgâ m lohimbi kiŋgitŋe orowâkŋe Yesuhâlen ari mem hawam mewam tuhuwi. Yawu otŋetâ yuwu sâ m ekyongop. “Yeŋe yuwu otŋetâ ekmune bâlemap. Yeŋe biwi yâhâp otmâ kulem witgumâk memune eknehât nâŋgâmai. Yâhâ nâmâ kulem konohâk memune eknomai. Yuwu sâ mune nâŋgâŋet.

30-32 Angoân poropete âlâ, kutŋe Yona sâ m, yâkâlen kulem âlâ tetemu Niniwe kapi ambolipŋaŋe ekbi. Yakât dopŋeâk nâhâlen kulem âlâ tetemu eknomai. Yakât den âlâ sâwe. Angoânâmâ lok âlâ, kutŋe Solomon sâ m, Dawiti nanŋe, ya nâŋgân nâŋgânŋe pato tatbaŋgiop. Otmu yâkât kut patŋe ya emelâk sâ m haŋ tuhunetâ arimu imbi pato âlâ kapi kâlepŋehen manopŋe

nângâop. Nângâm yanâmâ ekbe sâmbâ tohop. Yakât sâmbâ nêngânet. Solomongât nêngân nêngân pato tatbangiop. Yawu gârâmâ nâmâ Solomongât kunje mansan. Otmu nâje kapi kâlepnehen ki mansan. Hohetyen manmâ den kâsikum yingim mansan. Yamâ yeneâmâ nâhât den nêngânetâ nahat otmap. Yakât otmâ mem ge katnekne sâmbâ oai. Yakât otmâ hâmbâi sâmbâ patoen imbi pato yeneâmâ lok senyen jahatmâ kinmâ yene nâhât den kum mansai yengât topyene sâmbâ tetemu anjaknomai. Yawu otjetâ Anitâje yakât matje âlaku ikneak ikneak yingiwuap.

*Sennenje yamâ lambehât lajinje yakât dop oap.  
(Mataio 5:15 Mataio 6:22-23)*

<sup>33</sup> Yesuje den âlâen hâum yuwu sâmbâ ekyongop. “Nenje emet kâlehen tatmâ lambe saum tunjunan ki katmain. Gârâmâ helenân gâitmunje kinmâ sem lajinje pilâmu ekmâ gem yâhâmain.

<sup>34</sup> Senyenje yamâ lambe lajinje yakât dop oap. Senyenje âlepne tatmu yanâmâ ekmâ gem yâhâmai. Yâhâ senyenje bok sâmbâ yuwu yanâmâ mâtâp tâpikgum hewukjan kionomai.

<sup>35</sup> Yakât otmâ yuwu sâmbâ nêngânet. Biwiyenjan Anitâhât lajinjanje pilâmap ya bok sâmbâgât biwi nêngân nêngânyene galemahom manman âlepneak manmâ yâhânomai.

<sup>36</sup> Yawu manmâ yâhânomai yanâmâ lambeje sem lajinje pilâmu emet biwine hanj sâmbâ ekmâ tatmai yakât dop otbuap.

*Parisaionje otminiwi yawu ki otmâ mannom.  
(Mataio 23:1-36 Mareko 12:38-40 Luka 20:45-47)*

37 Den yawu sâṁ tiṅ pilâmu Parisaio âlâṅe Yesu dâim emetṅan yâhâop. Yan yâhâ Parisaio otmu Mosehât girem den kâsikum yingiminiwi yâk orop sot newi.

38 Yawu gârâmâ angoân Yesuṅe bâṭṅe ki piriâhop. Sot ya inâk mem nemu ekṅetâ sâtṅe otmu pârâk pilâwi.

39 Pârâk pilâṅetâ Yesuṅe yuwu sâṁ ekyongop. “Parisaio yengât topyēṅe teteâkgât den âlâen hâum yuwu sâṁune nâṅgâṅet. Imbi âlâṅe amanṅ mem hâkṅeâk pirimu biwiṅan sot wahapṅe yawuâk tatbuap. Yakât dopṅeâk yeṅe bukulipyēṅaṅe yekṅetâ yahalâkgât hâkyēṅeâk piriakmai. Yawu gârâmâ manman bâleṅe, me orotmemeyēṅe kiṅgoṅ ya biwiyēṅaṅe nâṅgâmai. Yawu nâṅgâṅetâ yaṅe mem bâleṅe tuhuyekmap.

40 Yengât topyēṅe yawu tap yamâ ki eṅakmâ nanṅaṅgimai. Anitâṅe lohimbi kândikyotgop yan hâkyetṅe biwiyetṅe yâhâp yâhâp ya katyitgiop.

41 Yakât otmâ angoân yeṅe biwi nâṅgân nâṅgânyēṅe ya sâṁ pitiaknomai. Yawu otnomai yanâmâ hâkgât wahap wuân me wuângât nâṅgâṅetâ tâṅât otbuap. Yâhâ yawu ki otnomai yamâ yiwerēṅe umatṅe teteyiṅim gap yu wangim umatṅe pato teteyiṅiwuap.

42 Parisaio yeṅeâmâ nâṅgâm tâpikgumai. Yeṅeâmâ wahap tâṅât, hote, gitâk, wahap yawuya mem ketetmâ bâlâk ṅerek osetyēṅan konok ya mem Anitâhât pat kuwaṅgimai. Yâhâ Anitâhât den ekyongomu kuleṅguwi yamâ loṅgâemai. Loṅgâem yan yuwu otmâ mansai. Lohimbi yengât den sâṁ hâreyiṅimai yan Anitâṅe nâṅgâmu ârândâṅ olâkgât ki nâṅgâmai. Yawu otmâ den tâṅ

tânjâk ki sâm hâreyiŋimai. Otmu buku nombotŋe yeŋgât weyeŋe ki nâŋgâm tânyongomai. Yakât otmâ hâmbâi Anitâŋe matŋe umatŋe yiŋgiwuap.

<sup>43</sup> Yeŋe miti emetŋan yâhâ lohimbi senyenŋan ewanâk tatnehât nâŋgâmai. Otmu lohimbi hawamyongom tatmaiŋe nenekŋetâ yahatmu mepaenenekŋetgât nâŋgâmai. Yawu otmâ manŋetâ ya ekmune bâleap.

<sup>44</sup> Parisaio yeŋgât topyeŋe teteâkgât den âlâen hâum yuwu sâwe. Emelâk lok muŋetâ hanyongowi ya yeŋgât sum kakŋambâ ki nâŋgâmâk bam gamai.” Yawu sâm ekyongop.

<sup>45</sup> Yawu sâm ekyongomu Mosehât girem den kâsikum yiŋgiminiwi hohetyeŋan gâtŋe lok âlâŋe yuwu sâm ekuop. “Bawapi, gâŋe Parisaio lok den sâyiŋgiat yaŋe nen gurâ yawuâk meneneksap.”

<sup>46</sup> Sâmû sâop. “Nenŋe yeŋgât amutgen manmâ yu ya otnehât den undipŋe topŋe topŋe sâm ningimai. Yamâ yeŋeâmâ denyeŋe ya ki lâum watmai. Den sâm ningiŋetâ umatŋe kakŋan manmain. Yawu manmunŋe biwinenŋe mem huruŋ pilâninginehât ki tânnongomai. Yakât otmâ Anitâŋe matŋe umatŋe yiŋgimu menomai.

<sup>47</sup> Yeŋeâmâ yuwu sâmâi. “Poropete lok mum gawi ya yeŋgât sumân awu tawu kâmetmunŋe baŋbaŋ sâm sekŋe âlepŋe otmâ imap.” Yawu sâmâi. Yamâ yeŋgât tâmbâlipyenŋe poropete lok ya yonŋetâ muwi.

<sup>48</sup> Yakât yuwu sâmune nâŋgâŋet. Tâmbâlipyenŋe poropete yonŋetâ muwi ya yeŋgât sumân yeŋe awu tawu kâmetmâ galemgumai. Yawu otmâ yongowi yakât nâŋgâŋetâ ârândâŋ oap yawu yeksan.

49 Otmu pepa âlâ, kutnje “Anitâhât nângân nângânje” sâm, yan den âlâ yuwu kulemguwi tap. “Honj bawalipne nombotnje âi sâm yingimune yengâlen taka Anitâhât topnje kâsikum yingim mannomai. Yamâ yeje nâhât den pat bialâkgât nombotnje mem âlâlâ tuhuyeknomai. Yâhâ nombotnje âlâmâ yongonjetâ munomai.” Den yawu tap.

50 Yakât yuwu sâwe. Emelâk Anitâne iknje poropete hângânyongomu denje lâum manmâ gawi ya gurâ yawuâk tâmbâlipyenaje nângâm bâleyingim yongom mem ge katyekbi. Yakât huhopnje ya yeje menomai. Yakât topnje nângânjetâ keterahâkgât yuwu sâwe.

51 Embânân topnje katmâ tâmbâyeje lok âlâ, kutnje Awe sâm, ya atanaje kumu muop. Otmu poropete âlâ, kutnje Sekaraia, yamâ opon kâmbuknan yâhâ hotom um bam gam kinmu yanâk kujetâ muop. Yawu gârâmâ Awe kumu muop yapâek manmâ gam poropete kerek yongonjetâ muwi yakât huhopnje ya yeje menomaiâk.

52 Mosehât girem den kâsikum ningimai yejeâmâ Anitâhât den kurihinetâ tap. Yejeâmâ Anitâhât hâkâj otmâ yâkât den nângâm hâum pâpgumai. Yawu otmâ lohimbi nombotnaje yâkât den nângâm tem lâuwanjine sâm otmai ya yengât mâtâp manguyingimai. Yawu otmai yakât nângâmune bâleap. Yakât otmâ umatnje topnje topnje teteyingiwuap.” Yawu sâm ekyongop.

53 Yawu sâm ekyongom emelambâ gem ar-iop. Sâp yakât kaknan Parisaio otmu Mosehât girem den kâsikum yingiminiwiñe Yesuhât nângâm bâlewanjine sâm ge katbi.



<sup>54</sup> Otmu den sâm hilipgumu nângâm den âiân katne sâm yu yakât âi pâi tuhum gawi.

## 12

*Nimbilam yâhâp ki otnom.*

*(Mataio 10:26-27)*

<sup>1</sup> Otmu lohimbî kinġitġe orowâkġe Yesuhât den nângâne sâm taka pân sâwi. Taka pân sâm Yesu hoġ bawalipġe mem awawi guwawi tuhuyekbi. Yawu otmâ kinġetâ Yesuġe hoġ bawalipġe yuwu sâm ekyongop. “Parisaio yâk yengât matuk keluġaġe mem bâleyekmapgât galem oraġim mannomai. Parisaio yamâ nimbilamyenġe yâhâp otmâ topyenġe kurihiakmâ manmai.

<sup>2</sup> Yakât otmâ ya yengât den âlâ yuwu sâmune nângâġet. Tihângen wahap yu me ya otmâ gai. Ya ki tik tatbuap. Hâmbâi tetekġan tetemu eknom. Yâhâ yu me ya otmâ kurihiakmai. Ya gurâ tetekġan tetemu eknom.

<sup>3</sup> Yakât otmâ yuwu sâmune nângâġet. Yenâmâ nâ orowâk manmain. Yawu gârâmâ den nombotġe nenniâk tatmâ ekyongoman ya hâmbâi yenġe lohimbî ekyongonġetâ nângânomai.

*Anitâġe wawaeneneksap.*

*(Mataio 10:28-31)*

<sup>4</sup> Yesuġe torokatmâ yuwu sâm ekyongop. “Lok senyenġan kinmâ den ekyongonġetâ nângâġetâ nahat otmu yen nombotġe yongonġetâ munomai. Yongonomai yamâ umut biwiyenġe ki hilipgunomai. Lok topnenġe yawu tap. Yakât otmâ ya yengât ki kinġityenġahât otnomai.

<sup>5</sup> Yâhâ Anitâhât topņeâmâ âlâ tap. Hâmbâi mâne yâkņe konok umut biwiyenę hilipguwuapgât dop tap. Yakât otmâ yenę yâkât den konok lâum man-nomai.

<sup>6</sup> Otmu yakât âlâ sâwe. Anitâhât den lâum manmain nen haonmâ ârândân yâkņe tihitnenņe otmap yakât topņe nâņgâņetâ keterahâkgât den âlâen hâum yuwu sâmune nâņgâņet. Gironę gironę ekmain yamâ nâi tâņât. Yamâ ki galemgumain. Yawu gârâmâ gironę gironę âlâ mumbuap yakât topņe himbim amboņanę emet inânņan nâņgâmu tap.

<sup>7</sup> Yawu gârâmâ nenâmâ gironę gironę yakât dop bia. Nenâmâ Anitâ ikņe kundenņe towat man-main. Yawu otmâ Anitâņe topnenņe kerehâk nanęap. Somotnenņe tipi tapi yakât topņe gurâ nâņgâmu tawâk. Yâkņe tihitnenņe otmap. Yakât nâņgâm biwi yâhâp ki otmâ manmâ yâhânom.

*Topnenņe ki kurihiakmâ Yesu betbaņginom.  
(Mataio 10:19-20,32-33 Mataio 12:32)*

<sup>8</sup> Lohimbi âlâ me âlâņe “Yesuhâlen biwinanę kepeim tem lâuwanęim mansan,” yawu sâm lohimbi ekyongonomai yâhâmâ hâmbâi nâ lok bulâņanę himbim awonņahât anelolipņe yengât senyenęan kinmâ topyenę sâm tetemune Anitâņe manman kârikņan katyekbuap.

<sup>9</sup> Yâhâ lohimbi âlâ me âlâņe “Nâ Yesu ki nâņgâwanęian,” yawu sânomai otmuâmâ nâku lok bulâņe himbim awonņahât anelolipņe yengât senyenęan kinmâ “Nâ ki nâņgâyinęian,” yawu sâwom. Lohimbi yawu otmai yanę matņe umatņe menomai. Yawu.

10 Yakât otmâ den âlâ torokatmâ yuwu sâwe. Anitâne âi sâh nihim hângânnohomu gewan. Yawu gârâmâ lok âlâ me âlâne nâhât nângânetâ tânjât otbuap. Me nâhât nângânetâ giâkgât lohimbî kendâyînginomai. Orotmeme yawuya ki witgum mannomai otmuâmâ ya yengât tosa yamâ Anitâne pilâyîngiwuapgât dop tap. Otmu torokatmâ sâwe. Lok âlâ me âlâne Anitâhât Wâtgât mâmânahât Heakne yu me ya otbuap ya ekmâmâ yuwu mon sâwuap. “Bâe, âi yukât amboñe yamâ Satan.” Yawu sâh yan âi ya ekmâ Satangâlen gâtibuap. Yawu otmâ yâhânomai ya yengât Anitâne pilâyîngiwuapgât dop âlâ ki tap. Lok yawuyane tosa pato menomai.

11 Otmu den âlâ sâhune nângânet. Yeñe galem tiñâk oranjim mannomai. Kasalipyeñe nâhât den pat âlepñe nângânetâ nahat otmu yen meyekmâ miti emetñan me kiap yengâlen ari den âiân katyekmâ âi pâi tuhuyeknomai. Yawu otyîngînetâ “Den mâtâpñe girawu watmâ sâh ekyongomunñe nângânetâ keterakyîngiwuap,” yawu nângâm ki gorâyîngiwuap.

12 Sâp yanâmâ Awonñenñe ikñe Wâtgât mâmânahât Heak hângângumu ge den âlâlâ nângân nângânyenñan katmu nâhât den pat âlepñe sâh kusânâm ekyongonomai.

*Senñe âlâlâ yakât nângâmunñe yahatbuap.*

13 Lohimbî kinbî ya yengât hohetyenambâ lok âlâne Yesu yuwu sâh ekuop. “Lok pato, sâhune nângâ. Awonñetñahât bânñe bâñe ya atanañe ikñiâk mem alitmâ mansap. Yawu gârâmâ gâñe ekurâ nombotñe hionmâ nihiâkgât nanñan.”

14 Sâmu sâop. “Nâje yet galemyotgom manbehât lok kunnênjañe ki sâm nihiop. Yakât otmâ imbiâk nâhâlen ga den ya eknohoat.

15 Yakât otmâ yuwu sâmune nângâñet. Senje âlâlâ me iri sikum ya Anitâñe biwinênjahât ki sâm katningiop. Yamâ hâknênjahât sâm kalop. Yawuhât bukulipnenje iri sikumyene orop manmai ya yekmâ tep bâle ki nângâyinjinom.”

16 Yawu sâm den âlâen hâum yuwu sâop. “Lok kutdâ âlâhât kalamân siwit kehetje pato teteop.

17 Yawu otmu biwiñane yuwu nângâop. “Siwit kehetje pato tap yu mem emet girawuân katmune tatbuap?

18 Yuwu otbom mon? Emet tipiñe siwit kehetje katman ya kândonmâ pato tuhum yan siwit kehetje katmune tatbuap.

19 Katmune tatmu yanâmâ hop sambe kakñan manmâ herone marone nângâm manmâ yâhâwom.”

20 Yawu sâmu Anitâñe yuwu sâm ekuop. “Gâ kopa. Omonđâñe mumbuat. Yakât otmâ iri sikumge wawaerâ tatgihimap ya lok âlâñe membuap.” Yawu sâop.

21 Yâhâ den ekyongoan yukât topñe yuwu tap. Lohimbiñe iri sikumyenjahât tepyene umatñe otmâ mansai ya yengât Anitâñe nângâmu bâlemap. Yakât otmâ muñetâ pesuk sâmap.” Yawu sâop.

*Anitâñe tihitnenje otmap. Yakât otmâ ki gorâningiwuap.*

*(Mataio 6:25-34)*

22-23 Yawu sâm lohimbi ekyongom benje hon bawalipñe yuwu sâm ekyongop. Senje âlâlâ me iri

sikumyenje yakât ki nângânetâ yahatbuap. Man-manyenjahât bulâne yamâ umut biwiyenje. Yâhâ yengât manman yamâ Anitâne emelâk senje âlâlâ lâtâkuyingimu manmai. Yakât otmâ yuwu ki nângânomai. “Nenne sot wosapâ ba mem tetenom? Me iri sikum me âlâlâ ya girawu mem tetem manmâ yâhânom.” Yawu ki sâmbiwi yâhâp otmâ gorâ kakjan mannomai.

<sup>24</sup> Yawu gârâmâ den âlâen hâum yuwu sâmune nângânet. Kembâ ekmain. Yâhâmâ âi kalam ki tuhum hâhiwin nângâmai. Yamâ himbim ambonaje haonmâ ârândân sot yingimap. Yenâmâ nâihât dop ki mansai. Yenâmâ lok. Otmu yen gurâ yawuâk Anitâne haonmâ ârândân tânyongom gamap.

<sup>25-26</sup> Yawu gârâmâ yenhâhât girawu mannom sâmbi yakât ki nângâm kiwiliŋ otnomai. Yenje wâtyenan torokatmâ manmâ yâhânomaihât dop âlâ ki tap. Yawu otnomai yan hâum pâpgunomai.

Yakât topne yuwu sâmune nângânet.

<sup>27</sup> Hahop ekmain. Hahop yamâ titi pan pan pilâmu ekmunne âilonŋo lonŋo otmap. Yâhâ emelâk lok kutdâ âlâ, kutne Solomon sâmbi, yâkne hâk katipne kulem melem mânunjakmâ manop. Yaje hahop surine sekne âlepne tetemap yakât dopne ki miop.

<sup>28</sup> Yâhâ hahop surine ekmunne âilonŋo otmap. Yawu gârâmâ iknahâk ki yahatmâ titi pan pan otmâ kuririŋ sâmbi kinmap. Anitâne nângâopgât yawu kinmap. Yiwereneâmâ tetem âilonŋo kinbuap. Yâhâ pek sâwuap yanâmâ hânân ge tâtuk sâwuap. Yenâmâ hahopgât dop ki mansai. Yenâmâ lok. Yakât otmâ biwiyenje yuwu ki nângânomai.

“Anitâñe pâlâmñe otmâ ki tihitnenñe otmâp.”  
Yawu ki nâñgâm mannomai.

<sup>29</sup> Yakât yuwu sâmunne nâñgâñet. Bulâñanâk Anitâñe haonmâ ârândâñ tihitnenñe otmâ yâhâwuap. Yakât biwi yâhâp ki otnomai.

<sup>30</sup> Yawu gârâmâ lok nombotñe Anitâhât topñe ki nâñgâmaine sâñgum me iri sikum me senñe âlâlâ yakât nâñgâñetâ yahatmap. Yawu otñetâ ki ârândâñ otmâp. Yakât otmâ otmaian yeñe ki torokatnomai.

<sup>31</sup> Yeñeâmâ lohimbi nombotñe Anitâhâlen biwiyeñe kepeñet sâñ yâkât den ekyongonñetâ nâñgânomai. Yawu otmâ manñetâ himbim awonnenñe topyeñe nâñgâmapñe dopyeñan yingimu ki umburuk mannomai.

*Bukulipnenñe tânyongonom.*  
*(Mataio 6:19-21)*

<sup>32</sup> Yakât otmâ yâkâlen biwiyeñe kepeim ki gorâyingimu mannomai. Awonnenñe Anitâñe heronñe nâñgâyingim tihityeñe otmâ yâhâmbisâp. Yawu otmâ hâmbâi mâne manman kârikñan mem katyekmu manmâ yâhâmbisâi.

<sup>33</sup> Yakât otmâ senñe âlâlâ tatyingiap yamâ mem buku nombotñe ki tatyingiap ya kâsikum tânyongonomai. Yawu otñetâmâ Anitâñe yekmu ârândâñ otbuap. Otmu himbimân mannomaihât pat kuyingiop yakât bulâñe yingimu menomai. Otmu himbimân manman sânduhân mannomai yan talañe ki kumbuap, me selonñe ki hârewuap, me ki bumbunguwuap, me kombo ki otnomai.

34 Yawuhât Anitâhâlen biwi nângân nângânyenaje kepeim manjetâ ârândân otbuap.” Yawu sâm ekyongop.

*Yesunje âwurem gewuap sâp ya ki nanğain.*

35-36 Yesunje den âlâ yuwu sâm ekyongop. “Yen biwi golâ otmâ mannomaihât den âlâen hâum sâmune nângânet. Hoŋ bawalipne yengât lok kutdâyenaje kapi kâlepnehembâ âwurem taka emet hawiŋan kinmâ kotok kunmu nângâm in yawu gahatne mewanğinomai. Yakât otmâ lambeyene saum katjetâ sem tatmu mambotbanğinomai.

37 Yawu otmâ mambotbanğim tatnomai yanâmâ âwurem taka mem teteyekmâ herone nângâyinğiwuap. Herone nângâyinğim itâne kâpekma katmu tatmu sot um yinğiwuap.

38 Yâhâ omoŋ derepŋan kapi ambolipne kerekne aman pâlâmne inomai yanâmâ âwurem takawuap. Taka hoŋ bawalipne sen golâ otmâ mambotbanğim tatjetâ mem teteyekbuap otmuâmâ buku otyinğiwuap. Buku otyinğimu yâkne herone nângâwanğinomai.

39 Yen biwi golâ otmâ mannomaihât den âlâen hâum sâmune nângânet. Kapi âlâ me âlâhât kasalipyenaje sâp girawuân taka yongom itit kiom tuhuyinğinomai yakât ki ekyongomai. Inâk pârâk sân sânak takamaihât kapi ambolipnaje sen galem manmâ emet kapiyene galemgunomai.

40 Yakât dopneâk Anitâne hânğânnohomu âwurem gewom yakât sâp yene ki nanğai. Yakât otmâ biwi golâ manmâ mambotnihim yâhânomai. Yawu otnomai otmuâmâ âwurem gemune nekmâ herone nângânomai.” Yawu sâm ekyongop.

*Hoŋ bawa âlepŋe bâleŋe yâk yetgât topyetŋe  
(Mataio 24:45-51)*

<sup>41</sup> Yesuŋe yawu sâŋ ekyongomu Petoroŋe yuwu sâŋ âikuop. “Kutdâ den âlâen hâum eknongoat yu nengâlâk yat me lok kerek nengât yat?”

<sup>42</sup> Yawu sâŋ âikumu Yesuŋe purik pilâwaŋgim den âlâen hâum yuwu sâŋ ekuop. “Lok kutdâ âlâŋe kapiŋe pilâm kapi kâlepŋehen ari kandi manmâ âwurem takawuap. Yaken ariwe sâŋ yan hoŋ bawaŋe âlâ galem sâŋ katmâ yuwu sâŋ ekuwuap. “Arimuneâmâ gâŋe nep lok nombotŋe galemyongowuat.” Yawu sâŋ ekum pilâyekmâ arimu galem yaŋe âi ya biwiŋaŋe mem galemyongomu âiloŋgo mannomai.

<sup>43</sup> Yawu otmâ galemyongowuap otmuâmâ patoŋaŋe âwurem taka heroŋe otbaŋgiwuap.

<sup>44</sup> Yawu otbaŋgim galem pato katmu ikŋe senŋe âlâlâŋe yakât galem otbuap.

<sup>45</sup> Yâhâ purik pilâm sâŋmune nâŋgâŋet. Hoŋ bawa yaŋe biwiŋaŋe yuwu nâŋgâm âi ya hilipguwuap. “O, lok kutdâne arap yuâmâ in yawu ki takawuap. Yamâ sâp kâlep manbuap yakâ. Yakât otmâ wongât nâŋe âi yu membom?” Yawu sâŋ biwiŋaŋe pâlâmŋe otmu ki galemyongom heŋgeŋguwuap. Yawu manmâ to kârikŋe nem biwi hâlim otmu umatŋe topŋe topŋe teteyiŋgiwuap. Yawu otmâ lok bâleŋe yeŋgâlen torokatmâ ki orotŋe otmâ manbuap.

<sup>46</sup> Yawu otmâ biwiŋaŋe pâlâmŋe otmu manbuap yan patoŋaŋe pârâk sâŋ sâŋâk taka kuk otmâ kum yaehen pilâmu ge hâhiwin nâŋgâm yâhâmbisâp.

<sup>47</sup> Yakât topŋe yuwu sâŋmune nâŋgâŋet. Lohimbi nombotŋaŋe nâhât den nâŋgâm heŋgeŋgunomai



yanâmâ yakât nângâjetâ gemu betbanjinomai. Yawu otnomai yakât matnje Anitânje matnje amokņan yingimu menomai.

48 Yâhâ lohimbi nombotnje âlâņeâmâ nâhât den nângâm pâpgumai yaņe otņetâ bâlemap yâhâmâ Anitânje matnje kakņeâk yingimu menomai. Yakât otmu yuwu sâmune nângâ. Lok âlâ me âlâ âi sâm yingimune ya tuhum henņenņunomai ya yengât nângâmune ârândâņ otbuap. Yâhâ lok âlâ me âlâ âi pato sâm yingimune ya biwiyenāņe tiņâk lâum tuhunomai ya yengât gurâ yawuâk nângâmune ârândâņ otbuap.” Yawu sâm ekuop.

*Yesuņe giop yakât lohimbi hionakmâ mansai.  
(Mataio 10:34-36)*

49 Yesuņe den âlâ yuwu sâm ekyongop. “Anitânje lohimbi yengât biwiyenâhât topņe nângâm kâsipyongom matnje âlâku ikņiâk ikņiâk yingimu menomai yakât hângânnohomu gewan. Yâhâ matnje yingimu meņetâ pesuk sâmbâp.

50 Otmu umatnje âlâ tetenihimu hâhiwin nângâwom ya tetenihim pesuk sâekgât nanņan.

51 Otmu den âlâ yuwu sâmune nângâjet. Nâhât yuwu ki sânomai. “Nâhâit yamâ buku konok otnehât himbimâmbâ giop.” Yawu ki sânomai. Nâņe hânân gewan yakât yen hionaknomai. Hionakmâ yuwu oraņginomai.

52 Lohimbi nanņe baratnje mome manmaine hionakmâ komot yâhâp otnomai. Komot âlâhât yâhâp, âlâhârâmâ kalimbu yawu otnomai.

53 Âwâ nan me mâmâ barat kuk oraņgim hionaknomai. Otmu iranņe iranņe ya gurâ yawuâk kuk oraņgim hionaknomai.” Yawu sâm ekyongop.

*Yesuŋe kulem âlâlâ tuhuop yakât topŋe hâum pâpŋuwi.*

*(Mataio 16:2-3 Mareko 8:11-13)*

<sup>54</sup> Yesuŋe hoŋ bawalipŋe yawu sâŋ ekyongomâmâ benŋe lohimbi kinbi ya yuwu sâŋ ekyongop. “Op surumbup memuâmâ yuwu sâmai. “Gelâk gewe sâŋ oap”. Sâŋetâ yawu otmap.

<sup>55</sup> Otmu elem tok sâwe sâŋ otmuâmâ yuwu sâmai “Sikop kumbe sâŋ oap.” Sâŋetâ yawu otmap.

<sup>56</sup> Yen lok perâkŋe. Yeŋe elem kulewoŋboŋ yakât topŋe ekmâ nâŋgâm heŋgeŋguai. Yâhâ nâŋe kulem âlâlâ memune eksai yakât topŋeâmâ girawuhât ki ekmâ nâŋgâm heŋgeŋguai?

<sup>57</sup> Wongât eŋgatyeneâk otmâ orotmeme âlepŋe me bâleŋe ya ki ekmâ kiwilim mansai? Yen lok perâkŋe yakâ.”

*Den sâŋ tetem kaok naŋgaŋginom.*

*(Mataio 5:25-26)*

<sup>58</sup> Bukulipyenŋe âlâ me âlâŋe kuk otyiŋgim den âiân katyekne sâŋ dâiyekmâ kiapgâlen arinomai. Yamâ mâtâwânâk ari sâŋ tetem kaok naŋgaŋginomai. Yâhâ yawu ki otnomai yamâ kiapgâlen ari den sâŋ tetenetâ yâkŋe mem pâi emetŋan katyekbuap. Pâi emetŋan katyekmu tatmâ yeŋe ombeyenŋeâk yaihen ki genomai.

<sup>59</sup> Kiapŋe pâi emetŋan tatnomai sâŋ sâp katyiŋgiwuap ya pesuk sâmu yanâmâ genomai.” Yawu sâŋ ekyongop.

## 13

*Anitâhâlen biwinenŋaŋe kepeim mannom.*

<sup>1</sup> Yawu sâmb ekyongop sâp yanâk lok nombotņaje Yesuhâlen ari den pat yuwu sâmb ekuwi. “Galilaia ambolipņaje noniņ bulimakao gâim Anitâhât hotom uwi sâp yan kiap âlâ, kutņe Pilato sâmb, yâkņe tembe lâulipņe hângânyongomu Galilaia ambolipņe yongonjetâ hepyeņe gemu noniņ bulimakao hepņe orop oset guset olop.”

<sup>2</sup> Yawu sâmb ekuņetâ yuwu sâmb ekyongop. “Pilatoņe tembe lâulipņe hângânyongomu yawu yongowi yakât yuwu mon sâmbai. “Muwi yeņgât tosa bâleņe yaņeâmâ Galilaia lok ondop yeņgât tosa ya wangim amokņan miap.”

<sup>3</sup> Yawu ki tap. Yawu gârâmâ yeņe orotmemeyeņe bâleņe ki pilâm Anitâhât den lâunomai otmuâmâ yawuâk matņe yiņgimu menomai. Otmu yakât den âlâ torokatmâ sâmbune nâņgâņet.

<sup>4</sup> Yerusalem kapi ambolipņe kâi nombotgen kalimbu Siloam hem topņan kinņetâ kândun kum ge kurihiyehop ya yeņgât yuwu ki sâmbomai. “Tosayeņe bâleņe yaņeâmâ Yerusalem kapi ambolipņe nombotņe yeņgât tosayeņe wangiop. Yakât otmâ hân ya kândun kum ge kurihiyekmu muwi.” Yawu ki tap.

<sup>5</sup> Yakât otmâ âlâku sâmbune nâņgâņet. Yeņe orotmemeyeņe bâleņe ki pilâm Anitâhâlen biwiyeņaje kepeinomai otmuâmâ yengu yawuâk hiliwahonomai.”

<sup>6</sup> Den ya sâmb tiņ pilâm den âlâen hâum yuwu sâmb ekyongop. “Lok âlâņe koset âlâ kalop. Koset ya pato otmâ bulâņe kinbuapņgât sâpņe tetemu taka amboņaje bulâņe hâuwe sâmb ekmu bia olop.

<sup>7</sup> Yakât otmâ kalam galemņe yuwu sâmb ekuop. “Bulâņe hâuwe sâmb ekmune biatmu yu yambu

kalimbu oap. Yakât otmâ koset ya kârâm pilârâ ge iâk.” Yawu sâop.

<sup>8</sup> Sâmu sâop. “Lok pato, pilârâmâ yambu yu inâk kinâk. Hâmbâi topņe lawitmâ pitimunņe yanâmâ bulâņe kinbuap.

<sup>9</sup> Yâhâ ki kinbuap otmuâmâ kârâm pilâmune ge imbuap.” Yawu.”

*Tatmâ nâņgâ nâņgâ sâpņan Yesuņe imbi âlâ heņgeņguop.*

<sup>10</sup> Tatmâ nâņgâ nâņgâ sâp âlâen Yesuņe opon kâmbukņan yâhâm den kâsikum yingiop.

<sup>11</sup> Den kâsikum yingiop sâp yan imbi âlâ talop yamâ weke bâleņane mângâemu kun kândâtņe konok otmâ pareņe manmâ gamu yambuņe kâi nombotgen kalimbu pesuk sâop.

<sup>12</sup> Yesuņe imbi ya ekmâ kunņan mem yuwu sâm ekuop. “Imbi, yiwereņeâk âlepņe otbuat.”

<sup>13</sup> Yawu sâm kunņan mem kuwihakmâ tâņ tâņâk kinmâ Anitâ mepaeop.

<sup>14</sup> Yâhâ Yesuņe tatmâ nâņgâ nâņgâ sâpņan imbi ya heņgeņguop gârâmâ miti emetņahât galemņane galemņane nâņgâmu bâlemu lohimbi yuwu sâm ekyongop. “Nep tuhu tuhuhât sâpņe yamâ hilâm nombolân konok tap yan takañetâ heņgemyongombâpgât dop. Yawu gârâmâ tatmâ nâņgâ nâņgâ sâpņan imbi heņgeņguap yu ekmune dondâ bâleap. Ya ki orotņe.”

<sup>15</sup> Yawu sâmu Yesuņe purik pilâwanjim yuwu sâop. “Bâe, yen lok perâkņe. Tatmâ nâņgâ nâņgâ sâpņe ârândâņ yeņe dongi bulimakaoyeņe pekeâmbâ holaņyekmâ dâim ari to yinginomaihât

dop tap. Yawu gârâmâ dongi me bulimakao umu-tyeje bia yakât nângâmune tâñât otmap.

<sup>16</sup> Yâhâ imbi yuâmâ Awarahamgât senâmbâ gâtñe. Yawu gârâmâ Satangât weke bâleñe mângâemu pareje otmâ manmâ gap. Nâñe tatmâ nângâ nângâ sâpñan heñgenjgumune ki bâleap.”

<sup>17</sup> Yawu sâm ekyongomu sâm ge katbiñe nângâm añulakbi. Yâhâ lohimbi inñeñe Yesuñe olop miop ya ekmâ herone otbañgiminiwi.

### *Bândup yakât topñe*

*(Mataio 13:31-33 Mareko 4:30-32)*

<sup>18</sup> Yesuñe yuwu sâm ekyongop. “Anitâhâlen biwiyenñe kepeim manñetâ tihityeñe otmap yakât topñe teteâkgât wuân denân hâum sâmune nângâñetâ keterakbuap?

<sup>19</sup> Yuân hâum sâmune nângâñet. “Nak âlâ kutñe bândup yamâ lok âlâñe kehetñe âlâ mem ari kalamñan kalop. Katmu tatmu kâmñe ga takam yañak yâhâm kâlep pato otmu nâi wosapâ wosapâ taka awatñe kun kunñan kerem tatmai.” Yawu sâop.

### *Matuk keluñe yakât topñe*

<sup>20</sup> Otmu torokatmâ yuwu sâm ekyongop. “Lok komotñe komotñe wosapâ wosapâ mansaiñe biwiyenñe nâhâlen katmâ tem lâunihñetgât yeñe ari nâhât den pat âlepñe ekyongonomai.

<sup>21</sup> Yakât topñe teteâkgât den âlâen hâum sâmune nângâñet. Imbi âlâñe dâmbia golañguwuap. Golañgumâmâ matuk mendâremu keluñe gemu dâmbia orop menduhumu ukenñe bâleñe otbuap. Dop yawu.” Yawu sâop.

*Himbimgât mâtâpņe yamâ gâwik gâwikņe  
(Mataio 7:13-14,21-23)*

<sup>22</sup> Yerusalem kapi pato yakât mâtâp arap ya hâlâņmâ kapi tipi tapi tap. Kapi yan ari Yesuņe Anitâhât den lohimbi kâsikum yingiop.

<sup>23</sup> Yawu otmu lok âlâņe yuwu sâm Yesu âikuop. “Lok pato, yuwu sâm âihohowe. Lok getek âlâ himbimân yâhânomai me girawu?”

<sup>24</sup> Sâmu sâop. “Himbimgât mâtâp yamâ gâwik gâwikņe. Yakât otmâ yapâ lohimbi sambeņe arine sâmamâ hâmbiņ gumbiņ otmâ hâum pâpgunomai. Yakât otmâ yeņe mâtâp ya tâņ tâņâk watmâ arinomai. Yakât yuwu sâmune nâņgâņet.

<sup>25</sup> Nâ mâtâp amboņe. Yakât otmâ mâtâp maņguyiņgimune lok dondâhâlâkņe arine sâm hâum pâpgum amutgen kinmâ yuwu sânomai. “Lok pato, nâņgâningirâ gane.”

Sâņetâ sâwom. “Nâ ki nâņgâyiņgian. Yen wonân?”

<sup>26</sup> Yawu sâm âiyongomune yuwu sâm eknohonomai. “Gâņe kapinennan taka tatmâ den kâsikum ningirâ orowâk tatmâ sot newin.”

<sup>27</sup> Sâņetâ sâwom. “Yen wonân? Nâ ki nâņgâyiņgian. Yeņe orotmeme bâleņe otmai. Yakât otmâ ariņet.” Yawu sâwom.

<sup>28</sup> Yâhâ hâmbâi mâne Anitâņe yen mem ketetyekbuap. Yawu otmâ Awaraham, Isaka, Yakop, otmu Anitâhât poropeteliņņe tatmâ sot nem heroņe otbaņginomai ya yekmâ yeņe tep bâle nâņgânomai. Yawu otmâ hâhiwin nâņgâm hu halak tuhumbisâi.

<sup>29</sup> Yakât otmâ yuwu sâmune nâņgâņet. Sâp yanâmâ lok topņe topņe, emetsenņe ga takamap yakembâ otmu purik sâmap yakembâ, otmu

torehen torehen kingitne orowâkne taka menduhuakmâ nem herone otjetâ Anitâne tihityene otbuap.

<sup>30</sup> Yâhâ lohimbi nombotņane yenahâlâk nângânetâ yahatmap yane Anitâ orop ki tatnomai. Yâhâ nombotņane yenahât nângânetâ gemu hurun hurun manmai yamâ Anitâne meyekmu ikņan torokatnomai.

*Yesune Herotgât sâop.  
(Mataio 23:37-39)*

<sup>31</sup> Sâp yanâk Parisaio lok nombotņane ari yuwu sâm Yesu ekuwi. “Herotne gohowe sâm oap. Yakât otmâ kapi yu pilâm âlâengen ari.”

<sup>32</sup> Sânetâ sâop. “Sâp yuâmâ weke bâlene watyekmâ mansan. Otmu kundat otmâ mansai ya heņgemyongom mansan. Yâhâ hândâhân yuwuâk otbom. Yâhâ halihu nep sâm nihiop ya tuhum pesuk pilâwom.” Den ekyongoan yu Herot, lok perâkne ya, ekunomai.

<sup>33</sup> Nâne yuwu sâmune nângânet. Anitâhât poropetelipņane ikņahât den sâminiwi ya kerek Yerusalem kapi ambolipņane yongonetâ muwi. Yakât otmâ âun hândâhân âi tuhuwom. Gârâmâ halihuâmâ Yerusalem kapiân ari âi tuhum pesuk pilâwom.”

*Yesune Yerusalem kapi ambolipņe yengât topņe nângâop.*

<sup>34</sup> Yawu sâm ekyongom Yerusalem kapi ambolipņe yengât tepņe nângâm yuwu sâop. “Bâe, Yerusalem kapi ambolipņe yengât topņe yuwu tap. Yengâlen âi meņetgât Anitâne ikņe hon bawalipņe hâņgânyongomu takanjetâ yongom mem

ge katyekmai. Yakât otmâ den âlâen hâum yuwu sâwe. Pâi mâmânjaŋe kurâk sâm nanlipŋe dâiyekmâ kuratyongomu tatmai. Yakât dopŋeâk men-duhuyekmune nâhât hikinani manŋetgât sâman. Yamâ yeŋe nâhât hâkâŋ otmâ mansai.

<sup>35</sup> Yawuhât Anitâŋe betyongomu kasalipyenjaŋe taka yongom watyekŋetâ kapi yu kâwurumŋanjak kinbuap. Yakât otmâ nâŋe pilâyekmâ ariwom. Benŋe sâp âlâen âwurem takamune nekmâ yuwu sâm eknohonomai. “Anitâ Kutdânennjaŋe tihit-nenŋe otbe sâm mat hâŋgâŋohomu takat. Yakât otmâ biwinennjaŋe heronŋe pato nanŋain.” Yawu sâm eknohonomai.” Yesuŋe yawu sâop.

## 14

*Tatmâ nânŋâ nânŋâ sâpŋan lok âlâ bitâp tete-waŋgiop ya Yesuŋe walipgumu orok sâop.*

<sup>1</sup> Tatmâ nânŋâ nânŋâ sâp âlâen Parisaio yengât kunyenjaŋe bukulpŋe nombotŋe Yesu orop dâiyekmu emetŋan yâhâ tatmâ sot newi. Nem tatbi yan Yesuŋe otmâ hilipguwuap me bia yakât Parisaionŋe ekmâ tatbi.

<sup>2</sup> Ekmâ tatŋetâ lok âlâ bitâp pato tetewaŋgiopŋe Yesu ekbe sâm yâhâop.

<sup>3</sup> Yâhâmu Yesuŋe ekmâmâ Mosehât girem den kâsikum yinŋiminiwi otmu Parisaio ya yuwu sâm âiyongop. “Tatmâ nânŋâ nânŋâ sâpŋan âi ki tuhunomgât Moseŋe girem den âlâ kulemguop. Yawu gârâmâ tatmâ nânŋâ nânŋâ sâpŋan lohimbî heŋgemyongowomgât dop tap me bia? Sâŋetâ nânŋâwe.”



<sup>4</sup> Yawu sâmbâ âiyongomu biwiyenje umatne otmu olotonâk tatbi. Olotonâk tatnetâ Yesunje lok ya bitâpnan walipgumu orok sâmbâ emelambâ kionmâ ariop.

<sup>5</sup> Arimuâmâ emelan tatbi ya Yesunje yuwu sâmbâ ekyongop. “Tatmâ nângâ nângâ sâpnan naom âlâ me bulimakao âlâ lâmbân kionmu ya pilânetâmâ lâmbânâk tatbuap me mem dâinetâ gawuap?”

<sup>6</sup> Yawu sâmbâ âiyongomu yawuâk olotonâk tatbi.

*Hâknenne ki mepaeaknom.*

<sup>7</sup> Yâhâ emet yakât biwinan Parisaio nombotnane yenhât nângânetâ yahatmu kou sennan yâhâ tatbi ya yekmâ den âlâen hâum yuwu sâmbâ ekyongop.

<sup>8</sup> “Bukuyenje âlâne yen orowâk tatmâ sot um nenom sâmbâ dâiyekmu emetnan yâhâ kou sennanâk tatne yawu ki nângânomai.

<sup>9</sup> Yâhâ lok papato nombotne yen orowâk dâiyekbuap yâkne kou sennanâk tatnomaihât nângâwuap. Yawu gârâmâ yene kulet sâyingim kou sennan tatnomai yan lok papato takanjetâmâ emet ambonane yen yuwu mon sâmbâ ekyongowuap. “Wa, bukulpne, yuâmâ yengât kawe bia, keteraknet.” Yawu sâmbâ ekyongomu anjakmahât angoân yâhâmâmâ kou topnan tatnomai.

<sup>10</sup> Yawu tatnetâ emet ambonane kundup mem kou sennan lingatbuap. Lingatmâ “gam yâhâ tatnet” sâmbâ ekyongomu yanâmâ yâhâ tatnomai. Yawu otnetâ yanâmâ bukulpnyenane nângâyinjinetâ âilongo otbuap.

<sup>11</sup> Yakât topne yuwu sâmbâ nângânet. Lok âlâ me âlâne yenhât nângânetâ gewuap ya yengât Anitâne nângâmu yahatbuap.”

12 Yawu sâ m ekyongom emet amboņe ya yuwu sâ m ekuop. “Kapi ambolipņe orop heroņe otmâ sot um nenom sâ m imi atalipge, me wârâ toulipge, me hep torehenlipge, me bukulipge, me lok iri sikumyene orop mansai ya ki dâiyekmâ garâ sot nenomai. Yâhâ lok yawuya dâiyekmâ garâ sot nenomai otmuâmâ hâmbâi yakât matņe sâ m dâihekņetâ yâk orop sot neņetâ pesuk sâwuap.

13 Yakât otmâ yuwu sâ mune nâņgâ. Gâņe heroņe otmâ sot um lok dâiyekbuat otmuâmâ lok tâņât, kopa, pareņe, senyene bok sâsâņe yawuya dâiyekbuat.

14 Lok yawuya dâiyekmâ bâ t belaiâk sot um yinğirâ nem heroņe otnomai. Yawu gârâmâ hâmbâi Anitâņe lohimbi mumuņambâ mem yahatnenekbuap yan ikrak yakât matņe ghihiwuap. Yakât otmâ biwihanę heroņe nâņgâwuat.” Yawu sâop.

*Himbimân heroņe otnomgât sâop.  
(Mataio 22:1-10)*

15 Yawu sâ m ekumu nem tatbi ya yengâlen gâtņe âlâņe den ya nâņgâmâmâ yuwu sâ m ekuop. “Anitâņe himbimân mannomgât pat kuningimu mansain. Yakât otmâ sâp patoen Anitâhât kapiân tatmâ sot nem heroņe otnom yakât nâņgâmune tepne heroņe oap.”

16 Yawu sâ m ekumu den âlâen hâum yuwu sâ m ekuop. “Lok kutdâ âlâņe bukulipņe orowâk heroņe otmâ sot um nenomai yakât sâp kalop.

17 Yâhâ sâpņe otmu yan soņgo bau me sot kâlê topņe topņe um hâwurumu eņ âtâmun kinop. Ya ekmu ârândâņ otmu hoņ bawa âlâ hâņgâņgumu

ari yâkât bukulipņe yuwu sâm ekyongop. “Songo bau sot kâle yamâ emelâk umunņe siap. Yakât otmâ gaņetâ heronņe otmâ nenom,” yawu yap” sâm ekyongop. Ekyongomu hâkâņ otbi.

<sup>18</sup> Lok aņgoân ekuop yaņe yuwu sâop. “Nâmâ hân puluhuan ya ekbe sâm ariwom. Yakât otmâ lok kutdâ ya ekurâ ki nâņgânihimu bâlewuap.” Yawu sâop.

<sup>19</sup> Yâhâ âlâņeâmâ yuwu sâop. “Bulimakao bâlâk ñerek puluhumune kapi kâlepņehen tap ya ari meyekmâ takawom. Yakât otmâ lok kutdâ ya ekurâ ki nâņgânihimu bâlewuap.” Yawu sâop.

<sup>20</sup> Yâhâ âlâņeâmâ yuwu sâop. “Yiwereņeâk imbi mian. Yakât otmâ ki gawom?” Yawu sâop.

<sup>21</sup> Yawu sâņetâ hoņ bawa yaņe âwurem ari lok kutdâņe den sâwi ya ekumu nâņgâmu bâleop. Nâņgâmu bâlemu hoņ bawaņe ya yuwu sâm ekuop. “In yawu ari mâtâp kunņan kinmâ lok umburuk, me lok pareņe, me ândâpyeņe bok sâsâņe, me senyeņe bok sâsâņe, lok yawuya yuken yaken arine sâm oai ya ekyongorâ taka sot yu neņet.” Yawu sâm ekum hâņgâņgumu ari mem teteyekmâ ekyongomu taka emetņan yâhâ tatbi. Yâhâ tatņetâ hoņ bawaņe yaņe yâkâlen yâhâ yuwu sâm ekuop.

<sup>22</sup> “Lok kutdâņe, den yat ya oan. Otmu emelan yâhâ tai yamâ ki pik yai. Yakât otmâ girawu naņgat?”

<sup>23</sup> Sâmu sâop. “Yakât otmâ âlâku ari lohimbi kewilâyekņetâ mansai ya mem teteyekmâ ekyongorâ takanomai. Takaņetâ yanâmâ emetne pik sâwuap.

24 Yâhâ bukulipne angoân ekyongoat yamâ nâhâlen ki takanomai.” Yawu sâop.” Yesuŋe yawu sâm ekuop.

*Manmannenŋe ki alitmâ manmâ yâhânom.*  
(Mataio 10:37-38)

25 Lohimbi kiŋgitŋe orowâkŋe Yesu betŋan arinjetâ purik sâm yawu sâm ekyongop.

26 “Lok âlâ me âlâŋe nâhâlen torokatmâ orowâk mannom yawu nângânomai otmuâmâ âwâ mâmâlipyeŋe, me imbi naomlipyeŋe, me imi atalipyenŋe, me wârâ toulipyenŋe betyiŋginomai. Otmu yeŋe manmanyenŋe ki alitnomai.

27 Otmu lok âlâ me âlâŋe nâhât den lâum âi tuhunjetâ bukulipyenŋe nângâm bâleyiŋgim hilipyongone sâm otnomai yanâmâ hâkyenŋe alitmâ betnihinomai. Lok yawuya nâhât pat ki otnomai.

28 Yakât nângâŋetâ keterahâkgât den âlâen hâum yawu sâmune nângâŋet. Lok âlâ me âlâŋe emet tuhune sâm angoân tewetsenŋe amon yaŋe senŋe âlâlâ puluhum emet ya tuhunomai yakât nângânomai.

29 Gârâmâ yawu ki otnomai otmuâmâ emet ya mem kânângâŋetâ tewetsenŋe biatmu pânjan pilânomai. Yawu otnomai yanâmâ lohimbine emet ya torehenŋeâk kinmu ekmâ yakât den pat alahu gulahu otmâ senyenŋan gem giriŋyiŋgim yawu sânomai.

30 “Lok yuŋeâmâ saran kânângâŋetâ giop yamâ tewetsenŋe biatmu pânjan pilâŋetâ inâk tap.” Yawu sânomai.

<sup>31</sup> Yâhâ den âlâen hâum yuwu sâmunen nângânet. Lok kutdâ âlâ me âlâne kasalipyene orop ahonomai yanâmâ in yawu yâk yengâlen ki surutuk sâm arinomai. Yamâ angoân biwiyenane yuwu nângânomai. “Nen yu getek âlâ, lok 10,000 yawu mansain. Yâhâ kasalipnenne endaken lok kinjitne orowâk, 20,000 yawu mansai. Yakât otmâ nenne yongonomgât dop ki otbuap.”

<sup>32</sup> Yenahât yawu nângânomai otmuâmâ ki kundutmâ arinomai. Angoân kasalipyene orop buku konok manne sâm hon bawalipyene hângânyongonetâ ari mem lohotne tuhuyeknomai.

<sup>33</sup> Yakât otmâ yuwu sâmunen nângânet. Yengâlen gâtne âlâ me âlâne senne âlâlâyene me iri sikumyene kerehâk pilâm nâhâlen torokatnomai otmuâmâ nângâyinimune orowâk mannom.

*Kâtembe yakât dop  
(Mataio 5:13 Mareko 9:50)*

<sup>34</sup> Yengât topyene teteâkgât den âlâen hâum sâmunen nângânet. Kâtembe ihim solân honmâ sot ya nemunne launenjan memap. Yakât dopneâk yenâmâ lohimbi hohetyenjan manmâ manman âilonjo mannetâ yekmâ Anitâ herone nângâwanjim mepaenomai.

<sup>35</sup> Yâhâ kâtembe helenân ki hikum ikainom yanâmâ pâlâmne otbuap. Yawu otmu girawu tuhumunne âlâkuâk ukenne otbuap? Yamâ ki orotne. Pâlâmne sâm lâum pilâmain. Den yuâmâ biwiyenanâk katmâ manmâ yâhânomai.” Yawu sâop.

# 15

*Lama âlâ gulip otbanjimu ki pilâwuap yan hâum sâop.*

*(Mataio 18:12-14)*

<sup>1</sup> Sâp âlâen takesi meme lokŋe yeŋahât nâŋgâŋetâ yahatmu lohimbî kâityongom takesi mem yahatmâ kombo meyingiminiwi yâk otmu lok nombotŋe ândâp kârik otmâ Mosehât girem den ki lâum manminiwi ya dondâhâlâkŋe Yesuhât den nâŋgâne sâm yâkâlen ariwi.

<sup>2</sup> Ariŋetâ yan Mosehât girem den kâsikum yingiminiwi otmu Parisaio lok yâkŋe nâŋgâŋetâ bâlemu Yesuhât yuwu sâwi. “Yesuŋe takesi meme lok otmu lok nombotŋe Mosehât girem den ki lâumai ya meyekmu orowâk sot niai. Yawu otmu dondâ bâleap.”

<sup>3</sup> Yawu sâŋetâ nâŋgâm Yesuŋe den âlâen hâum yuwu sâm ekyongop.

<sup>4</sup> Lok âlâhât lama 100 yawu kinbanjiwuap. Gârâmâ ya yeŋgât hohetyeŋambâ konok âlâŋe misinjurakbuap. Yawu otmu ambonaŋe nombotŋe ya katyekmu kinŋetâ konok misinjurakbuap ya pâinmâ yâhâm gewuap. Yawu otmâ nombotŋe katyekmu kinnomai ya yeŋgât ki nâŋgâm ketet otbuap.

<sup>5-6</sup> Yâhâ misinjurakbuap ya mem tetem yanâmâ tepŋe welâmŋan gemu lâum kapiân âwurem ariwuap. Kapiân âwurem ari bukulipŋe yongonmâ yuwu sâm ekyongowuap. “Lama misinjurahop ya mem tetean. Yâkât otmâ sot um nem heronŋe otne.” Yawu sâwuap.

<sup>7</sup> Yakât dop kum yuwu sâmunne nângânet. Lok 99, yâkne yuwu nângâmai. “Nen lok âlepne, orotmemenenne âilonjo otmâ mansain.” Yawu nângâm biwi pâlâmne mansai. Lok yawuya yengât Anitâne herone pato ki nângâyngimap. Gârâmâ, lok konohâkne orotmeme ne bâlene bet pilâm Anitâhâlen biwiñane kepeim tem lâuwanngiwuap yanâmâ Anitâne herone pato nângâwanngiwuap. Yawu.”

*Tewetsen ne kionbanngimu pâinbuap yan hâum sâop.*

<sup>8</sup> Yâhâ Anitâne lohimbi meyekmâ tihityene otmap yakât topne nângânetâ keterahâkgât den âlâen hâum sâmunne nângânet. Imbi âlâ kina yâhâp yakât dop tatbanngiwuap. Yâhâ 20 toea kionbanngimuâmâ ki pilâwuap.

<sup>9</sup> Yakât pâinmâ arim mem tetem yanâmâ bukulpne yongonmâ yuwu sâm ekyongowuap. “Wâe, tewetsen ne kionnihiop ya mem tetean. Yakât otmâ herone otne.” Yawu sâwuap.

<sup>10</sup> Yakât yuwu sâmunne nângânet. Lok konohâkne orotmeme ne bâlene bet pilâm Anitâhâlen biwiñane kepeim tem lâuwanngiwuap yanâmâ himbimân Anitâhât anelolipñane lok yakât herone nângâwannginomai.”

*Lok âlâ nanñane iri sikum mem gulip tuhuop yan hâum sâop.*

<sup>11</sup> Yesune den âlâen hâum yuwu sâm ekyongop. “Lok âlâ nanyâhâtne yâhâp manbi.

<sup>12</sup> Mannetâ nanne betñan gâtñane âwâne yuwu sâm ekuop. “Awoñ, senne âlâlâ nâhât sâsâne ya nihirâ miakbe.” Yawu sâmu senne âlâlâ yâkât sâsâne ya kâsikum wañmu miop.

13 Yawu otmu nanŋe ya nep tuhum getek manmâ, senŋe âlâlâ ya puluhum yakât hâmeŋe tewetsenŋe miakmâ mâtâp kâlewângen ariop. Ari heŋ otmâ ihilâk mahilâk manmâ tewetsenŋe miakmâ ariop ya kerek pilâm metem umburuk manop.

14-16 Umburuk manop yan po pato teteop. Po pato tetemu naom yaŋe sotgât pâinmâ kapi amboŋe âlâhâlen arimu bau galemguwuap sâm âi waŋop. Bau galemgum kinop yan po dondâ waŋgimu bau yakât sot wahapŋe mem nembe sâm otmu kuwaŋgiwi.

17 Yawu otbaŋgiŋetâ nâŋgân nâŋgânŋe tetemu yuwu nâŋgâop. “Awoŋnahât nep loklipŋaŋe sot pato nem mansai. Nâ nanŋe tâŋ tâŋ yamâ yuân manmâ sotgât otmâ hiliwahowoman.

18 Yakât otmâ yahatmâ awoŋnahâlen âwurem ari yuwu sâm ekuwom. “Awoŋ, otmune bâleop yakât tosa Anitâhâlen otmu gâhâlen umatŋe oap.

19 Yakât otmâ aŋulaksan. Yawu gârâmâ nâŋgânihim nep lok sâm menekdâmâ hoŋ bahihim manbom.” Yawu sâm ekuwom.” Yawu nâŋgâop.

20 Yawu nâŋgâm yahatmâ kapi ya pilâm akŋangen takamu âwâŋaŋe senŋe pilâm ehop. Ekmâ tepŋe nâŋgâm sururuk sâm ari nanŋe lâum hâmeŋe hârem niop.

21 Yawu otmu nanŋaŋe yuwu sâm ekuop. “Awoŋ, otmune bâleop yakât tosa gâhâlen otmu Anitâhâlen umatŋe oap. Yawu otmâ aŋun pato gihiwan. Otmu nâhurâ aŋulaksan.”

22-24 Yawu sâm ekumu âwâŋaŋe hoŋ bawalipŋe yuwu sâm ekyongop. “Nanne emelâk betnohom ariop ya âwurem takap. Yâhâ “emelâk muop



mon,” yawu nângâm manmâ gaman. Yamâ âwurem takamu ekmâ tepne hâlâlâk welâmñan giap. Yakât otmâ in yawu ba hâk katipñe âñe mem ga mânunñanñet. Yawu otmâ handop âlâ mem barahanñan katñet. Otmu kâi katipñe katbanñet. Nenñe heronñe otbanñinomgât bulimakao nanñe gâim unjetâ siâk.” Yawu sâm ekyongomu bulimakao nanñe gâim unjetâ semu nem heronñe otbanñiwi.

25-26 Heronñe otbanñjetâ yan nanñe kunñe yañe newângembâ taka kapi ginñan kinmâ heronñe maronñe girin get get otmâ kinbi ya nângâm hon bawa âlâ kunmu gamu yuwu sâm âikuop. “Wongât heronñe otmâ tai?”

27 Sâmû sâop. “Imihe ari gulip olop ya âwurem takap. Yakât otmâ âwâyetñane eknongomu bulimakao nanñe ya kum gâim umunñe siap.” Yawu sâop.

28 Yawu sâm ekumu nângâm âwâñahât nângâm bâlewangim kapi betñehen kinop. Yâhâ hon bawa yañe âwâñe ekumu âwâñane ba kinmâ “Nan, ga,” sâm ekuop.

29 Ekumu hâkân otmâ yuwu sâop. “Nangat. Nâñe tem lâuhihim âi mem manmâ gamune yambu dondâ pesuk yap. Yawu otgihiman yamâ gâñe ki heronñe otnihimat. Otmu nonin nanñe âlâ ki nihirâ bukulpne orop um nem heronñe otmain.

30 Yawu gârâmâ nanganñe senñe âlâlâ hârok gâwârehihim ari imbi kondarâ orop manmâ tewet-senñe pilâm meteop. Yâkñe âun âwurem takamu hon bawalipge ekyongorâ bulimakao nanñe kum

gâim unjetâ semu nem herone otbangiai. Yakât nângâmune dondâ bâleap.”

<sup>31</sup> Yawu sâmu âwânaŋe yuwu sâm ekuop. “Nanne, gâŋe nâ orop sâp kâlep manmâ gamat. Otmu senŋe âlâlâ tatnihiap ya gâhât pat sâm kuhimune tap.

<sup>32</sup> Yawu gârâmâ imihe “emelâk muop mon,” yawu nângâm manmâ gan ya âwurem takap. Yakât otmâ herone otbangimunŋe ârândâŋ oap.” Yawu sâop.

## 16

*Galemŋe senŋe âlâlâ mem ihilâk tuhuop yan hâum sâop.*

<sup>1</sup> Yesuŋe hoŋ bawalipŋe den âlâen hâum yuwu sâm ekyongop. “Lok kutdâ iri sikumŋe tewetsenŋe otmu âlâlâ ya pato dondâ tatbangiop. Yakât otmâ lok âlâ mem galemgunihiâkgât sâm âi waŋop. Yawu gârâmâ lok yaŋe lok kutdâŋahât tewetsenŋe mem gulip tuhuop. Yawu otmu lok kutdâ yakât hoŋ bawalipŋe nombotŋaŋe yakât den pat yuwu sâm ekuwi. “Lok âlâ galem sâm âi waŋon yâkŋe senŋe âlâlâ mem ihilâk tuhuhihiap.”

<sup>2</sup> Yawu sâm ekuŋetâ lok kutdâyeŋe yaŋe lok ya yuwu sâm ekuop. “Gâŋe nâhât tewetsenŋe mem gulip tuhunihiat” yawu sâŋetâ nanŋan. Yakât otmâ galem âlâku ki katgebom. Yakât otmâ puluhu puluhu pepa ya mem garâ senŋe âlâlâ tatnihiap yakât topŋe mem tetewom.”

<sup>3</sup> “Yawu sâm hângângumu ari biwiŋaŋe yuwu nângâop. “Lok kutdâne watnekbomap. Yakât otmâ giratbe? Wâtne pato ki tatnihiap. Yakât otmâ

âi umatŋe tuhuwomgât dop âlâ ki tap. Otmu senŋe âlâlâ gewe yâhâwe yakât lok bât kandi bero manbom sâm yakât anulaksan.

<sup>4</sup> Yiwerenŋe nânŋâmune teteap. Bukulipne yengât tosa pato lok kutdânahâlen tap ya mem gemune heronŋe nânŋânihinomai. Yawu nânŋânihim lok kutdânaŋe watnekuap yanâmâ menekŋetâ orowâk mannom.” Biwiŋaŋe yawu nânŋâop.

<sup>5</sup> Yawu nânŋâm bukulipŋe yengât tosa pato lok kutdânahâlen talop yâk âlâku ikŋiâk ikŋiâk mem dâiyehop. Yâhâ anŋoân gaop ya yuwu sâm âikuop. “Gâhât tosa lok kutdânahâlen amon tap?”

<sup>6</sup> Sâmu sâop. “Nak bulânahât tonŋe ya âsâp 100.” Sâmu sâop. “Âlepŋe toсахâhât pepa yu mem 50 ya kulemgu.”

<sup>7</sup> Yawu sâm ekumu arimu lok âlâ gamu yuwu sâm âikuop. “Lok kutdânahâlen tosa amon tap?”

Sâmu sâop. “Siwit kehetŋe ya itâ 1000.”

Sâmu sâop. “Tosahahât pepa yu mem 800 ya kulemgu.”

<sup>8</sup> Yawu ekyongop yakât den pat nânŋâm lok kutdânaŋe galemŋe yakât nânŋân nânŋânŋe pato tatbaŋgiap nânŋâm heronŋe pato nânŋâwanŋiop. Wongât? Yuwuhât. Anitâhât den ki lâumai nombotŋaŋe iri sikumyeŋe galemgum manman sânduhân manmai yakât nânŋân nânŋânyeŋe pato tap. Yuwu otmâ Anitâhât den lâumai ya yengât nânŋân nânŋânyeŋe ya wangiap.

<sup>9</sup> Yakât otmâ yuwu sâmune nânŋânet. Yeŋe Anitâhât tem lâuwangim iri sikum, me tewet-senŋe, senŋe âlâlâ ya galemgum hengenŋum lohimbi yu me yakât umburuk oai ya kâsikum yinŋim

tânyongonomai. Buku otyingim manmâ yâhânetâ hâmbâi sâp pesuk sâwuawân Anitâne manman kârikjan katyekmâ yakât hâmenje yingimu menomai. Yawu.”

*Âi tânet me ai pato yakât topne.*

<sup>10</sup> Yesune den yuwu sâm ekyongop. “Lok âlâ me âlâne ai tânet biwiyenane tinâk lâum tuhum manmaineâmâ ai pato yawuâk biwiyenane lâum tuhum henjenunomai. Yâhâ lok âlâ me âlâne ai tânet tuhum hilipgumaineâmâ yakât dopneâk ai pato tuhum hilipgunomai.

<sup>11</sup> Yakât otmâ yene tewetsenene me hângât wahap topne topne yawuya ki galemgum henjenunomai otmuâmâ hâmbâi Anitâne manman bulâne ki yingiwuap.

<sup>12</sup> Yâhâ bukulipylene yengât senene âlâlâ hilipgunomai otmuâmâ Anitâne yengât pat kuyingiop ya hâmbâi ki yingimu menomai.

<sup>13</sup> Yakât nângânetâ keterahâkgât den âlâen hâum yuwu sâmune nângânet. “Lok konokne lok kutdâ yâhâp yetgât ai menduhum ki tuhuyitgiwuap. Âlâhât biwinane kepeim herone kakjan tuhuwangiwuap. Yâhâ âlâhârâmâ hâkân kakjan nep ya ki tuhum henjenguwuap. Yakât topne yuwu sâwe. Hângât manman me iri sikum yan biwiyene arimu manmaine girawu otmâ Anitâ tem lâuwangim mannomai? Yamâ ki orotne.” Yawu sâop.

*Yesune Parisaio den ekyongop.*

14 Yesuŋe yawu sâŋ ekyongomu Parisaio nombotŋe iri sikumyeŋe alilakmâ manbiŋe nâŋgâŋetâ gemu senŋan gewi.

15 Senŋan geŋetâ yuwu sâŋ ekyongop. “Lohimbine yekŋetâ yahatmu koko salehâk mansai yawu sâŋetgât yeŋe lohimbi senyerŋan kinmâ Anitâhât den lâuain sâŋ otmai. Yamâ Anitâŋeâmâ yengât biwiyenahât topŋe nanŋap. Yu ya otmâ manmai ya lohimbine ekŋetâ âlepŋe otmap yamâ Anitâŋe ekmu bâlemap.”

16 “Den âlâ sâŋmune nâŋgâŋet. Moseŋe girem den âlâlâ kulemguop otmu Anitâhât poropetelipŋaŋe den kulemguwi ya tatmâ gam Yoane teteop yan andemŋe oap. Otmu Yoane teteop sâp yapâek lohimbine Anitâhâlen biwiyenŋaŋe kepeinŋetâ tihi-tyeŋe otbuap yakât den pat âlepŋe ekyongom gan. Yawu otmâ lohimbi kiŋgitŋe orowâkŋe nâŋgâŋetâ bulâŋe otmu yakât bulâŋe mene sâŋ oai.

17 Hân himbim gulip otbuapgât Anitâŋe sâŋ kalop. Yamâ Mosehât girem den ya kum gulip tuhunomgât dop âlâ ki tap.”

18 “Den âlâ sâŋmune nâŋgâŋet. Lok âlâ me âlâŋe imbiŋahât hâkâŋ otmâ pilâm imbi ondop membuap. Yamâ lok yaŋe tosa umatŋe membuap. Yâhâ lok âlâ me âlâŋe imbi pilâ pilâŋe ya membuap ya yawuâk tosa umatŋe membuap. Otmu imbi âlâŋe lok pilâ pilâŋe ya membuap ya yawuâk tosa umatŋe membuap.” Yawu sâŋ ekyongop.

*Lok iri sukumŋe orop otmu lok umburuk ya yetgât den.*

<sup>19</sup> Yesuņe den âlâen hâum yuwu sâm ekyongop. “Lok kutdâ âlâ iri sikum tewetsenņe pato tat-banġiopņe yuwu otmâ manminiop. Hâk katipņe âilonġo lonġo hanġalakmâ hilâmņe hilâmņe sot topņe topņe nem hop sambe kakņan manminiop.

<sup>20</sup> Yâhâ lok âlâ umburuk manop, yâkât kutņe Lasaro sâm. Yâhâmâ use kârikņe tetewanġimu hâhiwin kakņan manminiop.

<sup>21</sup> Yawu otmâ lok kutdâ yaņe emetņan tatmâ sot nemu wahapņe gowelan kionop ya mem nembe sâm Lasaro emet gowetņan iminiop. Emet gowetņan im tatmu sosoņe taka useņe ya nimbi-lakuminiwi.

<sup>22</sup> Sâp âlâen lok umburuk ya mumu Anitâhât aņelolipņane lâum yâhâ Awaraham gotņan katņetâ talop. Yâhâ sâp ki kâlep otmuâk lok kutdâ ya yawuâk mumu hanguwi.

<sup>23</sup> Yâhâ mumu umutņane hem topņan kâlâp sem talowân ge tatmâ hâhiwin pato nâņġâop. Yawu otmâ senņe pilâm Awaraham yet Lasaro yelehop.

<sup>24</sup> Yelekmâ den kârikņan halahum yuwu sâm Awaraham ekuop. “Awoņ, yuwu sâmune nâņġâ. Kâlâp kâlehen tatmâ hâhiwin bâleņe nanġan. Yakât otmâ Lasaro ekurâ hâlipņane to wâimâmâ nimbil-amnan katmu sânduk sâek.”

<sup>25</sup> Yawu sâmu Awarahamņe yuwu sâop. “Nanne, yuwu sâmune nâņġâ. Emelâk herone otmâ hop sambe kakņan manon ya pesuk yap. Lasaro yâhâmâ hâhiwin kakņan manop ya gurâ yawuâk pesuk yap. Yakât otmâ tep hero kakņan tap. Gâmâ hâhiwin pato nâņġâm tat.

<sup>26</sup> Yâhâ hohetnenņan hem pato kinsap. Yakât otmâ yupâ gâtņe âlâ me âlâņe gâhâlen gene sâm

hâum pâpgunomai. Otmu yeŋgâlen gâtŋe âlâ me âlâŋe yuân gane sâm yawuâk hâum pâpgunomai.”

<sup>27-28</sup> Sâmu sâop. “Awoŋ, den âlâ sâmune nâŋgâ. Kapinan imilipne mome mansai. Yâkŋe yuân ge hâhiwin nâŋgâmaiât Lasaro hâŋgâŋurâ ari girem den ekyongomu nâŋgân nâŋgânyeŋe pâroŋ sâekgât nanŋan.”

<sup>29</sup> Sâmu sâop. “Yawu bia. Moseŋe girem den âlâlâ kulemguoŋ otmu Anitâhât poropeteliŋaŋe den kulemguwi ya sâlikum nâŋgânomai. Nâŋe ki hâŋgâŋumune âwurem gewuap.”

<sup>30</sup> Sâmu sâop. “Awoŋ, yuwu sâmune nâŋgâ. Moseŋe den kulemguoŋ otmu Anitâhât poropeteliŋaŋe den kulemguwi ya sâlikumai yamâ ki tem lâumai. Yakât otmâ muwi yâk yeŋgâlen gâtŋe âlâ me âlâŋe mumuŋambâ yahatmâ ari ekyongonomai otmuâmâ orotmemeyeŋe bâleŋe bet pilâm Anitâ tem lâuwaŋginomai.”

<sup>31</sup> Sâmu sâop. “Nanne, yuwu sâmune nâŋgâ. Moseŋe girem den âlâlâ kulemguoŋ otmu Anitâhât poropeteliŋaŋe den kulemguwi ya sâlikum nâŋgâŋetâ nahat otmu ki lâumai. Yakât otmâ muwi yâk yeŋgâlen gâtŋaŋe mumuŋambâ yahatmâ ari ekyongonomai otmuâmâ yakât dopŋeâk yâkât den nâŋgâŋetâ nahat otmu ki lâunomai. Yakât otmâ ki hâŋgâŋumune âwurem gewuap.” Yawu sâm ekuop.” Yesuŋe den âlâen hâum yawu sâm ekyongop.

## 17

*Tosa yakât topŋe  
(Mataio 18:6-7,21-22 Mareko 9:42)*

1 Yesuņe hoņ bawalipņe yuwu sâṁ ekyongop. “Lohimbi kerekņe lohotņe otmâ yuwu yawu otņetâ bâlemu tosa meņetgât Satanņe kendâyiņgimap. Otmu lohimbi âlâ me âlâņe bukulipyenāņe otņetâ bâleâkgât kendâyiņgimai yamâ Anitāņe matņe umatņe yiņgimu menomai.

2 Yakât otmâ lohimbi âlâ me âlâņe bukulipyenē kendâyiņgiņetâ otņetâ bâlemap yâhâmâ mâṁâlipyenāņe ki mem ga katyekbâi yamâ mem ga katyekbi.

3 Yakât otmâ biwiyenē galemahom manmâ yâhânomai.

Bukuhe âlâņe bâleņe topņe topņe mâņgâehekmu ekurâ yetņiâk tatmâ den heņgeņguromawot. Yawu otmutâ ârândâņ otmu buku konok mandomawot.

4 Yâhâ hilâm konok yakât biwiņan bukuhaņe orotmeme kiņgoņ mâņgâehekmâ yahatmu nombolân yâhâpņe otbuap. Yawu gârâmâ mâņgâehekbuap ya sâṁ tetem tosaņe pilâwaņgiwuatgât ekgohowuap otmuâmâ âlepņe tosaņe pilâwaņgiwuat.” Yawu sâṁ ekyongop.

*Yesuhâlen biwinenņāņe kepeinomgât sâop.*

5 Yawu sâṁu hoņ bawalipņāņe yuwu sâṁ ekuwi. “Kutdâ, den eknongomat ya kerek nâņgâmunņe yakât bulâņe tetewuapgât naņgain. Yakât otmâ mem hewewen tuhunenekdâ gâhâlen biwinenņāņe tiņâk kepeim mannom.” Yawu sâwi.

6 Sâņetâ yuwu sâṁ ekyongop. “Den âlâen hâum yuwu sâṁune nâņgâņet. Nak âlâ, kutņe bândup, yamâ lok âlâņe kehetņe tipņe âlâ mem ari kalamņan kalop. Katmu tatmu kâṁņe ga



takamu yaņak yâhâm kâlep pato otmâ nak nombotņe wangim kinmap. Yakât dopņeâk nâhâlen biwiyenaje kepeim manmâ yâhâ lakop endo kinsap enda ekuņetâ denyenę nâņgâm hindakmâ saruân kionbuap.” Yawu sâop.

*Nenņe Anitâhât nep mem yuwu otmâ mannom.*

<sup>7</sup> Den âlâen hâum yuwu sâm ekyongop. “Yeņgâlen gâtņe âlâ me âlâhât hoņ bawalipyenaje noniņ bulimakao galemğum nep tuhum emetsâpņan kapiân âwurem gaņetâ yuwu ki sâm ekyongonomai. “Emetyenjan yâhâ tatņetâ sot um yiņgiwe.”

<sup>8</sup> Yawu bia. Yuwu mon sâm ekyongonomai. “Sot um nihiņetâ nemune ârândâņ otmu yeņe sot um nenomai.” Yawu sâm ekyongonomai.

<sup>9</sup> Yakât yuwu sâmunę nâņgâņet. Lok kutdâlipyenaje hoņ bawalipyenę nep sâm yiņgimai ya tuhuņetâ ki mepaeyekmai. In nâņgâyiņgiņetâ ârândâņ otmap.

<sup>10</sup> Yeņgât topyenę yawu tap. Nep sâm yiņgimune ya tuhum pesuk pilânomai yan yuwu sânomai. “Nen hoņ bawa mansain. Nep sâm ningiop ya konok tuhumain.” Yawu sânomai. Yawu sâm ekyongop.

*Lok hâk bâle teteyiņgiop ya Yesuņe heņgemyongop.*

<sup>11</sup> Yesuņe Yerusalem kapiân ariwe sâm Galilaia hân tânâmņambâ arim yaņak Samaria hân hâlâņmâ kapi bânņehen tap yan ariop.

<sup>12</sup> Yâhâ kapi ya ambolipņe lok nombolân imbât hâk bâle teteyiņgimu manminiwi. Otmu Samaria gâtņe lok âlâ hâk bâle tetewangimu manminiopņe yâk yeņgâlen torokatmu lok bāt nombot nombot

hârok yawu otbi. Yâkņe Yesu ekmâ kâlepņehembâ kinmâ

<sup>13</sup> den kârikņan yuwu sâm ekuwi. “Wâe lok pato, Yesu, gâņe nâņgâningihât naņgain.” Yawu sâwi.

<sup>14</sup> Sâņetâ sâop. “Hotom umai yengâlen arinjetâ hâkyeņe eknomai.” Yawu sâm ekyongomu ariwi.

Yâhâ mâtâwân arim tatņetâ hâkyeņe âlepņe olop.

<sup>15-16</sup> Hâkyeņe âlepņe otmu eņakmâ Samaria gâtņe ya ikņiâk âwurem ari Yesuhât gotņan ba kinmâ heroņe otbaņgim mepaeop.

<sup>17</sup> Yawu otmu Yesuņe lohimbi yan kinbi ya yuwu sâm ekyongop. “Lok bāt nombot nombot hârok heņgemyongoan. Yamâ lok nombolân imbât yamâ wonâmbâ?

<sup>18</sup> Wongât Samaria gâtņe yuņak Anitâ mepaewe sâm âwurem takap?” Yawu sâm ekyongop.

<sup>19</sup> Yâhâ lok ya yuwu sâm ekuop. “Nâhâlen bi-wihane kepeiat. Yakât otmâ Anitâņe nâņgâhihimu âlepņe oat. Yakât otmâ lohotņan bam ari.”

*Yesu âwurem gewuap yakât sâop.  
(Mataio 24:23-28,37-41)*

<sup>20</sup> Sâp âlâen Parisaio lok nombotņane Yesu yuwu sâm âikuwi. “Sâp girawuân Anitâņe tihitnenņe otmu manman sânduhân mannom?” Sâņetâ sâop. “Anitâņe topņe katmâ tihityeņe otbuap sâp yan kulem topņe topņe ki tetemu ekmâ kiwilinomai.

<sup>21</sup> Yakât otmâ yuwu ki sânomai. “Yuân topņe katmâ tihitnenņe otbuap. Me endaken topņe katmâ tihitnenņe otbuap.” Yawu ki sânomai. Yuwu sâmune nâņgâņet. Anitâņe emelâk tihityeņe otbe sâm hâņgânohomu ge mansan.” Yawu sâop.

<sup>22</sup> Yawu sâ̄m ekyongomu arinjetâ hoŋ bawalipŋe yuwu sâ̄m ekyongop. “Hâmbâi sâp âlâen nâ lok bulâŋe âwurem ge tihityeŋe otmune biwiyenŋe sâ̄nduk sâekgât biwiyenŋe ya mem mannomai. Gârâmâ sâp yan ki âwurem gemune neknomai.

<sup>23</sup> Yawu gârâmâ sâp yan lok nombotŋe yuwu sâ̄m ekyongonomai. “Anitâŋe Yesu hâŋgângumu âwurem ge tihitnenŋe otbuap sâop yamâ emelâk hâŋgângumu ge endaken mansap, me wosaken me wosaken ge mansap.” Yawu sâ̄m ekyongonjetâ yâk yenġât den ya ki nâŋgânomai. Yawu otmâ ki pâinnekmâ âlâen âlâen arinomai. Nâ gewom yan yok pilâm ki gewom.

<sup>24</sup> Himbim belek sâ̄mu laŋinŋe siliŋ siliŋ sâ̄m nombotgembâ nombot otmâ haŋ sâmap yakât dopŋeâk Anitâŋe nâ lok bulâŋe hâŋgânnohomu âwurem gewom. Âwurem gemune lohimbi hânŋan kulemŋan mansai kerekŋe nâhât laŋinŋe ekmâ topŋe nâŋgânomai.

<sup>25</sup> Yâhâ aŋgoânâmâ Yura nengât papatolipnenŋe nâhât hâkâŋ otmâ hâhiwin nihinjetâ sâtġum mumbom.

<sup>26</sup> Yâhâ âwurem gewom yanâmâ pârâk sâ̄n sâ̄nâk gewom. Yâhâ âwurem gewom yakât sâpŋe tâlâhuwuap yanâmâ orotmeme girawuya otmâ mannomai yakât yuwu sâ̄mune nâŋgâŋet.

Emelâk embâŋân lok âlâ, kutŋe Noa sâ̄m, manmu towat teteop dop yawuâk ya tetewuap.

<sup>27</sup> Emelâk Noaŋe manop yanâmâ lohimbi gulip malap manmâ yeŋe âi yenahâlâk nâŋgâm manbi. Yawu manŋetâ Noaŋeâmâ waŋga kâlehen yâhâop. Yawu otmâ nen âlepŋe mansainâk sâ̄m

gulip malap manmâ gañetâ yan Anitâñe nâñgâmu tonjelâk pato gemu to niñ niñ sâm lohimbi kerek haranyongomu mum metewi.

28 Yâhâ yakât dopñeâk lok âlâ, kutñe Lot sâm, yâkñe manmu towat teteop dop yawuâk ya tetewuap. Emelâk Lotñe manop yanâmâ lohimbi gulip malap otmâ sonjo bau sot kâle nem yeñahâlâk nâñgâñetâ yahalop. Imbi anji gunji otbi. Emet opon tuhuwi. Nep topñe topñe tuhujetâ Lotñe Sotom kapi ya pilâm ariop.

29 Yawu otmâ nen âlepñe mansainâk sâm gulip malap manñetâ Anitâñe nâñgâmu himbimâmbâ kâlâpñe punduñ sâm ge kapi ambolipñe kerek sem gulip tuhuyehop.

30 Yakât dopñeâk lohimbi nombotñane âlepñe mansainâk sâm otñetâ yan Anitâñe yâhâpñe nâ hâñgânnohomu gewom.

31 Sâp yan yuwu otnomai. Lok âlâ me âlâ kapi hâlâñmâ mannomaiñe kasalipyene takañetâ yekmâ emetyeñan ki âwurem ari itâ pareñe menomai. Otmu lohimbi newân kinnomaiñe kasalipyene takañetâ yekmâ âwurem ari emetyeñan iri sikumyene miaknehât ki nâñgânomai.

32 Emelâk embâñân himbimâmbâ kâlâpñe punduñ sâm ge Sotom kapi ambolipñe sem gulip tuhuyehop sâp yan Lot imbiñane kambene kakñambâ olelem ekmâ kâtembe olop. Yakât den pat yeñe nâñgâm hâkyene miangim mannomai.

33 Yakât otmâ yuwu sâmune nâñgâñet. Lok âlâ me âlâñe manmanyene alitnomai yamâ hiliwahonomai. Yâhâ lok âlâ me âlâñe nâhâlen bi-

wiyenaje kepeim tem lâunihinjetâ yan lohimbi belângen mansainje yeknetâ bâlemu yongonetâ munomai yamâ Anitâne mumunambâ mem yahatyekbuap.

<sup>34</sup> Sâp gewom yan lok oponân inomai yamâ Anitâne nombotje ya meyekmâ nombotje pilâyekbuap.

<sup>35</sup> Yâhâ lohimbi âi kalam tuhum gulip malap mannomai gurâ nombotje meyekmâ nombotje pilâyekbuap.

<sup>36</sup> Yâhâ hat mannomai gurâ nombotje meyekmâ nombotje pilâyekbuap.”

<sup>37</sup> Yawu sâm ekyongomu yuwu sâm âikuwi. “Kutdâ, kapi wonân mem kâsipnongowuat?”

Sânetâ sâop. “Yâhâ umatje âlâlâ tetewuap yakât emet inânjan ekyongom gaman. Yukât bulâne hâmbâi tetewuawân ekmâ topje nângâm henjenjunomai.” Yawu sâop.

## 18

*Imbi kambutje kiap ulitguminiop yan hâum sâop.*

<sup>1</sup> Yesuhât honj bawalipnaje hilâm ârândân Anitâ orowâk den otmâ ki lohotje otnomaihât den âlâen hâum yuwu sâm ekyongop.

<sup>2</sup> “Kiap âlâ lohimbi yengât den sâm hâreyingim yan Anitâhât nângâmu gemu ki ewe katyehop.

<sup>3</sup> Yâhâ kapi amboje, imbi kambut âlâ, yakâlen ari sâm guhunmâ yuwu sâm ekuminiop. “Âlepje den sâm hârerâ imbi âlâne mângâenehop yakât matje kâpekbanjiwom.”

<sup>4</sup> Yawu sâm ekuminiop yamâ denje ki nângâm gaop. Yawu otmâ gamu sâp kâlep otmu biwinaje

yuwu nângâop. “Anitâhât nângâmune gemap. Otmu lohimbî ki ewe katyekman.

<sup>5</sup> Yawu gârâmâ imbi kambut yuņe haonmâ ârândân kâi kâi liņnihim tatmâ mem kopa tuhunekmapgât ihilâk nângâwanġiwom.” Yawu sâop.

<sup>6</sup> “Yâhâ imbi yaņe kiap ya ekumu tânguop yamâ yuwu.

<sup>7</sup> Nen Anitâhât tem lâuwangim manmainņe haonmâ ârândân ulitgum yâhânom otmuâmâ nângâningiwuap. Yâkņe biwi pâlâmņe otmâ dennenņe ki nângâwuapgât dop âlâ ki tap.

<sup>8</sup> Ulitgumunņe in yawu nângâningiwuap. Yawu nângânomai. Yawu gârâmâ Anitâņe nâ lok bulâņe hângânnohomu himbimâmbâ âwurem gewom sâp yan lohimbî kiņgitņe orowâkņe nâhâlen biwiyenāņe tiņâk kepeim mambotnihim mannomai me bia?” Yawu sâop.

### *Parisaio yet takesi meme lok*

<sup>9</sup> Lok nombotņe yenahât nângâņetâ yahatmu “nen lok âlepņe, uwawapņe bia mansain” sâm bukulipyenē yengât nângâņetâ gemap. Lok yawuya yengât nângâm Yesuņe den âlâen hâum yuwu sâop.

<sup>10</sup> “Lok yâhâp opon kâmbukņan yâhâm Anitâ ulitguowot. Âlâmâ Parisaio. Otmu âlâmâ takesi meme lok.

<sup>11</sup> Parisaio yaņeâmâ ikņahât nângâmu yahatmu senņe ewan pilâm ekmâ yuwu sâop. “O Anitâ, yuwu sâmune nângâ. Lok nombotņe kapam kumai, kombo otmai, otņetâ bâlem gap. Nâ yawuya

bia. Otmu takesi meme lok endo kinsap nâ endawuya bia.

<sup>12</sup> Hilâm nombolân yâhâp yakât biwiñan hilâm yâhâp sot barak manmâ nângâhihim mepaehekman. Otmu tewetsenñe senñe âlâlâ tatnihiap yakât sâsâñambâ konok hârem gâhât pat kuhihiman.” Yawu sâop.

<sup>13</sup> Otmu takesi meme lok yañeâmâ gulunjan kinmâ kâmgum den tâlâwâk yuwu sâop. “O Anitâ, tepge nângânihi. Nâ lok bâleñe mansanâke yamâ ki pilânekuat,” yawu sâop.

<sup>14</sup> Yakât yuwu sâmune nângâñet. Anitâñe takesi meme lok yâkât nângâwanjim tosañe pilâop. Yâhâ Parisaio yâhâmâ tosañe yawuâk tatbañgiop. Yâhâ lok âlâ me âlâñe hâkyeñe mepaeakmâ manmai yamâ Anitâñe mem ge katyekbuap. Yâhâ lok âlâ me âlâñe yeñahât nângâñetâ gemu huruñ huruñ manmai ya yeñgât Anitâñe nângâmu yahatbuap.” Yawu sâm ekyongop.

*Yesuñe nan baralipyenñe lukuleyehop.  
(Mataio 19:13-15 Mareko 10:13-16)*

<sup>15</sup> Sâp yanâmâ lohimbi nombotñane nan baralipyenñe meyekmâ Yesuhâlen ariwi. Ari Yesuñe kunyeñan mem Anitâ ulitgumu lukuleyehâkgât ekuwi. Yawu otñetâ hoñ bawalipñane yekñetâ ki ârândân otmu kuyiñgiwi.

<sup>16</sup> Kuyiñgiñetâ Yesuñe nimnaom ekyongomu gañetâ hoñ bawalipñe yuwu sâm ekyongop. “Kâmbukñe, ki kuyiñgiñet. Anitâñe nimnaom titipâ yu yeñgât tihityeñe otmap. Yakât otmâ dâiyekmâ nâhâlen gañet. Yeñe kuyiñgiñetâ ekmune ki ârândân oap.

17 Yakât yuwu sâmunê nângânet. Nimnaom titipânê Anitâhât den nângâm in yawu lâuwanjim manjetâ tihityenê otmap. Yakât dopneâk yenê tem lâuwanjinomai yanâmâ Anitânê tihityenê otbuap. Yawu otmâ sâp pato tetewuawân meyekbuap. Yâhâ yawu ki otnomai otmuâmâ Anitânê betyongomu belângen tatnomai.” Yawu sâm ekyongop.

*Lok iri sikumyenê pato tatyinjiap yâk yengât topyenê*

*(Mataio 19:16-30 Mareko 10:17-31)*

18 Yawu sâm ekyongomu Yura yengât papatolipyenê âlânê Yesu yuwu sâm âikuop. “Bawapi, manman koko salek ambojê mansat. Yakât otmâ sârâ nângâwê. Nânê girawu otmunê ârândân otmu Anitânê manman kârikjahât pat kunihiwuap?”

19 Sâmu sâop. “Wongât nâhât “Manman koko salek ambojê” yat? Anitâ konohâk manman koko salek ambojê tatmap.

20 Yakât otmâ gânê âinohoat yakât matjê yuwu sâmunê nângâ. Anitânê girem den Mose ekumu kulemguop ya sâlikum nângâmat me bia? Ya yuwu tap. Buku âlâhât imbi ki ekmâ otbuat. Lok nombotjê ki yongorâ munomai. Kombo ki meyingiwuat. Hakyenjan ki sâuwat. Den perâk ki sâm kâityongowuat. Âwâ mâmâhe yetgât lauyetjê lâum amutyetjan manbuat.”

21 Sâmu sâop. “Bawapi. Girem den sâm arat yuâmâ njanambâek lâum manmâ gaman.” Yawu sâop.



22 Sâmu sâop. “Yuwu otbuat. Senje âlâlâ pato tat-gihiap ya kâsikum buku nombotje umburuk man-sai ya yinjiwuat. Yawu otmâ nâhâlen torokatdâmâ Anitâje manman kârikjahât pat kuhihwuap.” Yawu sâop.

23 Yawu sâmu iri sikum me senje âlâlâ dondâ tatbanjiop yakât nângâmu biwiye umatje otmu hâmeje bâleop.

24 Hâmeje bâlemu ekmâ Yesuje yuwu sâmu honj bawalipje ekyongop. “Lok iri sikum pato tatyinjiapjeâmâ Anitâhâlen biwiyenaje kepeim tem lâuwangine sâmu otjetâ hâi hâije otmap.

25 Yakât topje nângâjetâ keterahâkgât den âlâen hâmu yuwu sâmune nângâjet. Pusiye selon watmu pin pinjan arimu yan watmâ ba membe sâmu hâmu pâpgumap. Yakât dopjeâk lohimbi iri sikumyeje pato tatyinjiapje Anitâje tihityeje olâkgât mâtâp ya watmâ arine sâmu otjetâ hâi hâije otbuap.

26 Yawu sâmu nângâjetâ sâtje otmu yuwu sâmu âikuwi. “Lohimbi girawuyaje otjetâ ârândâje otmu Anitâje manman kârikjahât pat kuyinjiwuap?”

27 Sânetâ sâop. “Anitâhât manman kapiân arine sâmu lokgât nângân nângân watmâ arinomaihât dop âlâ ki tap. Yamâ Anitâhât topje âlâ tap. Yakât otmâ yeje yu me ya otne sâmu yâkât nângân nângân watmâ otnomaihât dop tap. Yâkne konok man-man kârikje ya yinjiimu mem manmâ yâhânomai.” Yawu sâop.

28 Yawu sâmu Petoroje yuwu sâop. “Bâe, nenâmâ senje âlâlâ kerek betbanjim gâhâlen torokatmâ hâhiwin kakjan manmâ gain.” Yawu sâop.

29 Sâmu sâop. “Lohimbiņe nâhâlen biwiyene katņetgât lok âlâ me âlâņe nâhât den ekyongonomaine âwâ mâmâlipyene, me imi garilipyene, me imbi naomlipyene, me hep torehenlipyene, me senne âlâlâ siminņe tatyņgiap ya kerek pilâm nâhât komolân torokatnomai.

30 Yawu otmâ nâhât komolân torokatmâ mannomai yanâmâ emelâk hep torehenlipyene orop herone otminiwi ya wangim herone pato kakņan mannomai. Otmu hâmbâi Anitâņe meyekmâ manman kârikņan katyekmu mannomai.” Yawu sâm ekyongop.

*Yesuņe mumbuap yakât kalimbuņe sâop.  
(Mataio 20:17-19 Mareko 10:32-34)*

31 Yesuņe hoņ bawalipņe kâiân yâhâp meyekmâ yuwu sâm ekyongop. “Yuwu sâmune nâņgâņet. Yiwerene Yerusalem kapiân yâhânom. Yan yâhâmunņe emelâk emet inânņan Anitâhât poropetelipņane lok bulâņe nâhât den kulemgum gawi yakât bulâņe tetewuap.

32 Yâhâ lok âlâņe nâņgâm bâlenihim hotom umai otmu Mosehât girem den kâsikum ningimai ya yeņgât bâtyeņan katnekbup. Bâtyeņan katnekmu den âiân katnekmâ mumbomgât den sâm hârenihinomai. Den sâm hârenihim Roma lok yeņgâlen katneķetâ yâkņe yuwu otnihinomai. Sennan gem tâpnohom, mem âlâlâ tuhunekņetâ hâhiwin pato nâņgâwom.

33 Otmu benņe howanân nohoņetâ mumbom. Mumunņe hannohoņetâ hilâm kalimbu pesuk sâmu yakât kakņan mumuņambâ yahatbom.” Yawu sâm ekyongop.

34 Yawu sâ m ekyongomu Yerusalem yâhânomai yakât nângâjetâ biwiyenje umatnje otmu nângâm ketet otbi.

*Yesuje lok senje bok sâsâje henjenguop.  
(Mataio 20:29-34 Mareko 10:46-52)*

35 Mâtâwân arim tatjetâ lohimbi kinjitje orowâkne betyenjan watyekbi. Yawu otmâ arinetâ Yeriko kapi tâlâhumu mâtâp ginjan lok âlâ, senje bok sâsâje talop. Tatmâ senje âlâhât umburuk otmâ yanak lohimbi mâtâwân bam ganjetâ ulityongom tatminiop.

36 Yawu otmâ lohimbi kinjitje orowâkne mâtâp yawuâk arinetâ kâiyenje munje nângâmâmâ yakât âiyongomu sâwi.

37 “Yesu Nasaret kapiân gâtje takap.” Yawu sâwi.

38 Yawu sâjetâ nângâm den kârikjan halahum yuwu sâop. “Yesu Dawitihât sen, gâje nâhât wehe nângânihi.”

39 Yawu sâmu lohimbi gotjan kinbi je kuwanjiwi. Kuwanjinetâ witgum halahuop.

40-41 Witgum halahumu Yesuje nângâm mâtâwân kinmâ “Ekujetâ gaek,” sâ m lohimbi ekyongop. Ekyongomu senje bok sâsâje ya lok nombotjane dâim yâkâlen banjetâ yuwu sâ m âikuop. “Girawu otgihiwehât nanjat?”

Sâmu sâop. “Lok pato, sârâ senne hâreakmu ekbehât nanjan.”

42 Sâmu sâop. “Gâje nâhâlen biwihe hikuat. Yakât otmâ den yat ya bulâje tetehihiâk.”

43 Yawu sâmu yan senje hâreakmu ekmâ Yesu betjan sâ m Anitâ mepaeop. Yawu otmu lohimbi je

ya ekñetâ âlâ kândâkdâ otmu yâku yawuâk Anitâ mepaewi.

## 19

### *Lok tâlâwâk, kutñe Sakaio sâ, yâkât den pat*

<sup>1-2</sup> Yesuñe Yeriko kapiân yâhâmu lok âlâ, iri sikumñe pato tatbañgiop, kutñe Sakaio sâ, yâhâmâ takesi meme lok yengât kunyene manminiop.

<sup>3</sup> Yâhâmâ lok tâlâwâk yakât otmâ lohimbi ho-hetyeñan kinmâ tik sâ Yesu ekbe sâ otmu ki ihiop.

<sup>4</sup> Yakât otmâ yahatmâ wangiyekmâ sururuk sâ ari nak âlâ mâtâp ginñan kinop ya lâum pitik pitik yâhâ kakñan tatmâ biwiñane yuwu nângâop. “Yesu yupâ gam bamu ekbom.”

<sup>5</sup> Yawu nângâm tatmu Yesuñe nak amutgen ga kinmâ senñe pilâm ewun Sakaio ekmâ yuwu sâ ekuop. “Sakaio, âun gâhât emelan yâhâ tatmâ nângâwom. Yakât otmâ in yawu pilâm gerâ arine.”

<sup>6</sup> Yawu sâ ekumu pilâm ge herone otmâ dâimu emetñan ariowot.

<sup>7</sup> Emetñan ari yâhâmutâ lok kerekñe ekñetâ bâlemu sâ guhuñmâ yuwu sâwi. “Wongât otmâ Yesuñe lok bâleñahât emelan yahap? Ya ki orotñe.” Yawu sâwi.

<sup>8</sup> Yâhâ Sakaionñe Yesu yuwu sâ ekuop. “Kutdâ, sâmunen nângâ. Tewetsenñe me senñe âlâlâ tatnihiap ya mem hionmâ lohimbi umburuk mansai ya kâsikum yinñiwom. Otmu lohimbi kâityongom yengât tewetsenñe konok meyinñiwan

gârâmâ yakât matjeâmâ nâñe imbât yingiwom.”  
Yawu sâop.

9-10 Sâmu sâop. “Lohimbi bâleñe hem nâpumân ge hiliwahomaihât nâñgâm Anitâñe nâ lok bulâñe hâñgânnohomu gewan. Yawu gârâmâ lohimbiñe nâhâlen biwiyenñe kepeñetâ yanâmâ manman kârikñahât pat kuyingiwuap. “Yâhâ gâ Awaraham sen. Gâñe nâhâlen biwihñe kepeiat. Yakât otmâ Anitâñe manman kârikñahât pat kuhihap.

*Lok hilâm ihi, konam yakât den  
(Mataio 25:14-30)*

11 Yeriko kapi ya pilâm Yerusalem kapi gotñan ariwi. Yesuhât den nâñgâm lohimbi orowâk ariwi yañe biwiyenñe yuwu nâñgâwi. “Anitâñe Yesu mâmâñe otbañgimu kasalipnenñe watyekmu ari-nomai. Yâkñe yawu otmâ manman sânduhân katnenekbuap yakât sâpñe tâlâhuap.”

12 Biwiyenñe yawu nâñgâwi yakât otmâ Yesuñe den âlâen hâum yuwu sâm ekyongop. “Lok kutdâ âlâñe lok âlâ mem kânâñgâmu yâkñe lohimbi galem-yongowuapgât sâpñe tâlâhuop.

13 Yawu otmâ lok yañe lok kutdâñahâlen ariwe sâm âi loklipñe bâlâk ñerek yongonmu gañetâ tewetsenñe kina bâlâk ñerek ya ârândâñâk yingim yuwu sâm ekyongop. “Pilâyekmâ kâlepñehen ari-wom. Yawu gârâmâ tewetsenñe yingian yuñe mem âi tuhujetâ tewetsenñe tetewuap yakât dopñe âwurem takamune tiripnohoñetâ ekbom.”

14 Yawu sâm pilâyekmâ ariop. Yâhâ lohimbi nombotñe lok yakât hâkâñ otmâ galem-yenñe ki olâkgât nâñgâm lok hoñ hâñgânyongonñetâ lok kutdâyehâlen ari yakât denñe sâwi.

15 Denje sâñetâ lok kutdâyeñaje ki nâñgâyinñgiop. Yawu otmâ lok yawuâk galem sâñ kânânñgâop. Yawu gârâmâ lok kapi kâlepñehen ariop yaje âwurem taka âi loklipñe tewetsenñe yinñgiop ya yongonmu gañetâ âlâku ikñiâk ikñiâk yuwu sâñ âiyongop. “Tewetsenñe yinñgiwan yaje mem âi tuhuñjet amon teteap?” Yawu sâñ âiyongop.

16 Yâhâ âi lok angoân gaopñe yuwu sâop. “Lok pato. Gâñe kina bâlâk ñerek nihion yaje mem âi tuhumune âlâku kina bâlâk ñerek teteop.”

17 Sâmu sâop. “Âlepñe, tewetsenñe tipñe gihiwan yaje mem âi tuhurâ âilonñgo teteap. Yakât otmâ nâñe galem katgekmune kapi bâlâk ñerek ya ambolipñe galem yongowuat.”

18 Yawu sâmu hoñ bawa âlâñe gam sâop. “Lok pato. Gâñe kina bâlâk ñerek nihion yaje mem âi tuhumune âlâku kina bâtnombot teteop.”

19 Sâmu sâop. “Âlepñe, nâñe galem sâñ katgekmune kapi bâtnombot ya galem yongowuat.”

20-21 Yawu sâñ ekumu arimu hoñ bawa âlâñeâmâ ga sâop. “Lok kutdâ, pato, gâhât topge nânñgâm henñenñuan. Gâ lok sâtñe. Lok âlâ me âlâñe gâhât nep kâmetñetâ âlemap yamâ gikahâk nemat. Yawu otmâ yakât sâñetâ nânñgâman. Yakât otmâmâ gâhât kiñgitnahât otmâ tewetsenñe nihion ya biatgihimap sâñ sâñgumnañe kurihim katmune tatmap.” Yawu sâñ kina bâlâk ñerek ya ambonjahât bâtnan kalop.

22 Sâmu sâop. “Gâ lok konam. Gikak den yat yawuâk mem purik pilâhihiwe. Sâñmune nânñgâ. Lok âlâ me âlâñe nâhât nep kâmetñetâ âlemap yamâ ninahâk neman yawu sâñetâ nanñgat.

23 Yakât otmâ tewetsenņe gihiwan yu mem kât emetņan katdâ tatmu tewetsenņe âlâkuâk teteop mâne nâņgâmune ârândâņ otbâp.”

24 Yawu sâam ekum lohimbi yan kinbi yuwu sâam ekyongop. “Bukuņane kina bâlâk ñerek mem kinsapņe nâhât tem lâum âi tuhum gap. Yakât otmâ lok yukât bâtņambâ kina bâlâk ñerek ya mem bukuņe waņet.”

25 Sâamu sâawi. “Yawu gârâmâ emelâk kina bâlâk ñerek miap.”

26 Sâaņetâ sâop. “Yuwu sâamune nâņgâņet. Anitâņe lok âlâ me âlâ âi sâam yingimu biwiyenāne kepeim tuhumai yâhâmâ tâtâem mâmâņe otyingimu âilonņoâk tuhumai. Yawu gârâmâ lok âlâ me âlâ âi sâam yingimu ki tuhumai yâhâmâ betyongomap.

27 Yâhâ nāne galemyeņe ki manbehât yeņe lok kutdânennāhâlen ari denne sâawi. Yawu gârâmâ lok ya ekyongonēta yuân ga sennennānâk yongonēta muņet.” Yawu sâam ekyongop.” Yesuņe den yan hâam ekyongop.

*Yesuņe Yerusalem kapiân yâhâop.*

*(Mataio 21:1-11 Mareko 11:1-11 Yoane 12:12-19)*

28 Yesuņe hoņ bawalipņe meyekmâ yapâ arinēta lohimbi kinņitņe orowâkņe betyenān sâawi.

29 Yawu otmâ ari Yerusalem kapi pato yakât gotņan kapi yâhâp, kutyetņe Betepahe otmu Betani sâam, ya Oliwa pumņan tap yan yâhâwi.

30 Yan yâhâ Yesuņe hoņ bawayâhâtņe yâhâp yuwu sâam hâņgânyotgop. “Kapi tipņe ewapâ tap yan doņgi nanņe âlâ hikum katņetâ kinsap ya lok ki kakņan tatmai. Ya holaņmâ mem geromawot.

31 Holarımutâ lok âlâne yuwu mon sâam âiyotgowuap. “Yet wongât taka yu holarıawot?” Yawu sâamuâmâ yuwu sâam ekuromawot. “Yiwereıe âi teteap. Yakât otmâ patonetıane yu mendehât hângânotgomu takait.” Yawu sâam ekuromawot.

Yesıe yawu sâam hângânyotgomu yâhâ ekyotgop yawuâk mem teteowot.

32 Donıi nanıe emet âlâ hawııan hikum katbi ya holarıowot. Holarımutâ ambonane yelemâ sâop.

33 “Bâe. Yet âlâne sâamu yu holarıde sâam oawot?”

34-35 Sâamu sâowot. “Yiwereıe âi teteap. Yakât otmâ patonetıane yu mendehât hângânotgomu takait.” Yawu sâam ekumutâ nângâyitgimu holarımâ mem giowot. Mem ge yetıe hâk katipıe kâlep kalowot ya holarımâ lotohom kakıan kalowot. Katmutâ kakıan yâhâ talop.

36 Yâhâ tatmu Yerusalem kapiân yâhâwi. Yâhâıetâ lohimbi kınıtıe orowâk hâruhuakbıe Yesuhât nângâıetâ yahatmu yeıe hâk katipıe kâkâlep ya holarımâ mâtıp tete lıngatmâ ariwi. Lıngatmâ arııetâ donıi yanıe ya kakıan tâlim tâlim ariop.

37 Yâhâ Yerusalem kapi pato ya tâlâhumu Oliwa pumıe yakât talapıan gewi. Geıetâ kulem âlâlâ tuhumu ekmâ gawıe yakât nângâm herone otbanıim Anıtâ mepaem den kârikıan halahum yuwu sâwi.

38 “Gâmâ tâmbânenıe Dawiti sen. Gike ombheâk ki takat. Anıtâne âi sâam gihiop ya lâum kınmâ nengâlen mat takat. Yakât otmâ herone otgihim mepaeheksain.” Yawu sâwi.



<sup>39</sup> Yawu sâ mepaenjetâ Parisaionje yuwu sâ m Yesu ekuwi. “Lok pato, mepaehekmâ mansai ya kuyingirâ hutuk sânet.”

<sup>40</sup> Sânetâ sâop. “Nâne kuyingimune hutuk sânomaiâmâ kât yuñe âlepñe heronje otnihim den sâ mepaeneknomai.”

*Yesuñe Yerusalem kapi ekmâ isiop.*

<sup>41</sup> Yerusalem kapi ginñan ari tatmâ ekmâ tepñe nângâm isem yuwu sâop.

<sup>42</sup> “O, kapi ambolipñe. Biwi sânduhân manne sâ m yakât mâtâpñe yiwereñe teteap yamâ ekñetâ ki keterakuyingiap.

<sup>43-44</sup> Yiwereñe Anitâñe wawaeyekmâ tihityeñe otbe sâ m hângânnohomu takanâke yamâ nâhât nângânihiñetâ tâñât oap. Yakât matñe sâp âlâen kasalipyenñe taka hawamyongom mâtâp mañguyingimomai. Mâtâp mañguyingim pañ kârikñe tap enda limbârõngum ge emetyeñe huhum gahaem itit kiom tuhuyingim yongonjetâ munomai. Yawu otyinginetâ kapi yuñe kâwurumñañak kinbuap.” Yawu sâop.

*Yesu opon kâmbukñan yâhâ watyehop.*

*(Mataio 21:12-17 Mareko 11:15-19 Yoane 2:13-22)*

<sup>45</sup> Yawu sâmu Yerusalem kapi patoen yâhâwi. Yâhâñetâ Yesuñe dongi kakñambâ kionmu yañak yapâ opon kâmbukñan yâhâwi. Yâhâ opon kâmbukñe kâlehen lohimbine senñe âlâlâ angi gunji otmâ kinbi ya yekmâ Yesuñe nângâm bâleyingim yuwu sâ m ekyongop.

<sup>46</sup> “Yu oai yukât emet inânñan Anitâñe poropete âlâ ekumu kulemguop ya yuwu tap.

“Lohimbi hânñan kulemñan manmâ araiñe nâhât opon yukât kâlehen yâhâ mepaeneknomai.”

Den sâop yakât yuwu sâmunne nânğâñet. Yeñe yukât kâlehen tatmâ lohimbi kâityongom hâmeñe mem yahatmâ anğı guñgi otmâ gai. Yawu otmâ gai yu ekmune anğim bero emetñe yawuya oap. Opon kâmbukñe yu kâlehen ki orotñe otñetâ ekmune bâleap.” Yawu sâm watyekmu yahatmâ tiok taok otmâ arim kinbi.

<sup>47</sup> Otmu hilâm ârândân Yesuñe opon kâmbukñan yâhâ lohimbi den kâsikum yingiop. Yawu otmu hotom uminiwi ya yeñğât kunlipyeñe otmu Mosehât girem den kâsikum yingiminiwi otmu Yura yeñğât papatolipyeñeñe Yesu kune sâm otbi.

<sup>48</sup> Yawu gârâmâ lohimbi kinğitñe orowâkñe Yesuhât denñe nânğâñetâ âlâ kândâkdâ otmu mem hawam mewam tuhum kinbi. Yakât otmâ kune sâm hâum pâpgum pilâwi.

## 20

*Yesuñe âlâhât sâtğât âi miop ya ki sâm tetem ekyongop.*

*(Mataio 21:23-27 Mareko 11:27-33)*

<sup>1</sup> Sâp âlâen Yesuñe opon kâmbukñan yâhâ kinmâ ikñe den pat âlepñe lohimbi kâsikum yingiop. Sâp yan hotom uminiwi ya yeñğât kunlipyeñe, otmu Mosehât girem den kâsikum yingiminiwi, otmu Yura yeñğât papatolipyeñeñe yâkâlen ba yuwu sâm âikuwi.

<sup>2</sup> “Gâñe oran âlâhât sâtğât otmâ Anitâhât opon kâmbukñan yâhâ lohimbi watyehon?” Yawu sâm âikuwi.

<sup>3</sup> Sâñetâ sâop. “Yeñe âinohoai gârâmâ nâku âiyongowe. Âiyongomune den matñe kâpekniñetâmâ nâñe âlâhât sâtñât âi yu mem gaman yakât topñe ekyongowom.

<sup>4</sup> Yakât yuwu sâmune nâñgâñet. Yoaneñe âlâhât sâtñât otmâ lohimbi toen katyehop? Anitâhât me ondop yeñgât sâtñât otmâ âi ya tuhuop? Ya sâñetâ nâñgâwe.” Yawu sâop.

<sup>5</sup> Yawu sâmu matñe kâpekbanjine sâm pâpgum alahu gulahu otmâ yuwu sâwi. “Nenñe yuwu mon sânom. “Yoaneñe âi miop yamâ Anitâñe âi sâm wañmu tuhuop.” Yawu sânom yamâ matñe yuwu mon sâwuap. “O, yenâmâ girawu otmâ Yoanehât den nâñgâñetâ ki bulâñe olop?” Yawu sâmu nenñe matñe girawu sâm kâpekbanjinom? Anñulaknom yakâ.

<sup>6</sup> Otmu âlâ yuwu mon sânom. “Yâhâmâ lok yeñgât sâtñât otmâ âi ya miop.” Yawu sânom yamâ lohimbi dondâñe “Yoaneñe Anitâhât poropete manmâ yâkât sâtñât âi mem manop,” yawu nâñgâmai yakâ. Yakât otmâ nenñe yawu sânom yanâmâ lohimbi kinsai yuñe nâñgâm nongonomai yakâ.” Yawu nâñgâwi.

<sup>7</sup> Yawu nâñgâm yuwu sâm ekuwi. “Yoaneñe âlâhât sâtñât âi meminiop ya nen ki nanñain.”

<sup>8</sup> Sâñetâ sâop. “Nâku yawuâk. Nâñe âlâhât sâtñât âi yu mem gaman yakât ki ekyongowom.” Yawu sâop.

*Wain kalam ambonahâlen hâum sâop.  
(Mataio 21:33-46 Mareko 12:1-12)*

<sup>9</sup> Yesuñe den âlâen hâum yuwu sâm ekyongop. “Lok pato âlâñe wain kâmetñet sâm nep

lok meyehop. Meyekmu ari dâmân sâhâm hawamgum wain kâmetbi. Otmu wain toņe ya mem mendâreņetâ gewuapgât waņga hâwiwi. Âi ya tuhum tiņ pilâņetâ nep ya galemgunomai sâm katyekmâ ikņe âlâengen ari sâp kâlep manop.

<sup>10</sup> Ari sâp kâlep manmu wain kehetņe ya puru pato kinmâ hululuņ sâop. Yawu otmu amboņaņe ikņahât hâruhuniņet sâm hoņ bawa âlâ yakembâek hâņgângumu takaop. Takamu wain galemņe manbiņe kum watņetâ âwurem ariop.

<sup>11</sup> Âwurem arimu yawuâk kalam amboņaņe hoņ bawa âlâ hâņgângumu takaop. Hâņgângumu takamu arimu yâk gurâ yawuâk kum mem âlâlâ tuhuņetâ âwurem ariop.

<sup>12</sup> Âwurem arimu yawuâk kalam amboņaņe hoņ bawaņe kalimbunę hâņgângumu takamu yawuâk mâņgâeņetâ âwurem ariop.

<sup>13</sup> Âwurem arimu kalam amboņaņe “Giratbe” sâm nâņgâop. Nâņgâmu tetemu biwiņaņe yuwu nâņgâop. “Nine nanne ombe bisine hâņgângumune arimu ekmâ yanâmâ ewe katnomai.” Biwiņaņe yawu nâņgâm ikņe nanņe hâņgângumu takaop.

<sup>14</sup> Hâņgângumu takamu ekmâ yuwu sâwi. “Bâe, yuâmâ patonenņe ikņe nanņaņe takap. Âwâņe mumu yan kalam yuâmâ yâkņe ambokuwuap. Yakât otmâ kumunņe muâk. Kumunņe mumu yanâmâ kalam yuâmâ nengât otbuap.” Yawu sâwi.

<sup>15</sup> Yawu sâm kum kekae topņehen pilâņetâ iop. “Yawu otņetâ kalam amboņaņe taka girawu otbuap?

<sup>16</sup> Yâkņe taka yongomu muņetâ lok ondop meyekmâ kaweyenjan katyekmu kinnomai.”

Yawu sâop.

Yawu sâm ekyongomu nângânetâ porap otmu “Yawu ki otyingiwuap yakâ” sâwi.

17 Yawu sânetâ yuwu sâm âiyongop. “Anitâhât poropete âlâne den kulemguop yukât topne eknohonetâ nângâwe.

“Nep lokne emet tuhum nak âlâ eknetâ bâlemu mem ketetbi. Mem ketetbi ya Anitâne lâum kânângâmu kuhupin kârikne otmâ kinsap.” Yawu kulemguop tap.

18 Yâhâ lok âlâ me âlâne kuhupin yu ekmâ betbanjinomai yamâ hâhiwin nângânomai. Yawu gârâmâ kuhupin yu putuk sâm kionmâ yongowuap yamâ dâk dâk hutuk yongomu munomai.” Yawu sâop.

*Anitâhât pat sâm yu ya katmunne tatmap ya wajnom.*

*(Mataio 22:15-22 Mareko 12:13-17)*

19 Yesu den âlâen hâum sâop yu hotom uminiwi ya yengât kunlipyene otmu Mosehât girem den kâsikum yingiminiwi ya yengât topyene miop. Yakât nângânetâ biwiyenan tâlimu Yesu mem pâi emetnan katne sâm otbi. Yawu otbi yamâ lohimbi dondâ yan kinbiye Yesuhât nângânetâ yahalop. Yakât otmâ yâk yengât nângâm gorâyngimu pilâm Yesu den sâm tâpikguwuap nângâm yakât ekmâ kinbi.

20 Yâhâ Yesu sâm tâpikguwuap yanâmâ mem Roma lok yengât bâtyenan katnetâ yâkneâmâ mem pâi emetnan katnetâ talâkgât nângâm lok perâkne nombotne meyekmâ tewetsenye yingim enгыaten gewi. Enгыaten genetâ yâkne

Yesuŋe den sâŋ tâpikguâkgât yâkâlen ari topyene kurihiakmâ yuwu sâŋ âikuwi.

21 “Bawapi, gâhât topge nanŋain. Gâŋe den imbiâk ki sâmat. Den sâmat yamâ nânŋâmunŋe bonŋeâk otmap. Otmu lohimbine gâhât girawu nânŋâhihai yakât nânŋâm ki gorâhihimap. Gâŋe lok âlâhât nânŋârâ yahatmu âlâhât nânŋârâ gemu yawu ki otmat. Otmu manman girawu manmunŋe Anitâŋe nenekmu ârândânŋ otbuap yakât den tâŋ tâŋâk eknongomat.

22 Yakât otmâ wuân me wuân otnom yakât sârâ nânŋâne. Roma lok âlâŋe kunnenŋe mansap, kutŋe Sisa sâŋ, yâhâmâ haoŋmâ ârândânŋ takesi waŋmain. Yawu gârâmâ yawuâk waŋmâ yâhânom me bia? Yakât sârâ nânŋâne.”

23 Yawu sâŋ âikuŋetâ biwiyenahât topŋe nânŋâm yuwu sâŋ ekyongop.

24 “Kât nanŋe âlâ mem nihiŋetâ ekbe.” Yawu sâop.

Yawu sâmu waŋetâ mem tiripyongom yuwu sâop. “Kât nanŋe yu ekŋet. Âlâhât towat kât nanŋe yuân tap? Me âlâhât kutŋe tap?” Sâmu sâwi. “Roma lok patonenŋe, kutŋe Sisa, yakâ.”

25 Sâŋetâ sâop. “Sisahât pat sâŋ sâsâŋe sâŋ yu ya katŋetâ tap otmuâmâ yâk waŋnomai. Yâhâ Anitâhât pat sâŋ katŋetâ tatmap yâk waŋnomai.”

26 Yawu sâŋ ekyongomu nânŋânŋetâ sâtŋe otmu den biaek kinbi. Yawu otmâ Yesuŋe lohimbisenyenjan kinmâ sâŋ tâpikgumu mem Roma lok yenŋât bâtyenjan katne sâŋ otbi yamâ pâpgum pilâm ariwi.

*Anitâŋe mumuŋambâ mem yahatnenekbuap.  
(Mataio 22:23-33 Mareko 12:18-27)*

27 Sarukaio lok yuwu nâŋgâmai. “Anitâŋe mumuŋambâ mem yahatnenekbuapgât dop âlâ ki tap. Yakât otmâ mumunŋe pesuk sâmap.” Yawu nâŋgâmai. Yâkŋe yakât topŋe nâŋgânehât Yesuhâlen ari yuwu sâm âikuwi.

28 “Bawapi, angoân Moseŋe den kulemguop ya yuwu tap.

“Lok âlâŋe imbi âlâ memu naom ki mewangimu lok ya mumbuap. Mumu imiŋaŋe yâkât kambut ya galemgum yâkât welâmân nimnaom mem ga katyekbuap.”

Moseŋe yawu kulemguop tap. Yakât topŋe sâm eknongohât yuwu sâmunŋe nâŋgâ.

29 Imi ata nombolân yâhâp manbi. Manmâ angoân atayeŋe kunŋaŋe imbi memu imbiŋaŋe naom ki mewangimu inâk manmâ muop.

30 Mumu imiŋaŋe atañahât kambut ya mem manmâ yâku inâk muop.

31 Otmu imiyetŋaŋe kambutyetŋe ya mem manmâ yâku yawuâk naom barahâk muop. Otmu imi ata ya hârokŋe kambutyetŋe yawuâk mem manmâ inâk muwi.

32 Aiop, kambutyetŋe yâku yawuâk muop.

33 Imi ata nombolân yâhâp ya kerekŋe imbi ya mewi. Gârâmâ sâp pato tetemu Anitâŋe mumuŋambâ mem yahatnenekbuap yanâmâ imbi yamâ âlâŋe membuap.” Yawu sâwi.

34 Sâŋetâ sâop. “Hânân yuân imbi aŋgi guŋgi otmâ miakmâ manmai.

35 Yâhâ Anitâŋe lohimbi mumuŋambâ mem yahatyekmu manman kârikŋan mannomai. Sâp

yanâmâ himbimân Anitâhât anelolipnaje ki miak-  
mai ya yengât dop otmâ yeje iknjiâk iknjiâk manno-  
mai.

<sup>36</sup> Anitâje nine nanne baratne sâmb lohimb  
meyekmu anelolipne yengât dop otmâ manman  
kâriknjan mannomai.

<sup>37</sup> Yâhâ Anitâje mumunambâ mem  
yahatyekbuap yakât topne yuwu sâmbune nângânet.  
Nak topnan kâlâp semu laj laj sâop yakât den  
pat Moseje kulempuop. Den kulempuop yan  
Kutdâhât yuwu kulempuop. “Yâhâmâ Awaraham,  
otmu nanje Isaka, otmu sesene Yakop yâk yengât  
kunyene tatmâ gamap.” Yawu kulempuop tap.

<sup>38</sup> Den kulempuop yakât topneâmâ yuwu.  
Emelâk nengât tâmbâlipnenne manmâ gawi. Otmu  
yapâ torokatmâ manmâ ganjetâ ganjetâ benje  
nen yu mansain yu. Otmu gâmbâlâk nengât sen  
tetem mannomai. Nen kerek nengât kunnenne  
yamâ Anitâ. Topne yawu tap. Yamâ yeje den ya  
nângânetâ keterakyinjimbâp.” Yawu sâop.

<sup>39-40</sup> Yawu sâmbu den âlâhât ekune sâmb otjetâ  
umatne otmu pilâm Mosehât den kâsikum  
yinjiminiwi nombotnaje yuwu sâmb ekuwi.  
“Bawapi, den purik pilâningim eknongoat yakât  
nângâmunne ârândâne oap.” Yawu sâmb ekuwi.

*Anitâje hângângumu gewuap sâmbiniwi yakât  
Yesune âiyongop.*

*(Mataio 22:41-46 Mareko 12:35-37)*

<sup>41</sup> Yawu gârâmâ Yesune yuwu sâmb âiyongop.  
“Anitâje hângângumu ge tihitnenne otbuap yamâ  
Dawitihât senâmbâ tetewuap.” yawu sâmbi.

<sup>42</sup> Yawu gârâmâ Dawiti iknjak yuwu sâop.



“Anitâñe nâhât patone yuwu sâm ekuop.

<sup>43</sup> Gâñe nâhât gotnan ga kinmâ nâhât hañit mem kasalipge yongom mem ge katyekbuat.”  
Yawu sâop.”

<sup>44</sup> Dawitiñe den yawu sâop yakât yuwu sâmune nâñgâñet. Anitâñe hâñgâñgumu gewuap yakât Dawitiñe yuwu sâop. “Yamâ patone,” sâop. Yawu gârâmâ yeñeâmâ “Yâkñe hâmbâi ge galemnon-gowuap,” sâmai. Den sâmai yamâ Dawitiñe den sâop ya orop ki lâuaksawot. Yakât nâñgâñmune keterahâkgât yeñe eknohoñetâ nâñgâwe.” Yawu sâop. Yawu sâm âiyongomu matñe sâne sâm hâum pâpñum pilâwi.

*Mosehât girem den kâsikum yingiminiwi ya Yesuñe sâm ge katyehop.*

*(Mataio 23:1-36 Mareko 12:38-40 Luka 11:37-54)*

<sup>45</sup> Yâhâ lohimbi yan kinbiñe denñe nâñgâñ biwi golâek manñetgât den kârikñan yuwu sâm hoñ bawalipñe ekyongop.

<sup>46</sup> “Lohimbi nombotñane nenekñetâ yahalâkgât Mosehât girem den kâsikum ningimainñe sâñgumyeñe kâkâlep mânunjakmâ yañe holuñ holuñ sâmu yâhâm gemai. Otmu yeñahât nâñgâñetâ yahatmu miti emetñan yâhâ senñanâk tatnehât nâñgâñmai.

<sup>47</sup> Yawu otmai yamâ imbi kambut emetyeñambâ watyekmâ senñe âlâlâyeñe kombo meyingimai. Yawu otmâ topyeñe kurihiakmâ lohimbi senyeñan kinmâ Anitâ hâkyeñañak mepaemai. Yawu otmai yakât otmâ Anitâñe matñe amokñan yingimu menomai. Yâk yeñgât topyeñe yawu tap yakât

otmâ yâkne biwiyen an kionmaihât biwiyene galemahom mannomai.” Yawu sâ m ekyongop.

## 21

*Imbi kambut âlâne nanne kurin kurin yâhâp kalop.*

*(Mareko 12:41-44)*

<sup>1</sup> Yawu sâ m ekyongomâmâ Yesune senne pilâm lohimb i iri sikumyene pato tatyngiopne tewetsenne mem kondoân katmâ arinetâ yehop.

<sup>2</sup> Katmâ arinetâmâ imbi kambut âlâ senne âlâlâhât umburuk otmâ manopne tewetsenne nanne kurin kurin yâhâp mem yâhâ kalop.

<sup>3-4</sup> Katmu Yesune ekmâ hon bawalipne yuwu sâ m ekyongop. “Lok iri sikumyene pato tatyngiapne tewetsenne nombotneâk katsai. Yâhâ imbi kambut yuneâmâ nanne kurin kurin yâhâp kârikne tatbangimap ya bâine katsap. Yakât otmâ Anitâne imbi kambut yu ekm u âilon go oap.” Yawu sâ op.

*Kasalipyenane taka opon kâmbukne huhum iton gala menomai.*

*(Mataio 24:1-2 Mareko 13:1-2)*

<sup>5</sup> Yawu sâ mu lohimb i kinbi nombotnane opon kâmbukne eknetâ âilon go otmu yuwu sâ wi. “Anitâhât opon kâmbukne yu senne âlâlâ kâriknanak tuhuwi yu ekmunne âilon go lon go otmâ sem sreakmâ iap.”

<sup>6</sup> Yawu sâ netâ Yesune yuwu sâ m ekyongop. “Opon kâmbukne yu eknetâ âilon go lon go oap yuâmâ hâmbâi kasalipyenane taka huhum iton

galaŋ mem senŋe âlâlâ kâlehen tap yu mem ihilâk mahilâk tuhunomai.” Yawu sâop.

*Umatŋe topŋe topŋe teteyiŋgiwuap yakât Yesuŋe sâop.*

*(Mataio 24:3-14 Mareko 13:3-13)*

<sup>7</sup> Sâmu sâwi. “Bawapi, gâŋe opon kâmbukŋahât den eknongoat yakât bonŋe sâp girawuân tetewuap? Otmu tetewe sâm otbuap yan wuân kulem tetemu ekmâ nâŋgâmunŋe keterakningiwuap?” Yawu sâwi.

<sup>8</sup> Sâŋetâ sâop. “Lok nombotŋaŋe taka den perâkŋe yuwu sâm kâityongonomai. “Nâmâ Anitâŋe hâŋgânnohomu ge mansan,” yawu sânomai. Me yuwu mon sânomai. “Sâp pesuk sâwomap. Yakât otmâ nâhâlen torokatmâ tem lâunihinjetâ nep menom,” yawu sânomai.

<sup>9</sup> Otmu sâp yan kapam gotyeŋan me kâlepŋehen, me wosapâ wosapâ tetewuap yakât nâŋgâm ki gorâyiŋgiwuap. Yawu tetemu yanâmâ “Anitâŋe emelâk sâm kalop yakât bulâŋe teteap,” yawu nâŋgânomai. Otmu kapam topŋe topŋe tetemu yan yeŋe nâhâitŋe “Getek âwurem gewomap,” yawu ki nâŋgânomai.

<sup>10</sup> Anŋoân lohimbi hânŋan kulemŋan mansai dondâhâlâkŋe kasa oraŋim ahonomai.

<sup>11</sup> Otmu himbimâmbâ kulem topŋe topŋe tetemu yan umatŋe âlâlâ yuwu teteyiŋgiwuap. Hânŋan kulemŋan mososŋ awawi guwawi membuap. Po pato teteyiŋgiwuap. Mesek topŋe topŋe teteyiŋgimu lohimbi dondâhâlâkŋe munomai.

<sup>12</sup> Yawu gârâmâ umatŋe âlâlâ sâm aran yu ki tetewuap yan mitihât kasaŋe nâhât den pat âlepŋe

nângâñetâ gemu hakyenjan sâm den âiân katyeknomai. Den âiân katyekmâ mem âlâlâ tuhuyekmâ hâhiwin yinginomai. Otmu yeñe miti emetñan yâhâ nâhât den pat âlepñe ya ekyongonjetâ yâkñe nâñgâñetâ ki bulâñe otbuap. Yawu otmâ meyekmâ lok kunlipyenjan den sâm hâreyingñetgât yâk yengât senyenjan katyekñetâ kinnomai.

<sup>13</sup> Yâk yengât senyenjan kinmâ yeñe nâhât den pat âlepñe sâm tetem ekyongonomai.

<sup>14</sup> Sâp yan “Den mâtâpñe girawu watmâ ekyongomunñe nâñgâñetâ keterakyingñiwuap” yakât ki nâñgâm gorâyingñiwuap.

<sup>15</sup> Sâp yanâmâ nâñe den âlâlâ nâñgân nâñgânyenjan katmune lauyeñe hewewen otmu den pat âlepñe sâm kusânmâ ekyongonomai. Sâm kusânmâ ekyongonjetâ kasalipyenjan denyenjan ya kuyingine sâm hâum pâpñgunomai. Yakât ki nâñgâm kiwilinj otnomai.

<sup>16-17</sup> Sâp yan yeñe nâ orop biwinenjan kepeakmâ konohâk otmu mannomai yakât nâñgâm âwâ mâmâlipyeñe, imi atalipyenjan, wârâ toulipyenjan, hep torehenlipyenjan, bukulipyenjan, otmu lohimbî kerekñe nâñgâyingñetâ gemu hakyenjan sâm den âiân katyeknomai. Den âiân katyekmâ nombotñe yongonjetâ munomai.

<sup>18-19</sup> Yawu otyingñetâ yanâmâ hâkyenjan ki biuk sâwuap. Yeñe kârihem kinmâ ki betnohonomai yanâmâ Anitâñe meyekmâ manman kârikñan katyekmu mannomai.” Yawu sâop.

*Yerusalem kapi itit kiom tuhujetâ kâwurumñajak kinbuap.*

*(Mataio 24:15-21 Mareko 13:14-19)*

20 Yesuņe torokatmâ yuwu sâm ekyongop. “Kasalipyene yeņgât hep bero kiņgitņe orowâkņe taka Yerusalem kapi hawamgum kinņetâ kapi ambolipņane yekmâ yuwu nâņgânomai. “Nongom itit kiom tuhunenekne sâm takai mon?” Yawu nâņgânomai.

21 Yerusalem kapi hawamgum kinņetâ yekmâ Yuraia hânân kapi tatmâ arap ya ambolipņane pilâm itoņ galan otmâ hewukņehen ari misiņguraknomai. Otmu Yerusalem kapi ambolipņane gurâ yawuâk sururuk sâm ari misiņguraknomai. Yâhâ nep tuhuakmâ mannomaiņe âwurem taka kapiân iri sikumyene miaknehât ki nâņgânomai. Yekmâ yapâek hewukņehen ari misiņguraknomai.

22 Sâp yan Yura lohimbiņe otņetâ bâlemap yakât matņe menomai yakât nâņgâm emelâk emet inânņan miti pepaen kulemgowi.

23 Imbi tepdâ umat karat mannomai, otmu ņaņa hewâk hewâhâk mem hikakmâ manņetâ wâtyeņe ki tiņ tiņ sâwuap yaņe hewukņehen arine sâm otņetâ ki ihiwuap. Sâp yan umatņe pato nandoroņe kakyeņan yâhâwuap.

24 Nombotņe yongoņetâ munomai. Yâhâ nombotņe âlâmâ hikum meyekmâ kapi âlâengen ariņetâ hoņ bayiņgim mannomai. Yawu otyiņgim Yerusalem kapi itit kiom tuhuņetâ kâwurumņanak kinbisâp yakât Anitâņe sâm kalop. Yâhâ Anitâņe nâņgâyiņgimu âlâkuâk âwurem taka kasalipyene watyekņetâ ariņetâ kapiyene ya mem miwirikunomai.” Yawu sâop.

*Yesuņe âwurem gewe sâm otbuap yan kulem topoņe*

*topņe tetemu eknom.*

*(Mataio 24:29-31 Mareko 13:24-27)*

<sup>25-26</sup> “Umatņe topņe topņe tetewuap yanâmâ hilâmgât emetsenņe, omoņgât emetsenņe, pitu âlâlâ himbimâmbâ pek sâm geņetâ kulem topņe topņe tetemu ekmâ kiņgityeņahât otmâ “Wosapâ ari misiņguraknom,” sâm tepyeņe hârok hindânomai.

<sup>27-28</sup> Kulem yawuya tetewuap yan nâņe âwurem ge meyekmâ manman kârikņan katyekmune mannomaihât sâpņe tâlâhuap sâm senyeņe ewaken pilâm nâ neknomai. Sâp yanâmâ Anitâņe yâhâpņe hâņgânohomu elem kulewoņboņ kakņambâ gemune kulem âlâlâ tetewuap yan wâtne pato tetemu ekņetâ ae seņ seņ otbuap.

*Bândup baiako yakât dop.*

*(Mataio 24:32-35 Mareko 13:28-31)*

<sup>29-30</sup> Sâp yan âwurem gewom yakât nâņgâņetâ keterahâkgât den âlâen hâum sâwe. Nenâmâ bândup baiako ya huhuakmu ekmâ yanâmâ “Emet kinbe sâm oap,” sâmain.

<sup>31</sup> Yakât dopņeâk hâmbâi den yan yukât bulâņe tetemu ekmâ yuwu sânomai. “Âo, yu Yesuņe emet inânņan den eknongop yakât bulâņe tetemu ek-sain.” Yawu sânomai.

<sup>32</sup> Otmu den yan yuâmâ lohimbi âun yu mansai ki muņetâek bulâņe tetewuap. Yakât yuwu sâwe. Den yan yukât bulâņe bulâņanâk tetewuap.

<sup>33</sup> Yâhâ hân himbim pitu âlâlâ emelâk Anitâņe kalop ya biatmâ metewuap. Yawu gârâmâ nâhât den yamâ ki biatbuap. Yamâ tat tat kârikņe tatmâ yâhâmbisâp.” Yawu sâm ekyongop.

*Biwi golâek mannom.*

34-35 Otmu Yesuŋe torokatmâ yuwu sâŋ ekyongop. “Gakom katŋetâ seloŋe ga goka nem gakom ya kum pesuk pilâmu dâk dâk hutuk kumap yakât dopŋeâk nâŋe pârâk sânsânâk tetem gemune yanâmâ lohimbi kerekŋe otmai memai yakât matŋe Anitâŋe yingimu menomai. Yakât otmâ yeŋe to kârîkŋe ki nem biwi hâlim otnomai. Me sot kâle, soŋgo bau, me senŋe âlâlâ topŋe topŋe miakmâ manman sânduhân manne sâŋ yakâlâk biwiyenŋe ki hikum mannomai.

36 Yawu otmâ manmâ umatŋe topŋe topŋe teteyingimu biwiyenŋe orotok sâmu loholemai hât biwi golâek manmâ Anitâhâlen biwiyenŋe kepeim ulitgum mannomai. Yawu manŋetâ nâŋe âwurem ge lohimbi biwiyenahât topŋe ekmâ nâŋgâm den sâŋ hâreyingiwom yanâmâ yeŋe ki aŋulaknomai.” Yawu sâŋ ekyongop.

37-38 Yâhâ omoŋânâk ârândân lohimbi kiŋgitŋe orowâkŋe Yesuhât denŋe nâŋgâne sâŋ opon kâmbukŋan yâhâ tatŋetâ den kâsikum yingim gaop. Yawu otmâ emet ŋiŋ sâowân kapi ya pilâm Oliwa pumŋan kapi âlâ tap yan yâhâ iminiop.

## 22

*Yesu muâkŋat den sâŋ hikuwi.*

*(Mataio 26:1-5,14-16 Mareko 14:1-2,10-11 Yoane 11:45-53)*

<sup>1</sup> Otmu Natik Hombaŋ ya tâlâhuop. Otmu hombaŋ yakât kutŋe âlâmâ “Tihit tihit Hombaŋ” yawu sâmai.

<sup>2</sup> Hombaŋ ya tâlâhumu yanâmâ hotom uminiwi ya yeŋgât kunlipyenŋe otmu Mosehât girem den

kâsikum yingiminiwiŋe menduhuakmâ Yesu kumunŋe mumbuap sâŋ yakât den hikuwi. Yawu gârâmâ Yesu mem kuŋetâ mumu lohimbiŋe ekmâ kuk otmaiŋat yok pilâm lohotŋan mem kuŋetâ mumbuap yakât den hikuwi.

*Yurasiŋe Yesu betŋehen kionŋbuapŋât sâop.*

<sup>3-4</sup> Otmu sâp yan Yesuhât hoŋ bawalipŋe kâiân yâhâp yâk yengâlen gâtŋe âlâ, kutŋe Yurasi sâŋ, yâkât biwiŋan Satanŋe kionŋop. Satanŋe biwiŋan kionŋmu hotom uminiwi yengât kunlipyeŋe otmu opon kâmbukŋahât tembe lâu yengât kunlipyeŋe yengâlen ariop. Ari Yesu menomai yakât ekyongop.

<sup>5</sup> Ekyongomu nâŋgâm heronŋe otmâ hâmeŋe waŋnomai yakât ekuwi.

<sup>6</sup> Otmu girawu tuhum yok pilâm meŋetâ lohimbiŋe ki eknomai yakât nâŋgâm manop.

*Yesu hoŋ bawayâhâtŋe sot um mem dinŋan tuhuowot.*

*(Mataio 26:17-25 Mareko 14:12-21 Yoane 13:21-30)*

<sup>7</sup> Natik Hombaŋ ârândâŋ lama nanŋe gâim katmâ Anitâhât hotom uminiwi.

<sup>8</sup> Sâp ya tetemu Yesuŋe Petoro yet Yoane yuwu sâŋ ekyotgom hâŋgânyotgop. “Yetŋe kulet sâŋ Yerusalem kapiân yâhâ sot umutâ gamunŋe orowâk nenom.”

<sup>9</sup> Sâmu sâowot. “Emet wosan ari sot umutŋe semu gaŋetâ orowâk nenom?”

<sup>10</sup> Sâmutâ sâop. “Kapiân yâhâmutâ hoŋ bawa lok âlâ âsâpŋe lâuakmâ arimu ekdomawot. Lok ya ekmâ betŋan watmâ ari emet âlâen yâhâmu ekmâ yan yâhâromawot.



11 Yâhâmâmâ emet yakât amboņe yuwu sâm ekuromawot. “Nengât bawapinenņane yuwu yap. “Nâņe hoņ bawalipne meyekmune emet yukât biwiņe âlâen tatmâ sot um nenom.” Yawu yap yakât otmâ emet biwiņe ya tiripnotgorâ ekde,” yawu sâm ekuromawot.

12 Yawu sâm ekumutâ lok yaņe dâiyelekmâ emet biwiņe âlâ mem henģenģuņetâ tap ya tiripyot-gowuap. Tiripyotgomu yanâmâ senģe âlâlâ mem dinņan tuhuromawot.”

13 Yawu sâm hâņgânyotgomu yâhâowot. Yâhâ Yesuņe den ekyotgop watmâ senģe âlâlâ mem dinņan tuhuowot.

*Yesuņe hoņ bawalipņe orop sot newi.*

*(Mataio 26:26-30 Mareko 14:22-26 1 Korinti 11:23-25)*

14 Mem dinņan tuhumutâ emetsâpņe otmu yan Yesuņe hoņ bawalipņe nombotņe meyekmu yâhâ sot newi.

15 Nem tatņetâ Yesuņe yuwu sâm ekyongop. “Sâmune nâņgâņet. Anitâhât den ki lâum manmaine menekmâ Roma yeņgât bâtyeņan katneķņetâ yâkņe mem âlâlâ tuhunekņetâ sâtgum mumbom. Yakât otmâ aņgoân yen orop tatmâ lau konok sot nem buku oraņgim mannongât nâņgâm biwinane mem manmâ gan.

16 Yâhâ hâmbâi Anitâņe hâņgânnohomu âwurem gewom yanâmâ nâhât âine yakât bulâņe bâiņe tetewuap. Sâp yanâmâ nenģe menduhuakmâ orowâk tatmâ sot nem yâhânom.”

17 Yawu sâm wain to mem Anitâ mepaem yiņgim yuwu sâm ekyongop. “Wain to yu mem gâim aņgim neņet.

18 Nâñe sâp yupâek wain to yu yen orowâk tatmâ ki nem yâhâwom. Yamâ benñe nenomain yuñak ki pesuk sâwuap. Hâmbâi Anitâñe hângânnohomu âwurem gewom yanâmâ yen orowâk tatmâ nem yâhâmbisâin.

19 Otmu banja mem Anitâ mepaem motokmâ yingim yuwu sâm ekyongop. “Yu mem anjim neñet. Yuâmâ nâhât sunumne yawu oap. Nâñe yengât matyeñe membom. Yakât otmâ sâp sâsâñan banja nem yâhânomai yan nâ nângânihim manno-mai. Yawu sâm mem yingimu newi.

20 Sot nem tiñ pilâñetâ Yesuñe wain to ya yâhâpñe mem yingim yuwu sâm eknongop. “Wain to yuâmâ nâhât hepne yawu oap. Gârâmâ nohoñetâ hepne gemu mumbom yan Anitâñe nâhât den sâm kalop yakât bulâñe tâñ tâñâk tetewuap. Yawu otmâ Anitâñe lohimbi kerek yengât tosayeñe pilâyingiwuapgât mâtâp tetem henñeñguwuap.

21 Yawu gârâmâ yengâlebâ lok âlâñe betnehen kionmâ kasalipne yengât bâtyeñan mem katnekuap.

22 Nâ lok bulâñe nohoñetâ mumbom ya Anitâñe sâm kalowâke yamâ lok yañe yawu otnihiwuap yakât matñe Anitâñe matñe umatñe wañmu membuap.” Yawu sâop.

23 Yawu sâm ekyongomu topñe nângâne sâm “âlâhât yap” sâm âiahowi.

*Yesu hoñ bawalipñe sâm kuanñiwi.*

24 Yesu hoñ bawalipñe yengâlen gâtñe âlâ me âlâñe sâp patoen kunyeñe pato otbuap yakât sâm kuanñiwi.

25 Sâ m kuanġinġetâ Yesuġe den âlâen hâum yuwu sâ m ekyongop. “Lok papatolipyenġe nâ ngâmai dopġan lohimbi galemyongomai. Galemyongonġetâ lohimbiġe yâ k yengâ t amutyenġan manmâ “Kutdâlipnenġe” sâ m heronġe nâ ngâyiġimai.

26 Papatolipyenġe otyiġimai yawu yeġeâmâ ki otnomai. Yeġâlen gâtġe âlâ me âlâ bukulipyenġe yengâ t nâ ngâyiġinġetâ yahalâkgâ t yeġe meġetâ huruġ huruġ otmu yâ k yengâ t amutyenġan mannomai. Otmu yeġâlen gâtġe âlâ me âlâġe bukulipyenġe yengâ t kunyeġe pato tatne nâ ngâmaiġe bukulipyenġe yengâ t hon bayiġinomai.

27 Sâ ġetâ nâ ngâwe. Lok girawuya yengâ t lohimbiġe nâ ngâyiġinġetâ yahatmap? In tatmâ sot nemai ya yengâ t nâ ngâyiġinġetâ yahatmap me sot, sot um hon kakolonġ otyiġimai ya yengâ t nâ ngâġetâ yahatmap? Bulâġanâ k in tatmâ sot nemai ya yengâ t nâ ngâyiġinġetâ yahatmap yakâ. Yawu gârâmâ nâ ġeâmâ hon bayiġiman.

28 Nâ hâhiwin kakġan manmâ gamune yeġe ki pilânekmâ âlâengen arai.

29 Yakâ t otmâ sâ p patoen nâ ġe tihityenġe otmâ galemyongowomgâ t pat awonġaġe kunihio p. Yakâ t dopġeâ k yeġe Isirae lohimbi komot kâiân yâ hâ p ya galemyongonomaihâ t nâ ġe nep sâ m yiġian.

30 Sâ p patoen orowâ k tatmâ nenom. Yanâmâ yeġe Isirae lohimbi komot kâiân yâ hâ p ya yengâ t den sâ m hâreyiġinomai ya sâ m yiġian.” Yawu sâ op.

*Petoroŋe betbaŋgiwuap yakât Yesuŋe sâop.*  
*(Mataio 26:31-35 Mareko 14:27-31 Yoane 13:36-38)*

<sup>31</sup> Yawu sâm ekyongom benŋe Simon Petoro yuwu sâm ekuop. “Simon, den âlâen hâum yuwu sâmune nâŋgâ. Matuk mendâremunŋe toŋe gemu helekŋe mem pilâmunŋe arimap yakât dopŋeâk Satanŋe topyeŋe mem tetewe sâm hâhiwin yinŋgiwuapgât Anitâ ekuop.

<sup>32</sup> Ekumu Anitâŋe nâŋgâwaŋgim ya sâm kalop. Yawu gârâmâ biwiyenŋe houŋ sâmapgât Anitâ ulitguwan. Ulitgumune yakât otmâ gâ gikiâk betnohowuat. Yawu otmâ sâp ki kâlep otmuâk nâhâlen biwihane tinâk kepeim bukulipge mem hewewenŋe tuhuyekbuat.” Yawu sâop.

<sup>33</sup> Yawu sâmu Petoroŋe yuwu sâm ekuop. “Kutdâ, gâ pâi emetŋan katgekŋetâ tatbuat yamâ nâ orowâk yan tatdomgât naŋgan. Me gâ gohoŋetâ mumbuat yanâmâ nâ orowâk notgonomaihât naŋgan. Nâŋe gâ ki pilâhekmâ ariwom.”

<sup>34</sup> Sâmu sâop. “Petoro, yuwu sâmune nâŋgâ. Gâ betnohom ki nâŋgâwaŋgian sâm kurihiakbuat. Kurihiakdâ kalimbuŋe otmu gokorok isewuap.” Yawu sâop.

*Kapam yâhâp mem ariwi.*

<sup>35</sup> Yawu sâm ekum benŋe hoŋ bawalipŋe kerek yuwu sâm ekyongop. “Emelâk hâŋgânyongomune tewetsenŋe, itâkat, kâi katipŋe, senŋe âlâlâ barahâk ari den kâsikum yinŋgiwi sâp yan umburuk otmâ manbi me bia?” Sâmu sâwi. “Bia.”

<sup>36-37</sup> Sâŋetâ sâop. “Emelâk yawu otiâke yamâ yiwerenŋe yuâmâ tewetsenŋe, itâkat senŋe âlâlâ ya

miakmâ arinomai. Yâhâ emelâk emet inânjan nâhât nângâm den âlâ yuwu kulemgawi yakât bulâñe nâhâlen tetewuap. “Yâkât nângâñetâ lok bâleñe yawu oap.” Den yakât bulâñe nâhâlen tetewuap yakât otmâ yengâlen gâtñe âlâ me âlâ kapam ki tatyinjiap yâkñeâmâ yengât hâk katipñe tuhum pilâm yañe mem kapam puluhunomai.

<sup>38</sup> Sâmu sâwi. “Kutdâ, yu ek, kapam yâhâp tap.”

Sâñetâ sâop. “Pesuk yap, yakât denñe âlâ ki sâwe.”

*Yesuñe Oliwa pumjan yâhâ Anitâ ulitguop.  
(Mataio 26:36-46 Mareko 14:32-42)*

<sup>39</sup> Yâhâ Yesuñe omoñ ârândânâk Yerusalem kapi ya pilâm kapi âlâ Oliwa pumjan tap yan yâhâ iminiop. Yakât otmâ hoñ bawalipñe meyekmu Yerusalem pilâm Oliwa pumjan yâhâwi.

<sup>40</sup> Mâtâwân yâhâm tatñetâ hoñ bawalipñe katyekbe sâm yuwu sâm ekyongop. “Biwiyenñe houñ sâmu lohotñe otmâ pilânekmaihât Anitâ ulitgunjet.”

<sup>41</sup> Yawu sâm ekyongom pererñ pilâm bam gâtñane ge tatmâ Anitâ ulitgum yuwu sâop.

<sup>42</sup> “O awoñ, umatñe tetenihiwe sâm oap yu nângârâ ki teteâkgât nanjan. Yawu gârâmâ nâhât ombe watmâ ki otbuat. Gike ombeheâk watmâ otbuat.” Yawu sâm ekuop.

<sup>43</sup> Yawu sâm ekumu biwiñe houñ sâmapgât anjelo âlâñe himbimâmbâ ge mâmâñe otbangiop.

<sup>44</sup> Yawu otmu hâkñe biuk sâmu nângâm Anitâhâlen biwiñane tiñâk kepeim ulitguop. Ulitgumu ohowak birik birik kumu hep kâtñe papato

tirinj târâñ sâ m gemu ekmain yakât dopñe tirinj târâñ sâ m hânân giop.

<sup>45</sup> Yawu otmâ ulitgum tinj pilâm yahatmâ hoñ bawalipñe yengâlen ba yekmu biwiyene umatñe otmu yanjak aman pâlâmñe iwi.

<sup>46</sup> Aman pâlâmñe injetâ mândeyekmâ yuwu sâ m ekyongop. “Yen wongât aman pâlâmñe iai? Lo-hotñe otmâ pilânekmaihât yahatmâ golâek tatmâ Anitâ ulitgunjet.” Yawu sâ op.

*Yesu mewi.*

*(Mataio 26:47-56 Mareko 14:43-50 Yoane 18:3-12)*

<sup>47</sup> Yawu sâ m ekyongomu bukuyene âlâ, kutñe Yurasi, yâkñe lok sesengâlâk dâiyekmu takawi. Takanjetâ Yurasi kulet sâyinjim Yesuhâlen ba parahuop.

<sup>48</sup> Parahumu Yesuñe yuwu sâ m ekuop. “Menekñetgât dop kum parahunekdâ ekmune bâleap.” Yawu sâ op.

<sup>49</sup> Yawu sâ m ekumu Yesu mem âlâlâ tuhumai sâ m hoñ bawalipñe yuwu sâ m âikuwi. “O kutdâ, nângâningirâ tewet mem lawityekne.”

<sup>50</sup> Yawu sâ ñetâ yâk yengâlen gâtñe âlâñe yahatmâ tewetñe mem hotom uminiwi ya yengât kunyenahât hoñ bawane ya ândâpñe bonângen ya topñambâek kârâm hâreop.

<sup>51</sup> Kârâm hâremu Yesuñe “Pilâñet,” sâ m kuyinjiop. Yawu sâ m kuyinjim hoñ bawa yakât ândâpñe ya mem katmu katarahop.

<sup>52</sup> Yawu otmâ hotom uminiwi ya yengât kunlipyene, otmu opon kâmbukñahât tembe lâu yengât kunlipyene otmu Yura yengât papatolipyene yekmâ Yesuñe yuwu sâ m

ekyongop. “Yen unam tewet otmu kapamgât sâtņe metņe âlâlâ lâum takai. Yeņe nâhât lok bâleņe sâm menekne sâm takai me? Me lok bâleņe âlâ kune sâm takai? Yu ekmune bâleap.

<sup>53</sup> Nâņe hilâm ârândâņ Anitâhât opon kâmbukņan yâhâ lohimbî den kâsikum yîņgim gaman. Yan bân menekbâi. Yamâ sâp yiwereņe yu Omoņgât Amboņaņe biwiyeņe mem hâlimgumu menekno-maihât Anitâņe sâm kalop.” Yawu sâop.

*Petoroņe Yesu betbaņgiop.*

*(Mataio 26:57-58,69-75 Mareko 14:53-54,66-72 Yoane 18:12-18,25-27)*

<sup>54</sup> Yesuņe yawu sâm ekyongomu hotom uminiwi ya yengât kunyeņe pato yâkât emelan dâim ariwi. Dâi ariņetâ Petoroņe yok pilâm betyeņan watyekmâ ariop.

<sup>55</sup> Yesu mem emelan yâhâņetâ tembe lâu yaņeâmâ emet hawiņan ba kâlâp uņetâ semu nâņgâm ikaiakmâ tatbi. Yâhâ Petoro yâku yawuâk kâlâp nâņgâm ikaiakmâ talop.

<sup>56</sup> Yawu tatņetâ hoņ bawa imbi âlâņe Petoro ekmâ yuwu sâm tembe lâu tatbi ya ekyongop. “Lok yuâmâ yâk orop manņetâ yekman.” Yawu sâop.

<sup>57</sup> Yawu sâmu Petoroņe kurihiakmâ yuwu sâop. “Lok enda ki nâņgâwanģian.” Yawu sâop.

<sup>58</sup> Yawu sâmu tatņetâ benņe lok âlâņe ekmâ yuwu sâop. “Gâ yâk orop manmat.”

Sâmu sâop. “Nâ bia.”

<sup>59</sup> Yawu sâmu sâp ki kâllep otmuâk benņe lok âlâņe ekmâ yuwu sâop. Yesuâmâ Galilaia amboņe. Otmu gâ gurâ yawuâk Galilaia gâtņe. Yakât otmâ

gâmâ yâkât komolân gâtje geksan. Nângâmune yawu oap.” Yawu sâop.

<sup>60</sup> Sâmu sâop. “Lok sâm tai endamâ bulânanâk ki nângâwanġian.” Yawu sâm oan mâne gokorok isiop.

<sup>61</sup> Gokorok isian mâne Yesu Kutdâne purik sâm Petoro ehop. Ekmu yan Yesuġe emet inânġan den yuwu sâm ekuop ya nângâmu teteop. “Gâne nâhât “ki nângâwanġian” sârâ kalimbuġe otmu yan gokorok isewuap.”

<sup>62</sup> Den ya nângâmu tetemu biwiġe ŋasinâk pato otmu pilâyekmâ ikġiâk ba kinmâ hik ŋâik ŋâihâk isiop.

*Yesu mem âlâlâ tuhuwi.  
(Mataio 26:67-68 Mareko 14:65)*

<sup>63</sup> Otmu tembe lâu nombotġe Yesu galemġum kinbiġe senġe sâhâm kâtâpġum ândâpġe huhuwi.

<sup>64</sup> Ândâpġe huhum nombotġane yuwu sâwi. “Bâiġ, ândâpġe âlâne huhuap?”

<sup>65</sup> Yawu sâm senġan gem hâim hilitbi.

*Yesuġe ikġe topġe sâm tetem ekyongop.  
(Mataio 26:59-66 Mareko 14:55-64 Yoane 18:19-24)*

<sup>66</sup> Yawu otġetâmâ emet haġ sâmu yanâk Yura yeġgât papatolipyenġe, otmâ hotom uminiwi ya yeġgât kunlipyenġe, otmu Mosehât girem den kâsikum yinġiminiwiġe menduhuakġetâ tembe lâulipyenġane Yesu mem yâhâ katġetâ kinmu yuwu sâm âikuwi.

<sup>67</sup> “Anitâne tihitnenġe otbe sâm hâġġangohomu ge mansat me bia?”

Sâġetâ sâop. “Nine topne sâm tetem ekyongomuneâmâ nângâġetâ ki bulâne otbuap.



68 Yâhâ den âlâ âiyongomuneâmâ yeŋe matŋe ki sânomai.

69 Yawu gârâmâ nâ lok bulânŋe pilâyekmâ himbimân yâhâwom. Himbimân yâhâ Anitâ yahat yahatŋe, Wâtgât Amboŋe, yâk orowâk tatdom.”

70 Yawu sâmu nânġâm pârâk pilâm yuwu sâm ekuwi. “Kutne “Lok Bulânġe” sâm gikak ahonakmat. Yakât nânġâmunġe “Anitâhât Nanġe” yawu oap. Yakât sârâ nânġâne. “Nâ Anitâhât nanġe mansan,” yawu sâmat me.”

Sânġetâ sâop. “Den yu yai yakâ. Nâmâ Anitânġe hânġânnohomu gewan.”

71 Sâmu sâwi. “Bâiŋ, den kâmbukŋe hâlililġe sâmu nânġâmunġe pesuk yap. Iknġahât nânġâmu yahat-sap.” Yawu sâwi.

## 23

*Yesu dâim Pilatohâlen ariwi.*

*(Mataio 27:1-2,11-14 Mareko 15:1-5 Yoane 18:28-38)*

1 Yawu sâm yahatmâ Yesu dâim Pilatohâlen ariwi.

2 Yâkâlen dâim ari katŋetâ kinmu yuwu sâm hakŋan sâwi. “Roma lok yeŋġât kunyeŋe pato yâk takesi ki waŋet” sâm lohimbi enġatyenġan gemap. Otmu iknġahât nânġâmu yahatmu yuwu sâm ekyon-gomap. “Nâ Kiristo, lok kutdâ. Ninak galemyon-gom manmâ yâhâwom.” Yawu sâm hakŋan sâwi.

3 Yawu sâm Pilato ekuŋetâ yâkŋe purik sâm Yesu yuwu sâm âikuop. “Yura lohimbi yeŋġât lok kutdâ sâmai ya ġa me?”

Sâmu sâop. “Oŋ, den bulânġe yat.” Yawu sâop.

<sup>4</sup> Yawu sâmu hotom uminiwi otmu lohimbiņe denņe nâņgâne sâmu ga kinbi ya Pilatoņe yuwu sâmu ekyongop. “Lok yukât tosa ki mem tetean.”

<sup>5</sup> Yawu sâmu iliwetmâ yuwu sâwi. “Yawu gârâmâ Galilaia Yuraia hânân kapi tatmâ arap yan lok yuņe yâhâm gem kapi ambolipņe den kâsikumu yingim eņgatyenjan gemu kuk kapam otmâ emet mem yâhâ katmai.” Yawu sâwi.

*Yesu dâim Herotgâlen ariwi.*

<sup>6</sup> Yawu sâmu Pilato ekunetâ yuwu sâmu âiyongop. “Lok yuâmâ Galilaia gâtņe me?”

<sup>7</sup> Sâmu sâwi. “Oņ, yan gâtņe.”

Sânetâ sâop. “Ya Herotgât wahap, nâhât bia.” Yawu sâop.

Sâp yan Herotņe Galilaia hân pilâm Yerusalem kapiân ari tatmâ nâņgâop. Yakât otmâ Pilatoņe ekyongomu Yesu dâim Herotgâlen ariwi.

<sup>8</sup> Yâhâ Yesuņe olop miop yakât den pat ya Herotņe emelâk nâņgâop. Yakât otmâ Yesuņe kulem âlâlâ tuhumu ekbeâk nâņgâm manmâ gaop. Yakât otmâ Yesu dâim yâkâlen arinetâ ekmâ tep âlep nâņgâop.

<sup>9</sup> Otmu den hakņan sâwi yakât âikumumu den biaek kinop.

<sup>10</sup> Den biaek kinumu hotom uminiwi otmu Mosehât girem den kâsikumu yingiminiwiņe yahatmâ kinmâ den topņe topņe hakņan sâwi.

<sup>11</sup> Yawu otņetâ Herotņe otmu tembe lâulipņe orowâk senņan gem hâim hilitbi. Yawu otņetâ Herotņe tembe lâulipņe ekyongomu hâk katipņe kâkâlep, kuriņ takop takop lok kutdâņe

mânunjakminiwi yawuya mem katbanġiwi. Yawu otbanġim Pilatohâlen dâim âwurem ariwi.

<sup>12</sup> Dâim âwurem ariġetâ ekmâ “Herotġe nânġânihiap,” sâmb Pilatone Herotġât nânġâmu yahatmu buku olowot. Yawu ġârâmâ emelâk emet inânġan kasa oranġim gaowot ya sâp yan pesuk sâop.

*Yesu den sâmb hârewanġiwi.*

*(Mataio 27:15-26 Mareko 15:6-15 Yoane 18:39-19:16)*

<sup>13</sup> Yâhâ Pilatohâlen dâim âwureġetâ hotom uminiwi ya yeġġât kunlipyeġe otmu Yura papatolipyenġe ya yeġġât den Pilatone katmu ikġe den sâsâ emetġan ari menduhuakbi. Menduhuakġetâ yan lohimbi inġe dondâhâlâkġe yekmâ denyenġe nânġâne sâmb ba hawamġum kinbi.

<sup>14</sup> Pilatone yuwu sâmb ekyongop. “Lok yuġe lohimbi yeġġât enġatyenġan ġemu kuk kapam otmai,” yawu sâmb yeġe nâhâlen dâim takai. Nâhâlen dâim takanġetâ senyenânâk âi pâi tuhum sâmb hârewanġim ekmune tosanġe bia oap.

<sup>15</sup> Yakât otmâ Herotġe sâmb hârewanġiâġġât yâkâlen hânġânyongomune dâim arai. Otmu yâkġe ġurâ âi pâi tuhumu biatmu benġe nâhâlen yâhâpġe mem takai. Bulânġanâk yuwu sâmbune nânġânġet. Lok yukâlen tosa âlâ ki mem tetean.” Yawu sâop.

<sup>16-17</sup> Tihit tihit Homban ârândânġâk Pilatone yuwu otminiop. Lok tosa otġetâ pâi emetġan katyekġetâ tatminiwi yapâ ġâtġe âlâ me âlâhât lohimbiġe nânġânġetâ dopġan otmu lok âlâ holanġbuat sâmbiniwi ya holanġyekmu ġeminiwi.

Yakât otmâ yuwu sâmb ekyongop. “Lok yu kumunje mumbuap yamâ tosa âlâ yâkâlen ki mem tetean. Yakât otmâ nângânihiñetâ tembe lâulipne ekyongomune hâhiwin wañetâ holañmune gewuap.” Yawu sâop.

18-19 Yâhâ sâp yan lok bâleñe âlâ, kutñe Barawa sâmb, yâkñe kapam ahowiân lok âlâ kumu muop. Yakât otmâ pâi emetñan mem katñetâ tadmâ gaop yakât lohimbi kerekñe den kârikñan halahum yuwu sâwi. “Barawa holañdâ giâk. Yâhâ Yesu yamâ kuñetâ muâk.”

20 Yawu sâwiâke yamâ Pilatoñe Yesu holañmu giâkgât nângâm âlâkuâk sâop. “Nâmâ Yesu holañbom.”

21 Yawu sâmb lohimbi yañe iliwetmâ den kârikñan halahum yuwu sâwi. “Yesu howanân kum kânângâñetâ muâk, Howanân kum kânângâñetâ muâk.”

22 Yawu sâñetâ Pilatoñe âlâkuâk yuwu sâmb ekyongop. “Wuân otmu bâleap? Nâñe âi pâi tuhum tosa âlâ yâkâlen ki mem tetean. Yakât otmâ tembe lâulipne ekyongomune hâhiwin wañetâ yanâmâ holañmune gewuap.”

23 Yawu sâmb kunyeñe kârikñe otmâ sâwi. “Howanân kum kânângâñetâ muâk.” Yawu sâñetâ Pilatoñe loholem lauyeñan miop.

24 Lauyeñan mem Yesu kuñetâ muâk sâmb sâmb hârewañgiop.

25 Yâhâ Barawahât nângâñetâ yahalop gârâmâ yâk holañmu giop.

*Yesu howanân kuwi.*

*(Mataio 27:32-44 Mareko 15:21-32 Yoane 19:17-27)*

<sup>26</sup> Pilatone tembe lâulipne ekyongomu Yesu dâim ariwi. Dâim mâtâwân arim tatjetâ lok âlâ, kutne Simon sâm, yâhâmâ Kirene hânân gâtne, newângembâ takamu mewi. Mem Yesuhât howan ya kamberjan katjetâ lâum Yesu betjan sâop. Otmu lohîbi dondâhâlâkne betyenjan watyekmâ ariwi.

<sup>27</sup> Yâhâ imbi nombotne Yesuhât we bâle nângâm dondâ isem orowâk ariwi.

<sup>28</sup> Isejetâ Yesune purik sâm yekmâ yuwu sâm ekyongop. “Nâhât ki isejet, yeje otmu nimnaomlipyene yenahât iseangjet.

<sup>29</sup> Hâmbâi umatne topne topne teteyingimu yuwu sânomai. “Bâe, imbi kâsi, imbi sihan, yâhâmâ naom barak mansai. Yakât otmâ yâk yengât nângâmunne âlepne oap. Nenjeâmâ girawu otmâ arinom.” Yawu sânomai.

<sup>30</sup> Yâhâ lohîmbi nombotnane punne yukât yuwu sânomai. “Bâok sâm kurihinenehâk. Otmu kât kândun kum kurihinenehâk.” Yawu sânomai. Yakât den âlâen hâum yuwu sâmune nângânet.

<sup>31</sup> Nâ nak golâ yakât dop oan, yenâmâ nak mumune yakât dop oai. Nak golâ ujetâ semu kâlingumap yamâ nak mumune ujetâ sem laj laj sâmap. Nâ nohojetâ mumbom yamâ yenâmâ yongom meteyeknomai. Yakât otmâ yenahât iseangjet.” Yawu sâm ekyongop.

<sup>32</sup> Yâhâ tembe lâulipyenane pet kulem lok yâhâp orowâk yongone sâm meyekmâ ariwi.

<sup>33</sup> Arim hân âlâ, kutne, Lok Kunne Hahitne sâm, yan ari Yesuhât hâk katipne tuhum pilâm ikne

howanân kum kânângânetâ kinop. Yawu otmâ pet kulem lok yâhâp ya yotgom lâum kânângâyeleknetâ nombot nombot kinowot.

<sup>34</sup> Yawu otyinginetâ Yesune yuwu sâm Anitâ ulitguop. “Awoņ, otnihiai yukât topņe ki nangai. Yakât otmâ tosayeņe pilâyingihât nanġan.”

Yawu sâmu tembe lâulipyenġe yâkât hâk katipņe mem “Âlâņe miakbuap?” sâm mem ketetmâ katbi. Mem ketetmâ katņetâ tatmu pepa duhatmâ tipi tapi tuhum kutyeņe ikņiâk ikņiâk yan kulemgum amanġan mânunġetâ giop. Mânunġetâ gemu mem gulip malap tuhum yapâ pepa âlâ meņetâ kut teteop yaņe miahop. Yawu otbi.

<sup>35</sup> Otmu Yura yeņġât papatolipyenġe Yesu girinġangim lohimbi ekmâ kinbi ya yuwu sâm ekyongowi. “Lok yuņe lohimbi nombotņe tânyongomu ekmain. Yâhâ Anitâņe hâņġangumu ge Yura nengât tihitnenņe otmâ kutdânenņe mansap otmuâmâ ikņe tânahom howanâmbâ kâpehâkmâ giâk.” Yawu sâm senġan gewi.

<sup>36</sup> Otmu tembe lâulipyenġe gurâ yawuâk senġan gem girinġangiwi. Yawu otmâ yâk yeņġâlen ġâtņe âlâņe ari sâņgum âlâ mem nak bâtbâtņe potonġan pâņ pâņ kepeim yaņe wain to bâleņe yan walipgum mem yâhâ launġan kalop.

<sup>37</sup> Launġan katmâ yuwu sâm senġan giop. “ġâmâ Yura yeņġât lok kutdâ mansat otmuâmâ kâpehâkmâ ge.” Yawu sâop.

<sup>38</sup> Yâhâ howan yakât kunġan den yuwu kulemgum katbi. “Lok yuâmâ Yura yeņġât lok kutdâ.” Yawu sâm kulemgowi.

39 Yâhâ pet kulem lok yâhâp yotgom kânângâyelekñetâ kinowot ya âlâñe yawuâk senñan gem yuwu sâm sâwanjiop. “Bâe, lok kopa. Anitâñe tihitnenñe otbe sâm hângângohomu ge mansat. Yakât otmâ kâpehakhmâ gem net orowâk tânnotgorâ gene.”

40 Yawu sâmu bukunñe nekamñan yuwu sâop. “Girawu otmâ Anitâ ki ewe katsat? Papatolipnenñe dop konohâk sâm hâreningiai.

41 Yâhâ netñeâmâ otmutñe bâleop. Yakât otmâ sâm hârenitgim notgoñetâ mundom yanñe ârândân oap. Yâhâ lok yuâmâ tosa ki olop yamâ imbiâk kuai.

42 Yawu sâm bukunñe ekuop. Denñe purik sâm Yesu yuwu sâm ekuop. “Yesu, yuwu sâmune nângâ. Anitâñe hângângohomu âwurem ge galem-nongowuat yan nâ nângânihiuwat.”

43 Sâmu sâop. “Emet ki ñij sâmuâk mum yâhâ manman sânduhân tatdom.”

*Yesu muop.*

*(Mataio 27:45-56 Mareko 15:33-41 Yoane 19:28-30)*

44 Yawu sâm ekumu hilâm kârikñan, 12 kilok olop yan Anitâñe nângâmu emetsenñe bok sâmu omoñ sahap. Omoñ sahakmâ yapâ ari emetsâpñe 3 kilok otmu emet lanjñe âlâkuâk pilâop.

45 Otmu emelâk lohimbî inñe opon kâmbukñe yakât biwiñe ekmai sâm sângum kâlep pato hikunñetâ ya kâtâpguminiop. Sângum yanñe pânjambâek tok sâm hâreakmâ nombot nombot otmu tetekñan olop.

46 Sâp yanâk Yesuᅇ den kârikᅇan halahum yuwu sâᅇ Anitâ ekuop. “Awonᅇ, mumbе sâᅇ oan. Yakât otmâ umutne me.

47 Yesu muop sâp yan tembe lâu ya yengât kunyeᅇe âlâ hâlâᅇmâ kinopᅇe ekmu âlâ kândâkdâ otmu Anitâ mepaem yuwu sâop. “Yuâmâ lok âlepᅇe.” Yawu sâop.

48 Otmu lohimbi kinbiᅇe kulem âlâlâ tetemu ekᅇetâ âlâ kândâkdâ otmu muop yakât nâᅇgâᅇ bi-wiyеᅇe umatᅇe otmu emetyeᅇehen âwurem ariwi.

49 Otmu imbi nombotᅇaᅇe Galilаia hân pilâm Yesu betᅇan takawi yâkᅇe bukulipyеᅇe orowâk kâlepᅇan kinmâ kulem teteop ya ekbi.

*Yesu lâum ari hanguwi.*

*(Mataio 27:57-61 Mareko 15:42-47 Yoane 19:38-42)*

50-51 Otmu lok âlâ, kutᅇe Yosep sâᅇ, yâkât topᅇeâmâ yuwu. Lok yamâ Arimata kapi ya Yuraia hânân tap yapâ gâtᅇe. Otmu Anitâᅇe Isirae lohimbi yengât tihityeᅇe otmâ ikᅇe hon bawaᅇe hâᅇgâᅇgumu gewuap sâᅇminiwi yâkât mambotmâ lohotᅇan manmâ gaop. Yâhâ emelâk hotom uminiwi ya yengât kunlipyeᅇe otmu Mosehât girem den kâsikum yinᅇiminiwi otmu Yura yengât papatolipyеᅇaᅇe Yesu muâkgât den sâᅇ hârewaᅇgiwiâke yamâ yâkᅇe nâᅇgâᅇmu ki ârândâᅇ otmu sâᅇyinᅇiop. Lok yaᅇe Yesu lâum ari hanguwe sâᅇ Pilatohâlen ari tetewaᅇgiop.

52-53 Tetewaᅇgimu launᅇan memu bukulipᅇe meyekmu ari howanâmbâ Yesu mem sâᅇᅇum kaokᅇe katipguwi. Katipᅇum lâum ari kât mâᅇâpᅇe



âlâ, dikin yawuya, yamâ emelâk kusânâmâ mem tingâlonjetâ kinop yan lâum ari katbi.

<sup>54</sup> Yâhâ momeje emetsâpne sâp yan lâum ari katbi.

<sup>55</sup> Emet njin sâwe sâm otmu yan imbi nombotņane Galilaia hân pilâm Yesu betņan takawine Yosep orowâk ari sângum kaokne Yesu katipgum kât mâtâpņan katņetâ talop ya ekbi.

<sup>56</sup> Ekmâ to kukne suk suk âilonngo mem ga Yesu pirine sâm otmâ kapiân âwurem ariwi. Yâhâ emelâk embâņân Moseje girem den âlâ kulemguop ya yuwu tap. “Tatmâ nângâ nângâ sâpņan âi ki tuhunomai.” Den ya lâum kapiân in tatmâ nângâwi.

## 24

*Yesuje mumuņambâ yahalop.*

*(Mataio 28:1-10 Mareko 16:1-8 Yoane 20:1-10)*

<sup>1</sup> Emet haņ sâmu imbi yaņe yahatmâ to kukne suk suk mem sumângen ariwi.

<sup>2</sup> Ari senyeje pilâm eksain mâne kât pato lâum hâpunjetâ ba mâtâpne ya maņguop ya âlâengen ba talop. Yawu otmu mâtâpne ya tetekņan kinmu ekbi.

<sup>3</sup> Ekmâ kâlehen yâhâm Yesuhât pâinbi.

<sup>4</sup> Yesuhât pâinņetâ biatmu kinņetâ yanâk anelo yâhâp yâk yetgât hâk katipne kaok bolan bolan yaņe pârâk sânsânâk teteyiņgim kinowot.

<sup>5</sup> Teteyiņgim kinmutâ yelekmâ pârâk pilâm umutyene ariop.

Umutyene arimu yuwu sâm imbi ya ekyon-gowot. “Yenâmâ wongât lok senne golâ ya pâinmâ sumân takai?”

<sup>6</sup> Emelâk yahatmâ arap. Emelâk yeŋe Galilaia hânân yâk orop manŋetâ den ekyongop yakât nelâm yongoap me?

<sup>7</sup> Emelâk yuwu sâŋ ekyongop. “Lok âlâŋe nâ lok bulâŋe nâŋgâm bâlenihim Roma yeŋgât bâtyeŋan mem katnekmu nohoŋetâ mumbom. Mumune hannohoŋetâ hilâm kalimbu pesuk sâmu yan yahatbom.” Yesuŋe yawu sâŋ ekyongop.” Yawu sâowot.”

<sup>8</sup> Yawu sâŋ ekyongomutâ nâŋgân nâŋgânyeŋe pâroŋ sâmu nâŋgâŋetâ teteop.

<sup>9</sup> Nâŋgâŋetâ tetemu pilâyelekmâ âwurem ari yakât den pat Yesu hoŋ bawalipŋe kâiân konok otmu bukulipyeŋe nombotŋe 10 ekyongowi.

<sup>10</sup> Imbi sumân ariwi ya yeŋgât kutyeŋeâmâ yuwu. Maria, Matala kapiân gâtŋe, âlâmâ Yoana, âlâmâ Maria Yakop mâmâŋe. Yâkŋeâmâ bukulipyeŋe orowâk ari den pat ya Yesu hoŋ bawalipŋe ekyongowi.

<sup>11</sup> Ekyongoŋetâ nâŋgâŋetâ porap olop.

<sup>12</sup> Yawu gârâmâ Petoroŋe yahatmâ sumâŋgen sururuk sâŋ ari lâŋ sâtŋanâk kinmâ ehop. Eksan mâne sâŋgum kâlep mem Yesu katipgum katbi yaŋahâk tatmu ehop. Ekmâ “wuân kulem eksan” sâŋ nâŋgâm kiwilim emetŋan âwurem ariop.

*Lok yâhâp Emausi kapiâŋgen ariowot.*

*(Mareko 16:12-13)*

<sup>13</sup> Sâp yanâk Yesuhât komolân gâtŋe lok yâhâp Emausi kapi Yerusalem kapi gotŋanâk tap yan ariowot.

<sup>14</sup> Mâtâwân arim tatmâ papatolipyeŋe Yesu kuŋetâ muop yakât alahum weyetŋe nâŋgâowot.

15 Yawu otmâ arim tatmutâ Yesuᅇ teteyitgimu orowâk ariwi.

16 Orowâk ari kundenᅇ ehoworâke yamâ lok ondop orop arain yawu nâᅇgâowot.

17 Yawu nâᅇgâmutâ Yesuᅇ yuwu sâᅇ âiyotgop. “Wuân denᅇ alahuawot?” Sâᅇ hâmeyetᅇ bâlemu kinowot.

18 Yawu otmâ bukuᅇ âlâ, kutᅇ Keleopa sâᅇ, yâkᅇ yuwu sâop. “Yâhâlen papatolipnenᅇ otbi yakât den pat Yerusalem kapî ambolipᅇ kerekᅇ nanᅇain. Yakât otmâ girawu otmâ yakât pâᅇguat?”

19 Sâᅇ sâop. “Wuân otbihât yat?”

Sâᅇ sâop. “Wâe, wonâᅇgen? Yesu, Nasaret amboᅇ otbaᅇgiwi yakât alahum gait. Anitâᅇ Yesu mâᅇmâᅇ otbaᅇgimu yâkât den kâsikum ningim kulem topᅇ topᅇ tuhūm manmâ gaop.

20 Yakât otmâ lohimbi kerekᅇ nâᅇgâwaᅇᅇᅇtâ yahatminiop. Yamâ hotom umai otmu papatolipnenᅇ yâkât den nâᅇgâᅇtâ nahat otmu “Kuᅇtâ muâk” sâᅇ sâᅇ hârewaᅇgiwi. Yawu sâᅇ hârewaᅇgim Roma lok galemlipnenᅇ ekyongonᅇtâ yâkᅇ lauyenᅇan mem howanân kuᅇtâ muop. Yakât den pat alahum gait.

21 Yâkᅇ Isirae nengât kasalipnenᅇ yongom watyekmu arinomial yawu nâᅇgâᅇ biwinenᅇanᅇ mem manmâ gawin. Yamâ yâhâlen kuᅇtâ muop.

22-23 Âun emet haᅇ sâᅇ imbi nombotᅇanᅇ sumâᅇgen ari kulem âlâ tetemu eksai. Kulem tetemu ekmâ âwurem taka yakât yuwu sâᅇ eknongoi. “Anᅇlo yâhâᅇ teteningim “Yesu mumuᅇambâ yahatsap” yawu sâᅇ eknongowot.”

24 Imbi yaņe yawu sâm eknongonjetâ bukulpnetņe nombotņane sumângen ari imbi yaņe den yai ya yeņe senyeņan Yesu ekņetâ ki tap.”

25 Yawu sâm ekumutâ Yesuņe yuwu sâop. “Nâņgân nâņgânyetņe umatņe. Emelâk Anitâņe poropeteliņne den ekyongomu kulemguwi ya nâņgâmutâ ki keterakyitgimap. Yakât otmâ yuwu sâmune nâņgâyet.

26 Anitâņe tihitnenņe otbe sâm ikņe hoņ bawaņe hâņgângumu ge manmu kuņetâ hâhiwin nâņgâm muop. Muop yamâ mumuņambâ yahatmâ tatmâ yâhâmbisâp ya Anitâņe sâm kalop.”

27 Yawu sâm topņe katmâ Mose otmu Anitâhât poropeteliņane miti pepaen den kulemguwi ya sâm kusânmâ ekyotgop.

28 Yawu otmâ Emausi kapi ginņan ariwi. Yan arimâmâ Yesuņe katyelekmâ kapi âlâengen ariwe sâm olop.

29 Yawu otmu alitmâ yuwu sâowot. “Emet ñiņ yap yakât otmâ orowâk yuân tatne.” Yawu sâm emetyetņan orowâk yâhâwi.

30 Yâhâ tatmâ sot um newi. Sot um nem tatņetâ Yesuņe baņga mem Anitâ mepaem motokmâ torehenņe yitgiop.

31 Yitgimu yanâk nâņgân nâņgânyetņe pâron sâmu kundenņe ekmutâ keterakyitgiop. Ekmutâ keterakyitgimu yanâk gulip olop.

32 Gulip otmu bukuņe âlâ yaņe bukuņe yuwu sâm ekuop. “Mâtâwân takain yan Anitâhât poropeteliņne nombotņe otmu Moseņe miti pepaen den kulemguwi yakât topņe sâm kusânmâ eknotgomu nâņgâm biwine yahatsap.” Yawu sâop.

<sup>33</sup> Yawu otmu in yawu yahatmâ Emausi kapi ya pilâm âwurem Yerusalem kapiân ariowot. Âwurem ari Yesu ikne hoŋ bawalipne kâiân konok otmu bukulipyene nombotne orowâk menduhuakmâ tathi yâk yenğâlen yâhâowot. Yâhâmutâ yuwu sâmb ekyotgowi.

<sup>34</sup> “Kutdâ mumuŋambâ yahatmâ Simon Petoro tetewaŋgimu eksap.”

<sup>35</sup> Yawu sâmb ekyotgoŋetâ benne kutdâne mâtâwân yâk teteyitgim emetyetŋan ari baŋga mem motokmâ yitgimu yan kundenne ekmutâ keterakyitgiop yakât ekyongowot.

*Yesune hoŋ bawalipne kâiân konok teteyiŋgimu ekbi.*

*(Mataio 28:16-20 Mareko 16:14-18 Yoane 20:19-23)*

<sup>36</sup> Den ya ekyongomutâ yanâk Yesune pârâk sânsânâk teteyiŋgiop.

<sup>37</sup> Teteyiŋgimu ekmâ “weke takap,” sâmb pârâk pilâm kiŋgityeŋahât otbi.

<sup>38-39</sup> Yawu otŋetâ yuwu sâmb ekyongop. “Wongât biwiyene ahom niaksap? Nâne teteyiŋgian yuwu weke ki teteyiŋgimap. Yakât otmâ kâine bâte yu walipnohom nâŋgâm heŋgeŋuŋet. Weke bia. Nâ ninak gamune eŋaksain. Yakât otmâ biwiyene sânduk sâek.” Yawu sâop.

<sup>40-41</sup> Yawu sâmb ekyongomu nâŋgâŋetâ porap olop yamâ kâine bâte kuwi ya tiripyongomu ekmâ olowâke yamâ herone nâŋgâwaŋgiwi. Yawu otŋetâ yuwu sâmb ekyongop. “Sot âlâ tap otmuâmâ mem nihiŋetâ nembe.”

42-43 Yawu sâ m ekyongomu iñan âlâ hot um katbi ya wañetâ mem niop. Mem nemu ekmâ “weke bia” sâ m tepyeñe hâlâlâk nâñgâwi.

44 Yesuñe iñan ya nem tiñ pilâm yuwu sâ m ekyongop. “Emelâk yen orowâk manmâ den topñe topñe kâsikum yingim gawan yan den âlâ yuwu sâ m ekyongowan. “Emelâk emet inânñan Mose, Dawiti, otmu Anitâhât poropetelipñe nom-botñañe nâhât nâñgâm miti pepaen den kulemgumini yakât bulâñe tetem heñgeñguwuapgât Anitâñe sâ m kalop.” Yawu sâ m ekyongowan.”

45 Yawu sâ m ekyongom den kulemguwi ya kâsikum yingimu nâñgâñetâ.

46 Den ya nâñgâñetâ keterakyiñgimu den bâñe yuwu sâ m ekyongop. Emelâk emet inânñan miti pepaen den âlâlâ kulemguwi yakât topñeâmâ yuwu tap. Anitâñe lohimbi kerek yeñgât tihityeñe otbe sâ m ikñe hoñ bawa hâñgângumu ge manbuap. Manmu lok bâleñañe mem âlâlâ tuhuñetâ hâhiwin nâñgâm mumbuap. Mumu hanguñetâ hilâm kalimbu pesuk sâ mu Anitâñe mumuñambâ mem yahatbuap.

47-48 Yakât otmâ lohimbiñe orotmemeyeñe bâleñe bet pilâm nâhâlen biwiyenañe kepeinomai otmuâmâ Anitâñe tosayeñe pilâyingim meyekbuap. Otmu yeñe ari nahat den pat âlepñe sâ m haok tuhuñetâ lohimbi hânñan kulemñan manmâ arañe nâñgânomai.

49 Otmu nâñe Wâtgât mâmâñahât Heak hâñgângumune ge âi sâ m yingian yukât mâmâñe otyingimu menomai ya awoñañe sâ m kalop. Yakât otmâ Yerusalem kapiân tatmâ

mambotnomai.” Yawu sâ̂m ekyongop.

*Yesuŋe himbimân âwurem yâhâop.*

*(Mareko 16:19-20 Aposolo 1:9-12)*

<sup>50</sup> Yerusalem kapi pato yakât gotŋan kapi âlâ, kutŋe Betani sâ̂m, ya tap. Yan meyekmâ ari An-itâŋe mâmâŋe otyiŋgiâkgât ulitguop.

<sup>51</sup> Yawu otmâ pilâyekmâ himbimân yâhâop.

<sup>52</sup> Himbimân yâhâmu mepaem tepyeŋe heroŋe otmu Yerusalem kapiân âwurem ariwi. Âwurem ari opon kâmbukŋan yâhâ Anitâ mepaewi. Yawu.

Nâ bukuhe,  
Luka

**Yesuât Den Pat Âlep̄e**  
**The New Testament in the Selepet Language of Papua**  
**New Guinea**  
**Nupela Testamen long tokples Selepet long Niugini**

copyright © 1986 Wycliffe Bible Translators, Inc.

Language: Selepet

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Mar 2025 from source files dated 31 Aug 2023

995083d2-705e-5a60-af47-1e36806ccbc